

EX ACTIS CONCILII TRIDENTINI.

Christianorum Principum, ad sacrum Conciliū Tridentinū Literæ, & Mandata: Legatorumq; ab ijsdem missorum, habitæ Orationes: Vnâ cum sanctæ ipsius Synodi Respon-
sionibus Pio I I I I. Pontifice Maximo, & Fer-
dinando primo Cæsare Augusto.

COMPARITIO SECVNDA ORA-
torum Ferdinandi Romanorum Imperatoris ele-
cti, pro Imperio, Regno Boemiæ, & Archi-
ducatu Austria, & pro Regno Hun-
gariæ separatim.

MANDATVM INVICTISSIMI FER-
dinandi, tamquam Imper. Electi, & Regis Bohe-
miæ, & Archiducis Austria in personam suorum
Oratorum exhibitum in Sessione secunda Tridenti-
na: sub Pio PP. I I I I.



FERDINANDVS, diuina fa-
uente clementia, Electus Romanorū
Imperator semp Augustus: ac Ger-
manie, Hungarię, Bohemię, Dalma-
tię, Croatia, Sclauonia, &c. Rex: In-
fans Hispaniarū: Archidux Au-
strię, Dux Burgundię, Brabantię, Stirię, Carinthię, Car-
niolę, Marchio, Moranię, &c. Dux Lucēburgiæ, ac supe-
a

rioris & inferioris Silesia, & Viriëbergg, et Tecke, Princeps Suenia: Comes Habspurgi, Tyrolis, Lerreti, Kiburgi, & Goritia. Landtgravius Alsatie: Marchio Sacri Romani Imperij, Burgonia, ac superioris & inferioris Lusatie. Dominus Marchia, Sclauonia, Portus Naonis, et Salinarum &c. Memorie commendamus, & recognoscimus, notum facientes tenore presentium uniuersis, quod cum Beatissimus in Christo Pater Dominus Pius III. diuina prouidentia sancta: Romanae ac Vniuersalis Ecclesiae Pontifex Maximus, superiore anno indixerit sacrum Oecumenicum & Generale Concilium in ciuitate Tridentina, ad sacratissimum diem Resurrectionis Dominice proximè præteritum, celebrandum, atque nos nouo modo per bullam super istiusmodi indictione emanatam, Verum etiam per nuncios & literas patrone hortatus sit, si ei Concilio ipsimet adesse non possemus, mitteremus saltem Oratores nostros uiros prudentes, graues & pios. Nos uerò qui iam dudum ardentissimis uotis, ac desiderijs expetiuius, summoque studio, quatum in nobis fuit, promouimus Concilij celebrationem, in quo nimirum ratio aliqua sananda Reip. in tot partes distrahta, ac pacis publica inter Reges & Principes Christiani orbis firmanda, & stabilienda, nec non uita in omni hominum statu, & ordine emendanda ratio, & omnia ea communibus consilijs tractarentur, quae necessitas Reipub. postulauet: principio eiusdemmodi Concilij, propter alia ardua negotia sacri Rom. Imperij, Regnorumque & Dominiorum nostrorum, ipsimet personaliter interesse nequeamus. Nolen

tes sanè propter absentiam nostram tam pio, & præla-
 ro instituto quicquam impedimèti aut difficultatis ini-
 ci, aut quicquam a nobis desiderari, quod ad rem iuvan-
 dam pertinere queat, confisi de singulari pietate, reli-
 gione, fide, probitate, eruditione, iudicio, ac multarum re-
 rum usu, & experientia Reuerendi, deuoti fidelium
 ac nobis dilectorum Antony Archiepiscopi Pragen-
 sis, ac Sigismundi à Thun Consiliariorum nostrorum,
 eosdem & utrumque eorum insolidum solenniter & ex-
 certa nostra scientia animoque benè deliberato, & om-
 nibus melioribus modo, uia, iure, causa, forma, & or-
 dine, quibus possumus, & debemus, Commissarios, Ora-
 tores, Nuncios, Procuratores, & Mandatarios no-
 stros fecimus, constituimus, & ordinauimus: dantes,
 & attribuentes eis, & utrilibet eorum plenam & om-
 nimodam facultatem cum libero & amplo mandato,
 ut celebratione dicti Concilij, nostro nomine; tanquam
 Electi Roman. Imper. ac Regis Bohemie, nec non
 Archiducis Austria, adesse, & interesse ad locum, &
 uices nostras in omnibus Sessionibus, consultationibus,
 deliberationibus, tractationibus, & actibus, obtinere,
 & gerere, consilium, suffragium, uotum, & decretum,
 nomine nostro dare, ferre, & interponere, aliaque om-
 nia & singula agere, tractare, exercere, concludere, &
 & determinare possint, & debeant, quæ ad constituen-
 dam ueræ fidei, et religionis concordiam, et unionem, ac
 Christianæ Reip. salutem, et conseruationem promouen-
 dam facere, et spectare uidebuntur: et quæ nos ipsi face-
 re, dicere, agere, tractare, exercere, concludere, et

4 R E S P O N S V M

determinare possemus, si præmissis omnibus & singulis personaliter interessemus: & si talia forent, quæ mandatum exigent magis speciale, quàm præsentibus est expressum. Promittentes in uerbo nostro Cæsareo, ac Regio, nos totum id, & quicquid per dictos Oratores, Commissarios, & Mandatores nostros modo præmissis, actum, dictum, gestum, factum, & procuratum fuerit: ratum, gratum, firmum, & ualidum habituros esse, dolo & fraude postpositis penitus & semotis; Harum testimonio literarum, sigilli nostri appensione, & manus nostre subscriptione munitarum; mediante. Datum in Arce nostra Regia Pragæ, die prima mensis Ian. Anno Domini M. D. LXXII. Regnorum nostrorum, Romani XXXI. aliorum uero XXXVI.

F E R D I N A N D V S.

RES-

5

RESPONSVM SANCTAE SYNODI
ad Oratores Caesar. M. in eorum comparitione,
Die VI. Febr. M. D. LXII. & in Sessione
secunda XXVI. mensis Febr.



Euerendisimi Domini, Ad-
uentus Dominationū uestra-
rum magnam huic Sanctę Sy-
nodo letitiam attulit, tū pro-
pter maximam beneuolētiā
& obseruantiam, qua Syno-
dus ipsa suam Cesaream Ma-
iestatē prosequitur, tum pro-
pter, eum honorem, qui ei ex
hac nobilissima Potentissimi

atque Religiosissimi Principis legatione accessit. Qua-
re Sancta ipsa Synodus Dominationes uestras, quas pre-
stanti uirtute ac pietate praditas esse non ignorat, letis
amplectitur atque recipit animis. Mandatumq. & lite-
ras suę Cesareę & Regię maiestatis in hoc loco lectas
& recitatas, quantum de iure debet, admittit.

LITTERÆ FERDINANDI IMP.
 electi, quibus constituit Oratorē in Concilio, uti Rex
 Hungarię: exhibite in generali congregatione, die
 VI. Feb. M. DLXII.



FERDINANDVS di
 uina fauente clementia, Ele
 ctus Romanorum Imperator
 semper Augustus, ac Germa
 nię, Hungarię, Bohemięque
 &c. Reuerende fidelis nobis
 dilecte, luce clariùs tibi con
 stat sanctum Oecumenicum
 Conciliū à Sede Apostolica
 Tridenti indictum esse. Ad

quod multorum Christianitatis Principū Legati, cate
 riq; Prelati, Patriarchę, Archiepiscopi, ac alterius sta
 tus, in dies pluribus, plurimi conuenere. Nos qui inter
 Christianitatis potentatus Principē locū tenemus, hoc
 sanctū institutū promouere, ac optatū saluberrimūque
 exitum sortiri summopere desideramus. Quare Legatos
 nostros iam mittēdos, & expedītēdos, alios quoque Prę
 latos ex regnis, et Prouincijs nostris, qui per bullā Apo
 stolicā moniti sunt, primo quoque tēpore iter arripere
 decreuimus. Te itaque ex Hungaria in persona nostra
 Regia, singularē ob morum integritatē ac scientiarum
 peritiā, ad sacrum hoc Conciliū mittendū ante alios ele
 gimus.

7

gimus: comittimusque fidelitati tue, ut nulla interposita mora uel difficultate, iter maturare, neque expectatis alijs nimirum Canadiense, & Tiriniense, qui ambo pro uniuerso Clero proficiſcuntur, antecedere, ac ad quintumdecimum diem Ianuarij instantis Tridēti adesse debeas. Instructionem unā cum alijs Legatis nostris es accepturus. (quod uerò ad expensas attinet, quantum in priori Concilio Episcopus Taurinensis habuit, statundem tibi quoque dari statuimus, cōmisim usque Camerarijs nostris Hungar. ut tibi in praesentiarū ante omnes alios bonam summam pro itinere dare debeāt.) secus igitur non feceris. Data ex arce nostra Pragensi. xx. Decemb. Anno Domini M. D. LXI.

FERDINANDVS.

Reuerendo Gregorio Drascontio, Episcopo Quinqueecclesiensi, necnō Comitatus Baronien. Comiti perpetuo, ac ad sacrum Concilium Tridentinum Legato, & consiliario nostro, Fideli nobis dilecto.

M A N D A T V M F E R D I N A N D I I M-
peratoris electi. in personam sui Oratoris, pro Regno
Hungarie, exhibitum die X X I I I . Februa. M. D.
L X I I . in Congregatione Generali, & in Sessione
I I . die X X V I . dicti Mensis.



F E R D I N A N D V S di
 uina fauente clementia, Ele-
 ctus Romanorum Imperator
 semper Augustus, ac Germa-
 nię, Hūgarie, Bohemię, & c.
 Rex. Infans Hispaniarum :
 Archidux Austrię, Dux Bur-
 gundię, & c. Marchio Mora-
 uie, & c. Comes Tyrolis, & c.
 Memorię comendamus ; ac

recognoscimus, notum facientes tenore presentium uni-
 uersis: quòd cūm beatissimus in Christo Pater , Domi-
 nus Pius I I I I . diuina providentia , Sacrę Romanae ,
 ac uniuersalis Ecclesię Pont. Max. superiori anno indixe-
 rit Sacrum Oecumenicum, & Generale Concilium, in ci-
 uitate Tridentina, ad sacratissimam diē Resurrectionis
 Dominicę, proximē pręteritam, celebrādā: atque nos
 non modò per bullam super istiusmodi indictione ema-
 natam, uerum etiam per nuncios & literas paternē hor-
 tatus sit, ut si ei Concilio, uel ipsimet ad esse non posse-
 mus, mitteremus saltem Oratores nostros, Viros prudē-
 tes,

tes, graues & pios. Nos uerò qui iamdudum ardentissimis uotis ac desiderijs expetiuiumus, summoque studio, quātum in nobis fuit, promouimus Concilio Celebratio nem: in quo nimirū ratio aliqua sanandę Reip. in tot par tibus distrahta, ac pacis publicę, inter Reges & Principes Christianis orbis firmandę, & stabiliendę, nec nō uitę in omni hominū statu, & ordine emēdādę ratio iniretur, & omnia ea communibus consilij tractarentur, quę neces si tas Reip. postularet, principio eiusmodi Concilij, pro pter alia ardua negotia sacri Rom. Imperij, Regnorum que, & Dominiorū nostrorum ipsimet personaliter inte resse nequeamus. Nolētes sanē propter absentiā nostrā, tā pio & præclaro instituto quicquam impeditenti aut difficultatis inijci, aut quicquā à nobis desiderari, quod ad rē iuuandā pertinere queat, consi si de singulari pieta te, religione, fide, probitate, eruditione, iudicio, ac mul tarum rerum usu & experientia Reuerendi, deuoti Georgij Drascouitij Episcopi Ecclesię Quinqueecclesien sis, & Consiliarij nostri, fidelis nobis dilecti, eundē insoli dū solenniter, & ex certa nostra sciētia animoque bene deliberato, & omnibus melioribus modo, uia, iure, cau sa, forma, & ordine, quibus possumus, & debemus, Com missarium, Oratorem, nuntium, procuratorē, & mādata riū nostrū fecimus, cōstituiumus, & ordinauimus: ac per præsentes facimus cōstituiumus, & ordinamus, dantes, & attribuentes ei plenam & omnimodam facultatē cū libero & amplo mandato, ut celebrationi dicti Concilij, nostro nomine, tanquā Regis Hungarię adesse, & interes se, ac locū & uices nostras in oībus Sesssionibus, consul tatiq.

nibus, deliberationibus, tractationibus, actibus obtinere, & gerere; consilium, suffragium, uotum, & decretum nomine nostro dare, ferre, & interponere, aliaque omnia & singula agere, tractare, exercere, concludere, & determinare possit, & debeat, quæ ad cōstituendā uerā & dei, & religionis concordiam, & unionem, ac Christianæ Reip. salutem, & conseruationem promouendam facere, & expedire uidebuntur: & quæ nō ipsi facere, dicere, agere, tractare, exercere, concludere, & determinare possemus, si præmissis omnibus, & singulis personæ liter interessemus: & si talia forent, quæ mādatum exigent magis speciale, quàm præsentibus est expressum. Promittentes in uerbo nostro Regio, nos totum id, & quicquid per dictum Oratorem, Commissarium, & Mandatarium nostrū, modo præmisso actum, dictum, gestum, factum, & procuratum fuerit: ratum, gratum, firmū, & ualidum habituros esse: dolo & fraude postpositis penitus et semotis. Harū testimonio litterarū, sigilli nostri impressione, & manus nostræ subscriptione munitarum, mediante. Datę Pragę 1. die Mensis Iann. XXXII. aliorum XXXV I. Electionis uerō nostræ Imperatoris. V.

FERDINANDVS.

ORA-

ORATIO, HABITA A REVEREN-
disimo D. Georgio Draſcouitio. Epifcopo Quinque-
cleſienſi, Auguſtiſſimi D. Ferdinandi, Romanorum
Imperatoris electi, &c. Conſiliario & pro Regno
Hungarię Oratore Tridentini, in Generali Congrega-
tione, Die XXIII. Februarij. M. D. LXII.



I nobis, Illuſtriſſ. Legati, præ-
clara domus, quę eſt eccle-
ſia Dei, optimi firmiſſimique
Cardinales, huic ſacroſan-
ctę generali Synodo diuini-
tus dati, ac donati Preſiden-
tes: Voſque Patres ac Paſto-
res ampliſſimi atque uigilā-
tiſſimi: ſi uobis, inquam, Fer-
dinandi Cęſaris auguſtiſſimi
fides, pietas, uita propemodum angelica, ac in retinēda
defendēdaque Chriſtiana Catholica religione perpetuę
uigilię, labores plurimi, indefeſſęque omni tēpore, ſtu-
dium, iam antea perſeſſiſſima non eſſent, credere equi-
dem, me ſi hac ſciens tacerem, non modò accuſandum
meritò, uerumetiam tanquam omnes impietatis limi-
tes doſe tranſgreſſum, inre optimo damnandum eſſe.
Verum, qua optimi Catholicique Cęſaris rara & ina-
udita uirtutes, uobis notiores ſunt, quàm ut à me in me
dium proferri debeant, hęc tanta tamque præclara,

& planè celestia dona, in hoc nobilissimo omnium Chri-
 stianorum Principum capite, stellarum instar micantia,
 maximâ admiratione ueneranda rectius, quam oratione
 etiam splendidissima celebranda esse, meriù existimaue-
 rim. At, nisi hunc talem tantumq; nobis Imperatorem
 Deus, pro sua benignitate, nobis dedisset, infelix pro-
 flò infinitis propriè malis afflicta hac nostra tempestas,
 & esset, & haberetur. Gratias itaque Deo eterno sup-
 plex agere, debebit, quod illi præter ullum meritum, hic
 alter Constantinus Catholicus obtigerit. Nam per Deū
 immortalem, nonne uerum Constantinum, aut eo etiam
 maiorem dixeris? qui ante aliquot secuta hæresis uel
 schismatis iniuria collapsas Ecclesias, imò uerò penitus
 deletas, hisce calamitosissimis temporibus, noua libera-
 lique fundatione restaurat, Collegia & cænobia euer-
 sola; æquata reparat, & noua etiā magna impensa ex-
 ducat. Clerū deniq; ipsum, unā cum orthodoxa religio-
 ne, in plerisque locis ferè extinctum, nō sine maximis cu-
 ris & incredibilibus sumptibus priſtino splendori resti-
 tuere omnib; uiribus annititur. Sed ne curiosè magis ex-
 plicare, quàm stricim quædam attingere uoluisse uide-
 ar, illud hoc loco dicā, & uerè quidē, laudatissimi huius
 Imperatoris cura atque opera perfectum esse, ut multo-
 rum scelere deformata religionis nostræ facies, suum de-
 cus, suum nitorem, recuperare posse uideatur. Iam uerò
 quantum illud est, quod ut Christianos è Turcarum fauci-
 bus eripere, eosq; à saeuissima illorum Tyrānide, in liber-
 tatem asserere possit, nihil eorum, quæ ad hanc rem rectè
 ac laudabiliter gerendam adhiberi debent, omittit, sed

con-

continuis bellis, magno studio, incredibili cura, ita se impio illorū conatui opponit, ut, quòd Germani, quòd Itali, quòd Galli, quòd Poloni, quod aliæ propè omnes gentes securius uiuant, id ipsi uni secundum Deum, acceptū referre debeant? Quis enim est in orbe Christiano locus, quem non Turcarum rabies iam olim peruagata esset, nisi hic talis tamq; pius Imperator se suosq; charissimos liberos huic pesti obiecisset; eiusq; impetū solus ex omnibus Christianis Principibus sustinisset. Sed hæc eiusmodi sunt, ut nullis uerbis, nulla ratione satis explicari possint. Atque hunc quidem Imperatorem, omnium uirtutum heroicarum cumulatisimum thesaurum, si uobis Patres laudatissimi, hic coram intueri liceret, uerbis exprimi non potest, quanto gaudio perfunderemini, uicissimq; ne cogitatione quidem complecti possum, quali quamque inexplibili lætitia sua Casarea Maieſtas afficeretur, si in hoc augustissimo loco, eum, in quo olim paracletus ille Spiritus sanctus, sub ignitarum linguarum forma, uisibilis apparuerat, uerè representante tot doctissimorum ac religiosorum, imò uerò Apostolorum locum tenentium Patrum uenerandas facies presens inspiceret, certe temperare non posset, quin in omnium uestrum sancta scula rueret. Imò quo est in rem Christianam studio, ipsamet Maieſtas sua huc libenter uenisset, si propter plurimas, easdemq; grauissimas Sacri Romani Imperij, Regnorumque & Dominorum suorum occupationes, in presentiarum suæ Maieſtati id facere licuisset. Ne tamen interim quicquam, quod in hac parte muneris Cæsarei incūbit,

bit,omittetur: noluit sua M. Oratores, & Commissa-
 rios suos ad hoc sacrosanctum Oecumenicum Conciliū,
 tempessinē, & ante omnes alios Christianos Principes,
 mittere, qui & personam suam referrent, & cum ple-
 na auctoritate & mandato, nomineq; & loco M. suae
 celebrationi huius sacrae Oecumenicae Synodi interesset.
 Quēadmodum haec, & alia multa praecelara, quae in mā
 datis habebant, Reuerendiss. Dominus Antonius Mu-
 glitius Archiepiscopus Pragensis, & Mag. Dominus
 Sigismundus à Thun M. suae Caesareae Oratores hic praes-
 sentes uobis Illustriss. DD. Legati, priuatim luculen-
 ta oratione copiose exposuerunt. Ex his itaque, quae iā
 dicta sunt, Antislites sanctissimi, manifestē apparet,
 quo studio, quāque propensa uoluntate sit eius Maie-
 stas in hanc sacrae Synodū, praesertim uerō, cū non
 solum ab eo, qui modō uniuersam illustrat Ecclesiam
 Pont. Max. uerē Pio IIII. uerū etiam ab aliquot suae
 Sanctitatis praecessoribus Pon. Max. (pia memoriae)
 magna contentione semper petiuertit, ut iā tandem ma-
 iorum suorum exēpla secuti, conuocato ueteri de more
 generali Concilio, extirpatisque haeresibus, & ueteri
 Ecclesiastica disciplina restituta, Christi fidelium salutē
 prospicerent. Quinuis Sanctissimus quoque D. N.
 Pientiss. Pastor, statim in ipso Pontificatus sui felicē
 initio, antē alias omnes grauissimas urgentissimisque
 curas, hanc data opportunitate, in primis de congrega-
 do uniuersali Concilio, spinisq; ex agro Dominico refe-
 candis, pro sibi innata pietate, & sapientia ultro susce-
 perat. Id quod iā Sanctitatis suae laudatissimē omniūq;
 Christi

Chisti fidelium mirifico applausu, re ipsa prestare cernimus. Pater celestis serua hæc orbis lumina, quæ ad conseruandam tuendamque Remp. Christianam, imò uerò pretioso filij tui Domini nostri Iesu Christi sanguine acquisitam Ecclesiam, uirtutibus, pietatisque studiis cumulatam, ita coniuncta esse uoluisti, ut alterum in altero cernere liceat. Quod sanctitatis suæ præclarumque Pont. ac Pastore dignum, uniuersoque orbi Christiano salutare finem, cum non sine magna animi uoluptate Christianissimus Imperator uideret, sua quoque M. Cæsar. tanquam primogenitus Ecclesiæ Catholice sedisque Apostolicæ additissimus filius, hoc Sacrosanctum Oecumenicum Concilium, quod in Spiritu sancto ritè ac legitime congregatum agnoscit, pro Cæsareo suo munere, quotienscunque res postulauerit, ab omnibus iniurijs tueri, manutene-
re, atque defendere sese præptam ac paratam benignè offert. Quod autem hanc suam uoluntatem eius Maiestas uobis magis testatam faceret, non solum ut Imper. Romanus ac Bohemique Rex, et Archidux Austria, hos graues & pestilentes, munerique huic obeundo maxime idoneos uiros, quos coram cernitis, Oratores suos huc mittere dignata est, sed etiam quatenus est Rex inclite Hungariæ, antiquissimi illius & nobilissimi Christiani orbis propugnaculi, me licet immeritum huic sanctissime Synodo, nomine suo Regio, cum plenè autoritatis mandatumque litteras uobis nuper exhibere certas ob causas non poteram, locum tamen Regi Pannoniæ debitum Amplitudines uestre Illust. & Reuerend. non expectatis litteris, quas iam ad manus habeo, mihi dandum & assignandum benignissime adiudicarunt;

dicarunt; imò absque aliqua mora humanissimè assigna-
runt, & dederunt. Quod Amplitudinum uestrarum
egregium & memorabile factum cum uestra erga Ca-
tholicum Imperatorem, Regemque meum Serenis-
simum obseruantia & amoris sit illustre testimoniū, Ma-
iestati suæ gratisimum, omnibusque amoris & beneuo-
lentiæ officijs pensandū accidit. Ergo uerò pro hac Am-
plitudinum Vestrarū erga me insigni beneuolentia, quā
omnia, quæ ad cūmulum officij mei spectare cognouero,
diligentissime implenero, Deum etiam eternū uotis om-
nibus supplex exorabo, ut uos omnes & singulos hic feli-
ces conferue, & post hanc uitam donet eam, quæ nescit
temporis modum. Postremò, ut & officio meo, & Illu-
strissimarum ac Reuerendiss. Amplitud. uestrarum ex-
pectationi satisfaciam, fidemque Reuerendissimi Domi-
ni Archiepiscopi Pragensis Oratoris Cæsarei, nuper pro
me interpositam redimam, literas plene authoritatis,
& mandati Regis mei reuerenter exhibeo, orans, ut &
illas in hoc ornatisimo Confessu pro recepta iam consue-
tudine publicè perlegi facere, & me cæpta hac sua sin-
gulari benignitate, atque humanitate complecti digne-
tur.

RESPONSVM. SANCTAE SYNO-
di in secunda comparitione R. D. Episcopi Quin-
quecclesiensis, Oratoris Casarei pro Regno Hunga-
riae, die XXIIII. Feb. & in Sessione secundâ,
XXVI. eiusdem Mensis.



ILLVSTRIS & Reue-
rendissime Domine Ora-
tor, Dupliciter sancta Sy-
nodus Reuerēdissima Do-
minationis Vestræ aduen-
tu exhilarata est, & quod
Casarea Maiestas domi-
nationē vestrā pro incly-
to suo Regno Hūgariae hi-
sce negotijs, quæ pro uni-
uersa Christiana Rep. suscepta sunt, interesse voluerit.
& quod talem virū miserit, cuius in primis prudentia
ac consilio adiuta, tot tantisque malis, quibus passim
Ecclesiæ mēbra conflantur, opportuna ac maximē
accōmodata remedia adhibere se posse magnopere cō-
fidit. Cū autem probē intelligat quantus ex utroque
ornamenti ac dignitatis ad suam auctoritatē cumulus
accesserit, in primis Deo Optimo Max. gratias agit,
quod talem Christiano orbi Imperatorē, sibi quæ aduo-
catū largitus sit, qui malis improborū hominum arti-
bus labefactatā ac propē iā labentem Ecclesiā corruē-

b re

re non sinat, sed incredibili uirtute & sapientia fulciat ac sustineat. Deinde uerò tantum se eius M. debere proficitur, ut neque obseruantie, neque studio, quo eam prosequitur, magnitudo ulla satis oratione explicari posse uideatur. Ac quoniam pro summo in Ecclesiam studio, præclarisq; erga se meritis parem referre gratiam se non posse intelligit, saltem id, quod potest, hoc tempore faciet, Deum Max. supplex orabit, ut in quo Constantini illius Magni pietas ac Religio, multis alijs uirtutibus aucta cumulatq; ita elucet, ut uniuersum terrarum orbem clarissima sua luce collustreret, eidem quoque Constantini felicitatem largiatur: ut & immanes barbaros Christiani populi ceruicibus imminentes longè repellere ac propulsare possit, & Ecclesiam in eum statum adducat, ut magna calamitate propemodum oppressa, iam tandem aliquantùm respirare ac ueluti reuiuiscere queat. Quòd autem sacra eius Maiestas fauorem atque etiam securitatem ipsi sanctæ Synodo pollicetur, & si de eo nūquam antea dubitauit, tamen gratisimo animo summaque spe recipit, ac quas potest maximas eius Maiestati gratias agit. Cæterum quòd priuatim ad D. V. Rerendissimæ per personam attinet, tum propterea quòd eam præstanti uirtute, prudentia ac pietate præditam esse sancta Synodus non ignorat, tum eò etiam quòd magnis itineribus, summa die huc appuleris, lætis animis recipit atque amplectitur. Postremò, mandata eius Maiestatis Cæsares & Regia quæ reddisti quantum de iure debet, admittit.

COM-

COMPARITIO ORATORIS SEBASTIANI Portugalia Regis, Die IX. Februarij, M. D. LXII.

Litteræ. Mandatum.

Oratio. Responsum.

LITTERÆ SEBASTIANI REGIS Portugaliæ ad Concilium Tridentinum, exhibita per eius Oratorem Die IX. Februarij M. D. LXII. in congregatione Generali, & postea in Sessione secunda, Die. XXVI. dicti Mensis.



ACRO Oecumenico Generali Concilio in spiritu sancto legitime Tridēti cōgregato uniuersalem Ecclesiā representāti D. Sebastianus Deigratia Portugalia Algabiorumq; Rex in Africa Dominus Guineæ, Nauigationis, Expeditionis, Cōmercij, Aetiopiæ, Persidis, &

India, synceram obedientiam, & filij deuotissimi obseruantiam offert. Et si maximo Christi Domini Seruatorisq; nostri beneficio, regnis Prouincijs nostra ditioni subditis intelligimus, hactenus fuisse concessum: ut pestilentissimorum errorum, qui nostra, patrūque memoria, i m pia multorum persuasione eruperunt, labemine minimè contaminarentur; communibus tamen Chri-

b 2 **stianæ**

Rianæ Reip. malis ita angimur, & ne seditiosa nefariæque impietatis longius serpat contagio, ita ueremur, ut quoniam non aliunde præsentius remedium, quam à sacro Concilio poterat expectari, nihil nobis gratius incundiusque accidere potuerit, quàm Oecumenici huius Concilij autoritate Pontificia repetita indicitio: Ad eam uerò letitiam quam initio de indictione conceperam, magna accessio facta est: postea quàm & qui præessent, & qui adessent cognoui. Nam & amplissimorum Legatorum auctoritas, & prestantissimorum Patrum integritas magnam mihi spem sapienter constituende à sacro Concilio Christianæ Reip. præbuerunt. Cui ne deesse, mittendum curavi Legatum, qui & meam erga sacrum Concilium obseruantiam præsens testaretur, & quæ à me in mandatis habebat, uobis accuratè exponeret. Is est Ferdinandus Martinus Mazzearenus, generis splendore, pietate, integritate, multisque alijs eximijs animi dotib. mihi in primis gratus. Quem spero fore, ut benignè humaniterque excipiat, & ea fide audiat, nostro nomine de publicis priuatisque rebus agentem, quæ & nos, si sacro Concilio interesse, & coram uobis eadem, quæ illi in mandatis dedimus, agere licuisset. Sacrum Oecumenicum Generale Concilium Spiritus Dei sanctus suam gratiam Sanctissime Synodo largiatur, ut ea statuatur atque decernatur, quæ & diuini nominis gloriam augeant, & totius uniuersalis Ecclesiæ commodis conducant. Olyssipponæ III. Calend. Octobris, Anno 1561. RETNHA.

MAN-

*MANDATVM SEBASTIANI RE-
gis Portugaliæ in personam sui Oratoris in Conci-
lio Tridentino, in eius comparitione in Generali
Congregatione IX. Februarij. M. D. LXII. &
in Sessione secunda, die XXV. Idus Mensis.*

Sebastianus Dei gratia Portugaliæ & Algabio-
rum Rex, citra et ultra mare in Africa, Dominus
Guinææ, Expeditionis, Nauigationis, Cōmertij, Aethiopia,
Arabia, Persidis, & India. Vniuersis & sin-
gulis notū facimus, quod cōfidentes nos multum de fi-
de, integritate, diligentia, & industria Nobilis uiri et
in aula nostra liberaliter educati Ferdinandi Martini
Mazcarenij Cōsiliarij nostri fidelissimi, designamus, de-
putamus, constituimus apud Sacrum Oecumenicū &
Generale Cōcilium à Sanctissimo D. N. Papa Pio quar-
to, in urbē Tridentinā indissolū, & in eadē urbe Deo au-
xilante celebrandū, nostrū Oratorem, & concedimus
illi plenum mandatū & omnimodam potestātē in eodē
sacro Concilio, dicendi, agendi, proponendi, tractandi
omnia, quæ ad prosequendum concludendumque Con-
cilium, & nostro nomine cætera agenda, quæ ad cæte-
rorum membrorum cum Romano Pontifice Ecclesiæ
supremo Præsidi & Christi Vicario, sanctæque Se-
de Apostolica omnium Ecclesiarum Parente & Ma-
gistra, unionem, hæresum errorumque extirpationem,
& morum reformationem, & reliqua quæ ad
b 3 Catho-

Catholicae religionis augmentum, fidei exaltatione, & Christiani nominis hostium debellationem expedire & conducere Sacro Concilio, & eidem nostro Oratori uidebuntur: etiam si essent talia, quae speciale mandatum exigent, omnia denique quae ipsi si praesentes essemus, facere possemus. Eaque ita per nostrum Oratorem acta, tractata, & conclusa promittimus nos rata, grata, & firma habituros. Et quoniam Apostolicę sedis beneficio, trium militiarum Domini nostri Iesu Christi sancti Iacobi, & de Anis ordinis Cisterciensis, nostrae Regię coronae in perpetuum gubernatio est annexa, & singularum nomine iuxta illarum stabilitimenta, & statuta, etiam ad sacrum Conciliū ire personaliter, uel sufficientem & idoneum Procuratorem mittere tenemur, cum ipsi per nos id facere ad praesens non possimus, eundem nostrum Oratorem, Procuratorem cum plenaria potestate, ipsi singularum dictarum militiarum perpetuam administrationem nostrae Regię coronae annexam habentes, singularum praedictarum & nostrū Procuratorē etiā deputamus, & cōstituimus ad ea omnia, quāuis specialia & ardua, quae ipsi tamquam earundem militiarum Magistri magni & perpetui gubernatores, si praesentes essemus, agere, proponere, tractare, concludere possemus. In quorum fidem & testimonium fecimus praesentes litteras scribi, & Regio nostro sigillo, postquam nostra manu subscriptę fuerint, communiri. Olyssipponē. X. X V I I I. Septembris Anno Domini M. D. L X I.

R E T N H A.

O R A -

ORATIO HABITA SERENISSI-
mi Portugaliae algarbiorumque Regis Sebastiani
nomine, in Concilio Tridentino. Die IX. Februa-
rii, M. D. LXII.



*V*M ad tuendam Christianae reli-
gionis integritatem, Sacrorum Con-
ciliorum accommodata semper fue-
rit autoritas, his tamen nostris,
post hominum memoriam, turbu-
lentissimis temporibus, quibus con-
taminata, & ueteris disciplinae seueritas omnium fe-
rè ordinum luxu cupiditateque dissoluta, huius Sacro-
sancti conuentus celebritas sic omnibus de Christianae
Reipublicae salute cogitantibus necessaria uisa est, ut
non alia ratione sincera religio suae puritati restitui,
collapsamorum disciplina instaurari posse uideantur.
Et quoniam singulari Dei Opt. Max. beneficio esse-
ctum est, ut tandem aliquando magno animorum
consensu publicus uniuersi Christiani nominis con-
uentus Pontificia auctoritate in hanc urbem indi-
ctus ageretur, confidimus planè futurum, ut quam
apud omnes Christianae pacis studiosos expectationem
commouit sacri huius uenerandique cœtus religiosa
maiestas & amplitudo, non modò persanatis ali-
quos religionis uulgaribus impleat, sed ita supe-

ret, ut sancio, debilitatoque Christiana Reipublica corpori omni ex parte medeatur. Nam si quis animo atque cogitatione uelit paulò altius repetere eas difficultates, quibus non solum nostra, sed superiorum etiam memoria, Sacri Concilij progressio fuerit interrupta, facile intelliget & tunc fuisse multa, quæ Oecumenici Concilij splendorem obscurare, & cursum impedire uidebantur: & nunc fuisse nonnulla, quæ nisi constanti sua prudentia, & pia planè constantia Sanctissimus Pontifex Pius quartus superasset, non modò, quam hic hodie summa cum uoluptate intuemur, Christiana Reipublice uinam sanè, & suis omnibus propemodum membris expressam effigiem, minime haberemus, sed uix exiguum illius, obscurumque simulacrum cerneremus. Et aliorum quidem Pontificum stabilis perpetuaque in promulgando, indicendoque Sacrosancto Concilio sententia, uehemens illorum studium erga Christianam Reipublicam non obscurè declarauit, & constantiæ pietatisque laudem apud posteros illis concilianit, qui nullis temporum asperitatibus perturbationibusque deterriu, rem toties parùm feliciter tentatam diuinæ sapientiæ consilijs innixi sibi repetendam indicarunt. Sanctissimi uerò V. N. Pij quarti Pontificis, & Apostolicæ dignitatis fastigio, & animi ornamenti uerd Maximi, laudibus, nulla sanè par ullo unquam tēpore oratio poterit reperiri, qui, ut excellens in Christianam Rem publicam suæ unius curæ sollicitudineque diuinitus traditam, studium testaretur, cum primùm fuis Pontifex

Pontifex Maximus declaratus, ut quod salutaris auspiciatq; planè nomine pollicebatur, adhibita inueteratis Ecclesie malis medicina præstaret, in Concilij celebrandi ratione, quo uno remedio omnium mentes ad sanitatem reduci posse uidebantur, omnes suas curas cogitationesque ab ipso sui Pontificatus exordio collocauit. Cuius cum pios conatus & paternæ pietatis uiscera prospicerent hi, quos ille & nuncijs & amantissimis litteris in hanc urbem ad æcumenicum Concilium celebrandum adhortabatur, conueniunt frequentes, ut uidemus, & ut speramus, non modò illius autoritate, sed huius etiam Concilij Sanctissimi exemplo, celebritateque incitati, frequentiores in dies conuenient, & huius Sacrosanctæ Synodi dignitatem sua pietate magis illustrabunt. Quod si æcumenicorum Conciliorum autoritas Sacrarum litterarum mouuentis non tam esset disertè comprehensa, quis tamen sobriè, sanæque mentis crederet, pio tot integerrimorum, Sanctissimorumque Præsulum conuentui Sanctum dei spiritum defuturum, qui in medio duorum, triumphè de pietate agentium, se promissit futurum? Cum uerò tanta sit Sacrorum Conciliorum dignitas & religio, ut quæ in illis decernuntur, pro diuinis oraculis excipiantur ab omnibus, quis sibi non facilè persuadeat in omnibus de Christiana Religione controuersis, eam fore uerissimam sententiam, quam tot Patres matura ætate spectata uirtute, exactaque eruditione ornatisimi comprobauerint, & Reuerendissimi, Illustrissimique Legati, diui-

na quadam sorte electi, qui Pontificio nomine Sanctissime Synodo præsent, sua auctoritate confirmaverint? Tametsi uerò facile adducimur, ut credamus in eadem sententia ceteros pro sua pietate, & sapientia futuros, de nobis tamen possumus id constantius, apertiusque profiteri, qui ornatisimo uestro conspectu in tantam Christianæ Reipublicæ sapientissimis uestris decretis constituenda expectationem sumus erecti, ut non modò uestra pietate exsultemus fore, ut omnes de religione controuersie dirimantur, sed uestra etiam censoria seueritate omnium ordinum, Sacerdotumque præsertim, qui cæteris scientia, & uirtutis integritate præluce debent, mores ad Euangelicæ sinceritatis normam dirigantur. Quæ qui sibi ex Sacro Concilio non pollicentur, aut quam uim habent non perscipiunt, aut cuius auctoritate nitantur, nō intelligunt. Hos quidem fructus, aut uberiores etiam postulat à nobis Christiana Respublica: hos expectat Serenissimus Princeps Sebastianus Portugaliæ, Algarbiorumque Rex huius nominis primus; Quilibet suum in Christianam Rempublicam studium satis uobis crederet perspectum, & cognitum, ut tamen suam erga Sacrosanctum Concilium obseruantiam illustriore testimonio declararet; ornatisimum uirum, quem uidetis, D. Ferdin. Martinex. Mazcarenum ad hoc Sacrum Concilium destinauit, non Oratorem solum, sed pignus, obsidemque perpetuæ suæ erga Sacrosanctum Concilium obseruantia & pietatis. Quanta uerò curæ optimo religiosissimoque

Prin-

Principi fuerit æcumenici huius Concilij celebritas, & amplitudo, testari apud nos poterunt non solum Antistites Bracharensis, Cobricensis, Leriensisque, sacrarum litterarum scientia, spectata pietate, & uitæ integritate insignes, qui se explicare celerius, & maturius in hanc urbem uenire potuerunt, sed & qui constitutis suarum Ecclesiarum rationibus aderunt ex illius Regnis & Dominijs, quos omnes Christianæ pietatis studiosissimus Princeps acuratè est per litteras hortatus, ut quàm diligentissimè possent se ad maturam processionem componerent, ne uel iubenti, uolenti que Summo Pontifici segnius parere, uel laboranti Ecclesie serius, quàm cum eorum pietas, tum periculi magnitudo postulabat, adesse uiderentur. Quæ omnia à Serenissimo Rege studiosissimè sunt curata, partim ut sue erga Sacrum Concilium obseruantia satisfaceret, partim etiam ut Clarissimorum Portugalie, Algarbiorumque Regum Maiorum suorum religioni, pietati que responderet. Quorum res fortiter & feliciter gessit, ita semper fuerunt cum publica Christianæ religionis utilitate & dignitate cõiuncta, ut tot defusis profligatisque Barbaris Regibus, uictorijs, tot directis expugnatisque hostium oppidis, tot arcibus in aduerso Numidie, Getulique littore ad comprimendâ Barbarorum audaciâ, erectis, non tam sui Imperij fines proferre, quàm Christianæ religionis gloriam propagare uoluisse uideantur. Incitabantur illi quidem Regij animi excellenti magnitudine, sed ad natiuam, infinitamque co-

rum propositionem accedebat aculeus ille, quem *Alfonfus* primus *Portugaliæ* Regni conditor, & auctor posterorum Regum annis impressum reliquit. Quod si apud Clarissimos *Portugaliæ* Reges, tantum ualuit exemplum perpetua quadam serie, uelut per manus, traditum, quid uobis Amplissimi Patres, expectare par est à Serenissimi Regis *Sebastiani* animo, quem non solum superiorum Regum Illustria exempla, sed recens, spiransque adhuc *Emanuelis* proauis, *Ioannis*que Tertijauis memoria ad prouehendæ religionis studium uehementius accendit? Quomodo enim potest uel *Emanuelis* Regis pronepos non ipsidem negligis insistere, uel *Ioannis* Optimi, maximique quondam Regis nepos, cognita ab omnibus propemodum, qui hic adestis, illius pietatis exempla, minime consuetari? Quorum ille subicelsis Apostolicæ Sedis Imperio, tot in Oriente Regnis, Prouincijs, Barbarisque nationibus, eius gloriam longè, lateque illustrauit. Hic uerò non modò subactos ab *Emanuele*, felicissimæ recordationis, Rege patre suo populos in officio, fideque continuit, sed etiam studio diligentique perfecit, ut repudiato nefario inanum simulachrorum cultu, Christianæ religionis pietate imbuerentur, & nostræ disciplina sacra, moresque libenter sequerentur. A quo propagandæ latius nostræ religionis cursu, cum partim finitimorum *Africæ* Regum infestis excursionibus, partim magnis à *Solymano* ad euertendum nostrum in Oriente Imperium missis clasibus subinde interpellarentur, illorum quidem
 auda-

audaciam, temeritatemque, grauissimis illatis dam-
nis, represit. Huius uero nauales copias in ipso Die-
florentissima to:ius Cambaia Regni urbis conspectu,
ita oppressit, ut Solymanus purpuratorum Satrapa-
rum apud Barbarum & immanem Tyrannum gratia
& auctoritate longè maximus, qui Clasi summo cum
Imperio præerat, multis depressis trivremibus, lace-
ris, truncatisque aliquot nauigijs, ægrè sit fuga sala-
tem consecutus. Quæ idè breuiter, cursimque à no-
bis sunt commemorata, Patres Amplissimi, non mo-
dò ut intelligeretis, quanto suorum periculo, & sum-
ptu suo, Clarissimi, proferendaque latius Christia-
næ religionis studiosissimi Portugalia Reges, non in
oppositè nobis Africa solùm proximis, sed in A-
fricæ etiam remotissimisque prouincijs grauissima, pe-
riculosissimaque bella susceperint, quaque ea uel ani-
mi magnitudine gesserint, uel constantia felicitate-
que confecerint, sed etiam ut cognosceretis eundem
erga Sanctam Sedem animum, idem ad Christianam
religionem amplificandam, propagandamque studium,
eandem erga hoc sacrum Concilium obseruantiam,
eandem denique pietatem expectandam à Sereniss. Re-
ge Sebastiano, & Regia præstantissima in dolis signi-
ficatione ad excellentes omnes uirtutes propenso, &
domesticis imaginibus, Clarissimorumque Regum Il-
lustribus exemplis incitato. Qui, quod Sanctissimo
Pontifici suis litteris est pollicitus, hodie cumulatè
præstat, & suum ad illustrandam huius Sacrosancti
Concilij celebritatem, studium, uobis Amplissimi Pa-
tres

tres, hodierna die per D. Ferdinandum Martineꝝ Mascarenium suum Oratorem, Virum non solùm antiqua generis nobilitate, & familia, multis Asiæ, Africæque triumphis insignem, sed fide, integritate, cæterisque ornamentis longè præstantem effusè pollicetur. Sperat autem fore, ut quoties cùm de publicis Christianæ religionis atque disciplinæ, tum de priuatis negotijs nostrarum Ecclesiarum, quæ singulari Dei Opt. Max. beneficio, nec ab Ecclesiâ Romanâ cæterarum parentis & magistræ obseruantia deflexerunt, nec à ueteri receptoq; semel cultu recesserunt, apud uos illius Orator agere uolet (quod pro sua prudentia, non nisi necessarijs aut grauib; certè causis impulsus faciet). Vos, cognitis Serenissimi Regis mandatis, eum pro uestra humanitate benignè excipiatis.

RESPON-

RESPONSVM SANCTAE SYNO-
di, datum illustrissimo Oratori Serenissimi Regis
Portugalie in eius comparitione, Die IX. Febr,
M. D. LXII. & in Sessione secunda.
XXVI. Febr.



ILLVSTRIS D. Orator. Man-
datum & litteræ Serenissimi Por-
tugalie Regis, quæ modò à Domina-
tione uestra exhibitæ in hoc sacro
loco recitatæ fuerunt, nec non ea,
quæ ornatissima Oratione exposita
sunt, huic Sanctæ Synodo iucundissimum nuncium at-
tulerunt, cum declararent eximiam quandam ac per-
petuam clarissimorum Portugalie Regum ac præci-
pue Sereniss. Sebastiani Regis in Deum pietatem, insi-
gne in Rempub. Christianam studium, ac summam erga
hoc Oecumenicum & Generalem Concilium, obseruan-
tiam, licet nihil noui huic Sanctæ Synodo allatum sit.
Nemo enim est, cui cõpertissima nõ sint præclara Regi
Portugalie facinora in Christiana religione, ueraque
Christi fide in Orientis partibus propaganda. Non mi-
nor tamen Maieslati sue, maioribusque suis pijsimis
& Clarissimis Regibus laus & gloria hac tempesta-
te debetur, quod in his calamitosis tẽporibus, tot dis-
sidijs, totque in Ecclesia exortis hæresibus, Regna,
& Ditionem suam in Orthodoxa fide, Ecclesiæque Ca-
tholicæ

*tholicæ unitate (uti uerè Christianos Principes de-
cet) semper conseruauerint, quàm in Barbaris & ido-
lorum cultui deditis Nationibus, ad ueram religionem
traducendis. Quamobrem hæc Sancta Synodus Deo et
Patri domini nostri Iesu Christi meritis de his omni-
bus gratias agit, Dominationeniq; uestram, tum ipsius
Regis causa, tum ob singularem eius prudentiam, ac
sanguinis splendorem, grato ac beneuolo animo reci-
pit. Regium uero mandatum, quantum de iure de-
bet, admittit.*

COMPARATIO ORATORIS PHI-

lippi Hispaniarum, &c. Regis Catholici:

Die decimasexta Martij.

M. D. LXII.

Mandatum Oratio.
Responsum Sanctæ Synodi.



MANDATVM PHILIPPI

Hispaniarum Regis Catholici, in personam

sui Oratoris Tridenti exhibitū. Die

XVI. Martij. M. D. LXII.

& in Sessione tertia. Die

xiii. Maij.

PHILIPPVS Dei Gratia Rex

Hispaniarū, utrinque Sicilia, Hieru-

salem, &c. Archidux Austria,

Dux Burgundia, Brabantia, et Me-

diolani, &c. Comes, Habsburgi, Flā-

drie, Tyrolis, &c. Recognosci-

mus & notum facimus tenore presentium univer-

sus, Cū Beatisissimus in Christo Pater & Dominus

noster, Dominus Pius IIII. Divina Providentia

c Sacro-

*Sacrofancta Romanæ Sedis Pontifex Maximus, ut
 his malis & diuisionibus, quibus Christiana Respu-
 blica iam diu uexatur, & Religio nostra tot ac tam
 diuersis opinionibus impertitur, eo remedio quo San-
 cta & Vniuersalis Ecclesia uti solet, mederetur, &
 ad ueram in fide conuenientium unionem omnes Chri-
 stii fideles reducerentur, uti optimus, & uigilantissi-
 mus Pastor, Paterq; amantissimus, omni cura &
 studio procurauerit, ut Oecumenicum Concilium, quod
 Tridenti ceptum & per aliquot annos suspensum fue-
 rat, prosegueretur, atque ad eam rem eius Diploma-
 te sub Dat: Roma, apud sanctum Petrum tertio
 Kalendas Decembris Anni M. D. LX. Pontificatus-
 que eiusdem anno primo, Vniuersale, & Oecumeni-
 cum Concilium Tridentinum, sublata suspensione qua-
 cunque, Tridenti continuandum denuo indixerit &
 aperuerit, atque ad diem Resurrectionis Dominicæ
 anni proximi præteriti conuocauerit, & præfixerit:
 Nosque tum per litteras, tum per nuncios exhortatus
 fuerit, ut quando præsentis celebrationi eiusdem in-
 tereffe non poteramus, nostros ad illud Oratores ido-
 neos, qui ibi assisterent, mandare uellemus. Nos, qui
 ipsius Concilij celebrationem, ut Catholicum Prin-
 cipem decet, tanquam uerum & unicum malorum re-
 medium, ardentissime desiderabamus, libenti ani-
 mo obtulimus nos id facturos, omnemque operam da-
 turos, ut prædictum Concilium, quantum in nobis es-
 set, non solum promoueretur, uerum etiam, Deo du-
 ctore, ad optatum finem perduceretur. Nolentes igitur*

tur in hac re nostro officio deesse, quin potius omnia, ea, quæ ad nostrum munus spectant, abundè præstare, & exhibere, ut nostro nomine in prædicto Concilio cõpareat, nostrasque partes agat, Illustrem, fidelem, nobis dilectum Dominum Ferdinandum Franciscum Duvalos de Aquino Consiliarium collateralem, Locumtenentem & Capitaneum Generalẽ nostrum in Ducatu ac Dominio nostro Mediolani, cuius fidei, probitati, religioni, & rerum longæ experientiæ quàmplurimum confidimus, Oratorem, Nuncium, & procuratorem nostrum fecimus, constituimus, ac deputauimus, ac tenore præsentium facimus, constituimus, & deputamus. Dantes ei plenam facultatem, & potestatem unà cum amplo & libero mandato, citrà tamen aliorum nostrorum Procuratorum & Mandatariorum constitutorum & constituendorum reuocationem uel præiudicium: ut in dicta ciuitate Tridentina, & loco in eadem celebrationi Concilij deputato, coràm Reuerendisimis S. Rom. Eccel. Cardinalibus à Beatissimo Pontificè Legatis nominatis & destinatis, alijsque Patribus ibidem congregatis, nostro nomine comparere, prædictæque Concilij celebrationi interuenire, eiique adesse & interesse, locumque & uices nostras in omnibus Sessionibus, Consultationibus, Deliberationibus, & Actibus obtinere, atque omnia alia agere, facere, dicere, gerere, tractare, procurare, & promouere possit, & ualeat, quæ ex usu Reip. Christianæ & dignitate nostra fore uidebuntur, quæque nos ipsi, facere, dicere, gerere, & tractare possemus, si coràm præsentibus essemus,

etiamsi talia essent, quæ mandatum exigent magis speciale, quàm his expressum est. Habitu proinde ratum & gratum, quicquid per prædictum Oratorem, Procuratorem, & Mandatarium nostrum præmissis modo, actum, dictum, gestum, factum, & procuratum fuerit, dolo, & fraude remotis. Harum testimonio litterarum, manu nostra subscriptarum, & sigilli nostri impressione munitarum. Datum Madriti, Die xxviij. Mensis Ian. Anno M. D. XLII. Regnorum autem nostrorum, sexto.

PHILIPPVS.

GALEA

GALEATII BRVGORÆ PATRI-
cij Mediolanensis & Regij Fiscī Patroni Oratio, ha-
bita Tridenti in Concilio Patrum, nomine Illu-
strissimi & Excellentissimi Marchionis Piscarie
Regis Catholici Oratoris, Die XVI. Martij.
M. D. LXII.



QUOD unum egorū Rei-
pub. Christiana remedium
esse semper uisum est, Pa-
tres Amplissimi, illud om-
nino fuit, cum indicto Con-
cilio spes bonis iniecta est,
negocium felix, ac saluta-
re à Pontificibus, à Casa-
re, à Regibus unà susceptū
iri, ut magnis concursibus

omnium gentium ac Nationum celeberrimi conuen-
tus peragerentur. Ea re Pius quartus Pontifex ma-
ximus dignitatis Reipublicę Christianę, otijque aman-
tissimus, ut ad bene de omni Repub. sperandum, quasi
signum aliquod omnibus susulisse uideretur, nihil an-
tiquius putauit, quàm Concilium illud à Paulo Ter-
tio Pontifice Max. hoc ipso in loco indictum, reten-
tum animo, remissum temporibus, longo interuallo
intermissum renocaret. Etenim si ullum unquam
tempus huiusmodi rem desiderauit, hoc ipsum pro-
fecto est, quo multa gentes, ac Nationes discepta,

diuulsa; conqussata sunt uarietate opinionum, & licentia impiè disputandi: Quo multi à Christiana Republica aberrarunt: Quo denique omnis propè Christiana Ciuitas intestinis malis, ac discordijs laborans, multa perdidit, & ornamenta dignitatis, & præsidia stabilitatis suæ. Quamobrem cum Pius quartus Pont. Max. quasi bonus pater, & tutor fidelis, curaret ne patrimonium dignitatis Reipublicæ à prædonibus nefarijs diriperetur, etsi multa quidem pro illius dignitate, ac salute gesst, quæ orbis terre iudicio, ac testimonio comprobantur; Tamen nihil clarius, nihil gloriosius, nihil denique commendatius effecit memorie hominum sempiternæ, quàm quòd uos potissimum elegit, Patres Amplissimi, qui de summa rerum omnium deliberaretis. Nam quod consilium? quæ mens? nisi ut diuina sapientia uestra sedaretis hæc mala, pessimeque affectam ciuitatem Christianam sanaretis, firmamque aliquando, ac uegetam redderetis. Quamobrem uos Patres Amplissimi quasi oracula ciuitatum, quasi Moderatores populorum, quasi Architecti quidam ac fabri à Pontifice Maximo estis aduocati, ut huic sanctissimæ Reipublic. adsitis & si illa flet, eam muniat; si labatur, erigatis. Cui negotio, cum Philippus Rex Pius, fortis, ac felix erga Christianam pietatem, iustumque hunc ipsius Principatum, eodem modo affectus sit, quo modo Patrem suum prudentissimum Imperatorem Carolum V. Cesar. August. omnibus temporibus affectum fuisse memoria tenet, libentissimè quidem nisi multis, ac magnis occupatio-

bus

bus dislineretur, interfuisset; coramque gravi oratione declarasset, quo studio, quo ardore; qua animi pietate semper fuerit & hoc tempore maxime sit erga auctoritatem sacrosanctæ sedis, totamque Rempublicam Christianam; idque eo libentius fecisset, ut & ceteri Reges, & Principes Civitatum ipsius exemplo adducti frequentiores hunc ipsum in locum conuenissent, & uos Patres amplissimi, maiore animi alacritate omnia, quæ dilapsa iam fluxerunt, seueris legibus uinciretis, & Reip. ulnura curaretis. Quibus præter nos, uos inquam, Patres amplifs. mederi nemo potest. Sed cum multis Heroibus, quorum magnam copiam habet, Franciscum Ferdinandum Daualum Marchionem Piscarinæ elegit, dignum ne iudicauit, cui munus hoc legationis obeundæ ultro deferret. Qui & si in nullo ocio, at in summo negotio Prouinciam Mediolani cum Imperio administrat, tamen ab ipso Rege, qui cùm antea semper, iùm hoc uel maxime tempore os, oculos, mentem denique ipsam in unam Rempublicam Christianam conuertit, iussus est ea omnia, quæ ad sanctissimam Religionem pertinent, rebus humanis omnibus anteferre, & huc se quamprimum recipere. Adestigitur Franciscus Ferdinandus à Catholico Rege missus, & eo nomine, ut & Regis personam hoc ipso in loco sustineat, & omnia eius officia, operam, laborem, copias denique omnes ad amplitudinem ueram conferat. Denique uobis præsto adsit, faueat, proficiat quibuscunque rebus Rex ipse possit. Et.

*si enim Respublic. Christiana maioribus presidys regi-
 tur, ac Dei Opt. Max. numine ab omnibus insidijs ad-
 uersariorum defenditur, tamē humanis etiam opibus
 aliquando contra uim, & scelus uisa est eguisse. Ete-
 nim idcirco potissimum Reges sancti appellantur, &
 terris à Deo dati sunt, ut & ad rerum temperationem
 sedcant, & Reipublica Christiana non modo excu-
 bias, & custodias, sed etiam laterū suorum oppositus,
 & corporum polliceantur. Primum igitur cū Ponti-
 fex Maximus uigilet, adsit, provideat Reipublica,
 Deinde magni animi sint in bonis uiris, magna con-
 cordia, incredibilis cōspiratio, Deus denique ipse im-
 mortalis ac prapotens huic suo populo Christiano,
 huic clarissimo Imperio, huic pulcherrimę Reipa-
 blicę auxilium continenter ferat, non est desperan-
 dum fore ut uos Patres Amplissimi, non modo la-
 bentī Christiana Reipublica subueniatis, uerū etiam
 in ueterem libertatem, & dignitatem uindicetis.
 Ipsa cerē, quę nuper crescentibus malis, quę ipsam
 intermiserūt, capiti, salutique suę propē desperare
 uidebatur, & miseris temporibus ac perditis mo-
 ribus afflicta, & oppressa iacebat, nunc tandem ali-
 quando benē sperare, freta præsertim medicina consi-
 liorum uestrorum, salutaribusque auxilijs, cœpit. Con-
 fidit enim se ueteris morbi grauitatem uobis Curatori-
 bus depulsuram: confidit à nouis tentationibus uestra
 diligentia liberam futuram: confidit denique antiquū
 robur, ac corporis firmitatem breui recuperaturam.
 An uerò cū sciat uos, quos non tanquā aliquos ex
 urbe*

urbe Roma missos, sed de cælo delapsos intuetur, in loco tam excelsso pulcherrimè sedere, & ad defensionē suam stare, non sese excites? non sese erigat? non caput extollat? Quæ cum ita se habeant, facillè omnes in eam spem ingrediuntur, fore, ut omnes qui fortasse aliquo modo aberrarunt, redeant in viam, & veritas multis incommodis debilitata, tandem opera & equitate vestra recreetur, & locum, in quo consiliat, reperire possit. Poslularet fortasse hoc loco magnitudo rei, expectatio vestri, quæ mirabilis est, ut Franciscus Ferdinandus commoneret vos Patres Amplissimi ut in hac turbulentissima tempestate Reipublicæ in tam grauibz cogitationibus vestris omnia diligentissimè despicereis. Sed cum secum ipse consideret incredibilem sapientiam, ac vestrā propè diuinā, nullamq; rē tam esse, ac tam difficilem, quam vos non & consilio regere, & integritate tueri, & virtute conficere possitis, nihil sibi temere faciendum esse putat, nihil vos cuiusquam mouitis egere arbitratur. Videt vos quasi in vigilia quadam manere, nec usquam discedere, nec à Republica deicere oculos, ex eo die, quo in hoc Concilium conuocati estis. Videt in tantis tenebris erroris a Deo optimo Maximo clarissimum lumen præferri mentibus vestris; Videt animos vestros Reipublicæ conservandæ cupiditate sua sponte incensos, ab eodem inflammari; Intelligit vos nihil neque cupidè, neque temerè, sed omnia, & sapienter, & fortiter administrare Intelligit vos ab omnibus ceteris cogitationibus ad unam salutem communem conferri; Intelligit de

inque

nique uos cogitationes, & mentes uestras in hoc uno
 fixisse, & locasse ut Rempublicam constituatis, &
 in pristinum gradum restituatis: Quæ omnia cum ui-
 deat, & quantum in uobis fuit, præclare iocisse uos
 iam fundamenta stabiliente Reipublica; & eam sua-
 uissimè nunc à uobis tractari, arte, quæ lenit; non ex-
 asperat; sanat, non ulcerat; mouet, non perturbat ani-
 mos hominum, & in posterum nulla uos in re; muneri
 uestro defuturos esse: Num illud restare putat, ut in
 proprio suo officio permanens, Philippi maximi, &
 potentissimi Regis nomine studium, officium, operam,
 gratiam, authoritatem, copias denique omnes uobis,
 Patres Amplissimi, sine ulla exceptione, aut laboris
 aut occupationis, aut temporis polliceatur, ac deferat.

RE-

RESPONSVM SANCTÆ SYNO-
di in admisione Oratoris Philippi Hispaniarum
Regis Catholici. XVI. Martij.
M. D. LXII. & in Sessione
tertia. Die xiiij. Maij.



IT si, Franciscæ Ferdinãde Marchid
Excellentissime, pium studium Inui-
ctissimæ Austriæ domus, atque ani-
mi propensio erga Rempubicam
Christianam, ueramque Christi re-
ligionem Romanis Pontificibus,
sanctæque Sedi spectata, atque probata semper fuit:
hoc tamen potissimum tempore Catholici, potentis-
simique Philippi Regis, cuius personam meritò le-
gatus sustines, promptus, paratusque animus in ue-
ra religione, quæ ad paucos redacta est, conseruanda:
& à tot impietatibus reuocanda, ac in ueteri digni-
tate, & sinceritate tuenda, aded exoptatus, aded in-
cundus sacræ huic generali Synodo extitit, & om-
nium animos crexit, ut spem certam attulerit, Chri-
stianæ Reipublicæ grauiter quidem egrotanti, salu-
tare remedium, magnaue ex parte conuulsæ, at-
que collapsæ, uerum, firmumque subsidium afferri
posse; præsertim Pio quarto Pont. Maxi. Pastore-
que uigilantissimo duce, & authore, qui è Ro-
mana sacra illa, & non uiolabili specula, salutare, &
expe-

expectatum Concilij signum erexit, Tridentumque remisit, quo Christi ones à feris apris dispersas, & immanium luporum faucibus crudeliter absorptas, ad Christi tandem gregem nostris humeris, nostris inquam humeris patienter, mansueteque portaremus: Ferdinando Cæsare Optimo Romane Ecclesiæ Primogenito, Regibus, Christianisque denique Principibus, quorum hic frequentes, insignesque legatos adesse cernimus, sanctoribus, beneque iuvantibus, è quorum numero facile Princeps Philippus Rex Caroli quinti Cæsaris Inuictissimi, cuius memoria in benedictione est, & omnibus uirtutum numeris cumulatifsimi, ut aliarum heroicarum uirtutum, ita etiam uera religionis uerissimus hæres, & imitator, omnem operam, studium, industriam, facultates, omnem denique corporis sui laborem benignissime polliceatur, & si opus fuerit, fidelissime prestabit. Quem ita pium, ita sanctum, uereque regum animum, atque studium generalis hæc sancta Synodus, ita libenter tota mente amplectitur, ita merito laudat, & extollit, ita iure letatur, & in eo conquiescit, ut magnas quidem gratias potentissimo, Christianique nominis firmissimo propugnaculo, atque iudici per me omnium Patrum nomine agi uoluerit: Tibique etiam Dauale Princeps Clariss. uel multis tuis nominibus, uel honorifica huius legationis nomine, plurimum debere fateatur. Atque omnia, quæ ad ipsius inuictissimi pientissimique Regis, honorem, auctoritatem, dignitatem pertineant, quantum licuerit, libētissime pro suis meritis sacra Synodus

modus præstabit: Deumque Optimum Maximum ob-
secrat, ut talium, tantorumque Regum, ita pios ani-
mos, ita pro Christi fide, ueraque religione accensos,
atque inflammatos perpetuo cōseruare, ac tueri liceat.
Mandatum uero Regium quantum de iure debet, ad-
mittit.

COMPARTIO ORATORIS COSMI

Ducis Florentiæ, & Sen. Die XVI. Martij.

M. D. LXII.

Litteræ Mandatum.

Oratio Responsum.

LITTERÆ DVCIS FLORENTIÆ

ad Generosissimos Legatos exhibitæ per eius

Oratorem. Die XVI. Martij.

M. D. LXII.



Euerendissimi, & Illustr.
Domini, Patresque omni
ueneratione Colendissi-
mi. Cum summo affectu,
summaq; pietate iã inde
à maioribus nostris San-
ctã Sedem Apostolicã,
summosq; Põtifices Iesu
Christi domini nostri Vi-
carios, & Catholicã Ec-

clesiã in fide ac sinceritate patrũ nostrorum coluerim
semper ac studiosè obseruauerim: officij ac reuerentiæ
meæ fore arbitratus sum, ne in Sancta ista tantorum
patrum uniuersali Synodo, auctore Deo, summoque
Pontifice pientissimo, congregata, cessare, quin pro ui-
rili mea per Ioannem hunc studiosissimum Legatũ no-
bilitate

bilitate natalium; fide, moribus, ac doctrina insignem
 Reuerendissimis atque Illustrissimis Dominationibus
 Vestris adeste, qua optimū sancta Catholica, atq; obse-
 quio: Hunc ego quaeso amplissimi Patres, ut aequis ani-
 mis atque auribus Reuerendissimæ, & Illustrissimæ
 D. D. Vestra accipiant integra in his, quæ ex manda-
 tis exponet, tractabitque fide, non secus ac me ipsum
 coram audirent: sibi que ipsæ persuadeant, fortunas
 nostras uniuersas in præclaro isto negotio, in earum
 potestate ac nutu fore promptissimas. Quarum uotis
 & actionibus Deus ac dominus noster Iesus Christus
 adsit, & faueat precor: meque illis summo opere com-
 mendo. Pisis. &c. Calend. Maij. M. D. L X I I.

Earum Reuerendissimarum & Illustrissimarū Do-
 minationum Vestrarum Deditissimus.

COS. MED. FLORENTIÆ
 ET SEN. DVX.

Reuerendiss. & Illustriss. Dom. Patribus
 Obseruand. sanctæ Romanæ Ecclesiæ Cardinal.
 Apost. sedis de latere Legatis in Concilio Tri-
 dent. Præsidentibus.

MANDATVM ILLVSTRISSIMI D.
Cosmì Medices Florentia & Senarum Ducis in
personam sui Orato. in Sess. III. Itidem XIII.
Maj. M. D. LXII.



OSMVS Medices Dei
 Gr. Flor. & Senar. Dux
 secundus, &c. Vniuer-
 sis has patentes litteras
 inspecturis salutem, ac
 sincera dilectionis affe-
 ctum. Sanè iam inde ab
 administratione quã ge-
 rimus, diuino fauore su-
 scepth officij nostri esse
 cognoscimus, more institutoque maiorum S. Catholice
 atque Apost. Ecclesie, cuius fidem pietatemque pro-
 fitemur, uestigijs atque obsequijs studiosè, ac reueren-
 ter insistere: atque eò feruentius, quò grauiorũ nego-
 tiorũ curarumque sollicitudo, & pondus incumbit, ut
 in presenti cõuulsa Religionis morumque lapsorũ discrim-
 in e cõperimus; qua propter: ut nostri perpetuò simi-
 les, eiusdèque uoluntatis, ipsi quoque pro uirili nostra
 pio huic muneri adesse uideremur, Nobilè Virũ nobis
 dilectissimum Ioannem Strozium fide, probitate, at-
 que eruditione præclarum, ipsisque rerum experimen-
 tis probatum, ad sacrosanctã Tridentinam Synodum,
 Deo

Deo authore, ac Sanctiss. D. N. Summo Pontifice pi-
entissimo congregatam, destinauimus cum Mand.
Eundemque item Nuncium, Procuratoremque nostrum
ac negotiorum gestorem dicimus, constituimus, atq;
harum patentium literarum serie deputamus: ut no-
stro scilicet nomine, nostraq; possit autoritate quo-
ties oportuerit Reuerendissimis Illusterrimisq; Sedis
Apost. Legatis, Amplissimorumq; Patrum sacrosancto
Concilio, ipsorum cuilibet adesse, atq; in Sessionibus tam
celebri negotio quolibet opportunis & expedientibus
adstare, interuenire, prosequi, & obsequi cum Casarea
quoq; Maiestatis, & Serenissimorum Regum ac Subli-
mum Principum Legatis, nuncijs, negotiorumque gestori-
bus, & eorum quolibet, quoties expedierit, ipsiq; Ioan-
ni procuratori placuerit ea, quę sanctę Trinitatis, Deiq;
ac Domini nostri Iesu Christi gloriam cultumq; ac san-
ctę Matris Catholicę atq; Apostolicę Ecclesię fidem,
unitatem, authoritatem, puritatemq; respiciunt profite-
ri, promouere, suadere, agnoscere, & acceptare, cate-
raq; ad hac pertinentia gerere, tractare, & explicare.
Etiam si nominatim nuncupanda & specialiori nota cę-
senda essent, plena uidelicet ac libera ipsi potestate per
nos attributa. Cuius acta, gesta, tractata, & explicata
quęcumque fuerint bona fide, rata nos & grata, per-
petuo iure, atq; optimo recipimus & profitemur. Datę
in Ducali nostra Ciuitate Pisarum, Anno M. D. LXII.
Indictione quinta, nonis Aprilis more Florentino.

COS. MED. FLOREN. ET SEN. DVX.

d

O R A -

ORATIO HABITA A MAGNifico D. Ioanne Strozio Oratore Illustrissimi Cosmi Medicis Ducis Florentiae & Senarum, in eius cōparatione: Die XV I. Martij. M. D. LXII.



OSMVS Medices Florentinorum, & Senensium Dux & Dominus meus, optimi, atque ydem Amplissimi Patres, cum sit Christianae Religionis omnium maxime studiosus, & Romani Pontificis atque Apostolicae Sedis auctoritati plurimum sem-

per tribuerit, cum ipse inquam praesenserit tot dignissimos Sacrorum Antistes, eiusdem Pontificis voluntate summa, atque consensu in hac urbem Tridentinam ideo conuenisse, ut Sacrum Oecumenicum & generale Concilium celebraretis, atque ita permultos, qui nunc rapti uarios in errores à fide Catholica descinderunt, ex illis nouis opinionibus moneretis, consiliisque uestris ad uitam pie sanctaeque traducendam dirigeretis, huc me misit, ut uobis uniuersis, Sapientissimi Patres, declararem sui ipsius animi singularem uoluntatem, ad ea ualidisime pertrahenda, atque adeo perficienda, quae in primis ad Dei optim. Max. laudem, honorem & gloriam, ac totius suae Ecclesiae utilitatem

litatem, cōseruationemque potissimū spectarent. Vobis
 item ad hunc præclarissimum cætum auctore & Duce
 Pio I I I I. Pontifice Maximo profectis, omnia prolixè
 pollicere, quibus huic tanti momenti, & ponderis ne-
 gotio adiumento esse ualeret. Quod ipsum hoc maius ac
 dignius à bonis omnibus haberi etiam debet, quò ma-
 gis circa actionem aliarum omnium humanarum hone-
 stissimam, perfectissimamque uersatur, quando ea uis
 est nostræ cognitionis, atque intelligentiæ, quæ quidem
 absolutior, eademque perfectior, si nunc philosophantib.
 hominib. fidem tribuere uelimus, sanè uidetur, cum ob-
 scurata nullis est inscitie tenebris, atque caligine, sed
 ab omni procul credendi uanitate alienum quicquid ip-
 sa iam percepit, ita etiam planè continet, atque ita in-
 telligit, id quod à Christiana doctrina, qua quidem al-
 tius sese extollit, minimè alienum esse arbitror: quan-
 do quidem non sola ueritatis quisitio, sed etiam Dei
 eiusdem ueritatis grauissimi auctoris, & Magistri con-
 templatio est: quicquid summi boni, quicquid summa
 felicitatis, quicquid demum requietis à Christi fide-
 libus optari, haberi que possit. Hæc inquam ueritas si
 iuxta priscorum ritè philosophantium uirorum sen-
 tentiam, in ijs, qui perditis essent moribus, atque
 sceleribus contaminati, haudquaquam poterat repe-
 riri: quanto facilius quæ Sanctissimi, & Religio-
 sissimi homines suis ipsi monumentis commendarunt,
 id nobis patefaciunt? Omnes etenim quæ extant sa-
 cræ litteræ nos utranque edocent. Sed magna mea ni-
 mirum esset audacia, si in tot eruditissimorum conse-

*su, nunc ego in pluribus uerbis uelim disserere; quòd
 cùm ueteris, tum nouæ scripturæ memoria apertissi-
 mè nusquam non explicatur, omni asseueratione affir-
 mando, Christum Iesum, ut nos quocunque maleficij
 genere contaminatos ablueret, nostram humanitatem
 & utramq; nos ueritatem docuisse. Verùm hæc om-
 nia missa nunc faciam, dicamq;e, quod si in cogniti-
 one ueritatis uis omnis, ac notio nostræ ipsius intelli-
 gentiæ potissimum consiluit, profectò eiusmodi uerita-
 tis cultores, in hac uita aliorum omnium beatissimi,
 & felicissimi habendi sunt, contraq;e prorsus miseri
 & infelices illius expertes, qui nihil loci rationi &
 consilio relinquentes, prauas multis de rebus animo
 opiniones imbibunt, atque in illis acquiescentes de sa-
 nitate mentis impèdio magis deturbantur, quàm qui
 misero, diuturnoque morbo interdum affliguntur.
 Iis igitur si magnæ pietatis esset medicinam adhibere,
 & corporis incolumitati consulere, multò maioris
 etiam foret illorum animis salutem afferre, & ad in-
 tegritatem, innocentiamq;e adducere. Quod opus tan-
 tò maius planè habetur, quantò est anima præstan-
 tior corpore: quantum denique aternitas mortali-
 tatem superat. Huius rei causa, Pius ille Pater San-
 ctissimus & uerus animarum nostrarum Pastor &
 custos, non immemor quàm eximio, quàm singulari
 studio ac uoluntate, eas sibi Christus commendaue-
 rit, cùm dixit Petro primo sui Vicario, & deinceps
 omnibus ijs, quibus Sanctarum clauium munus diui-
 no numine traderetur, Si me amas, pascue oves meas:*

Cùm

Cum ille Christianæ Religionis conservator intelligat, quanta ingluvie lupus insatiabilis palam quotidie magis irrumpat in Christianum gregem, neque sibi sit quicquam deliberatius, quam illum, quacunque ratione possit, funditus dissipare: quandoquidem post semen illud bonum, quod Christus ante sparserat, quod Apostoli ipsius imitatores, quod etiam alij integerrimi homines, in quibus quasi lumen quoddam, sanctitas admirabilis continenter eluxit, summa diligentia auctum in Christiana Republica conservare studuerunt: Venit inimicus homo, & superiecit Zizania, quæ cum in dies singulos accrescant, iactum ab initio semen bonum, suffocare planè nidentur. Quamobrem, inquam, Pius quartus Pont. Max. ut hanc nefariam pestem ac perniciem à nobis depellat, Concilium hoc peragere semel induxit animum, ubi nos & vite innocentia, & eruditionis magnitudine viri admodum insignes, de vera sinceraque Christi doctrina commonefaciatis, atque illa etiam Evangelij dogmata planissime explicetis, & quæ tandem præcepta à Christi fidelibus tenenda sint declarare non prætermittatis. Necnon quæ consilijs uestris, sed Spiritus sancto impulsore, & authore confirmata, certa & rata esse præcipuè decreveritis, ut fideliter, ut religiose, ut sapienter facta autoritate atque iudicio, Max. Pont. comprobentur: Non ut alia veritas ab illa quam viri Catholici omnes coluerunt, renouetur, sed ut rursus indicetur ijs, qui sese ab eadem temerè nimis remouentes, varijsque imbuti erroribus, suæque in senten-

tia obstinatione quadam incredibili constantes, latum
 unguem de illa decedere tergiuersantur: huius tanti
 ac præclari muneris functioni Deus omnium rerum sa-
 pientis distributor, nos amplissimos & religiosos An-
 tistites proposuit. Pius autē Pontifex fidelis admi-
 nister, & uerus Christi Vicarius, hoc unum assidue cogi-
 tat, hoc unum sedulo querit, hoc unum potissimè studet:
 dissipatum uidelicet domini sui gregem congregare,
 & oves grandi profecto macie iam confectas, lata in
 pascua reducere & omni prorsus calamitate libera-
 tas summo cunctarum rerum conditori, uestra tamen
 ope adiutus, tandem restituere. Qua de re pluribus
 disserere consultò iam omittam, quò negotia, quæ gra-
 tia satis in hoc celeberrimo conuentu obituri eslis, mi-
 nus impediam; illud tamen attingam, quòd Cosmus
 Princeps & Dux meus ad uos Patres optimi, adlega-
 uit me, ut eius nomine deferrem se Pio Pontifici Ma-
 ximo esse coniunctissimum, seque in Sacri Concilij hu-
 ius benè & feliciter peragendi uoluntate perpetuo
 secum, atque etiam uobiscum esse mansurum: ut igi-
 tur in tanto negotio explicando curam omnem, cogi-
 tationemque ponatis, pro illa summa obseruantia, qua
 unumquemque uestrum studiosissimè colit: Vos etiam
 atque etiam cohortatur, & omnibus præcibus item
 petit in hanc rem unam, (id quod omnes ad unum per-
 libenter uos esse facturos iam sibi penitus persuasum
 est) toto pectore incumbatis: & quemadmodum Pio
 quarto suas olim opes, facultates, & copias omnes ob-
 tulit, ut dignitati Pontificiæ consulere, & Romanæ
 Sedis

Sedis maiestatem sic ubi opus esset, conseruaret: ita et nunc uobis hic diuino numine congregatis nullum finē facit offerendi sui, si modò hæc res in primis honesta et maximè salutaris, in qua totius Christiana Reipub. summa disceptat, ex omnium honorum animi sententia demum conficiatur, & Christiani nominis honor, & exultatio augeatur. Cuius eximia uoluntatis ut amplissimum testimonium tribueretur, non modò misit me huc, sed ut nusquam à uobis ego discederem, etiā imperauit: ut quandocunque me conspiceretis, eius animū promptum, & alacrem esse ad rem istam modis omnibus adiuuandam, & defendendam statim recorderemini.

RESPONSVM SANCTAE SYNO-
di in admisione Oratoris illustrissimi D. Cosmi Du-
cis Florentiae & Senarum, in Generali Congrega-
tione. Die XV I. Martij. M. D. L X II. In Sessio-
ne tertia. XIII I. Maj.



V A M optatus & iucū-
dus Sanctae Synodo aduē-
tus sit isle tuus, Prestan-
tissime Orator, ex maxi-
ma hilaritate atque lati-
tia, qua in te accipiendo,
sefe affectū esse declara-
uit, plenissime animaduer-
tere potuisti: Quippe quae
perspectum habet studium

Illustrissimi Amplissimiq; Ducis, qui te huc Legatum
misit, de Catholica Ecclesia, ac de Sanctissima Sede
Apostolica benemerendi. Neque enim de huius Prin-
cipis propensa in dignitatem, tranquillitatemque Rei-
publicae Christianae uoluntate dubitandum est, cum ex
ea familia Cosmus Medicus prudentissimus Princeps
omnibusque animi, ingenijque ornamentis cumula-
tissimus, originem ducat, quae duos quidem ante hanc
Pontifices Maximos, eosque sapientissimos, Leonem
Decimum, & Clementem septimum, Ecclesiae de-
derit. Nunc autem Pium quartum, qui noster &
dies

dies nihil aliud cogitat, quam tranquillitatem, pacemque Ecclesie uniuersæ, salutem omnium Christianorum, impietatis euerfionem, pietatis incrementum. Quas ob res Concilium Oecumenicum in hunc locum, omni industria, omni diligentia, omni denique opera conuocandum curauit. Hæreditaria itaq; Florentini, Senensisq; Principis hæc laus est: sed illa certè propria, quæ nunquam satis emendari potest, quod hæc temporum infelicitate, hac rerum omnium perturbatione, maiorum suorum pietatem, non modò seruat, uerum etiam augeat. Quòd autem Synodum hortatur ad ueritatis lucem explicandam, quam Apostoli, & post eos sanctissimi Patres docuerunt, ascit piè ille quidem, atque ut decet Principem Christianum; Verùm hoc uelit Sancta Synodus, sibi ille persuaदेात, se in eà causam toto pectore incumbere, eà operã enixè dare, in id omnes suas curas, cogitationesque conferre, neque labori parcere, neq; incommodi quicquam deuotare, ut Sanctissimo Pontifice authore, ac duce optimo, Imperatore fauente, potentissimis regibus, Principibusque adiuuantibus, necnon Sapientissimo Duce, cuius hoc loco personam geris, clarissime Legate, opem asferente, ignorantia tenebris depulsis, uerique perspicentia patefacta, omnis dissenfio discordiaq; tollatur. Quodq; ad id Dux ipse suas opes, facultates, copias denique omnes pollicetur: studium illud suum erga religionem, Christiano Principe dignum, de quo dixi non esse dubitandum, planè declarat. Quas ob res ipsa Synodus pro singulari eius prudētissimi Principis erga summum Pontificem uolun-

*voluntate, pro summa erga Ecclesiam pietate, pro
incredibili erga se animi propensione, maximas ei gra-
tias agit, & habet: rogatque etiam, atque etiam, ut se-
cum Rempublicam Christianam, quemadmodum polli-
cetur, toto animo complectatur. Te uero hunc acce-
sisse, Orator praeslantissime, mirifice letatur: cum de
tua uirtute, ea sibi promittat, quae congruunt tam pi-
ae sapientisque Principis Legato: Atque illi ipsi mirum
modum gratulatur, quod uiro tam solerti, in tam in-
dustrio, tam denique litteris erudito, legationem
earum rerum causa detulerit. Sperat enim diui-
no Spiritu afflante, ea mente, eoque consilio te fore, ut
secum sensurus sis, quae illa eodem spiritu afflata con-
stituenda esse censuerit, atque libentissimo animo com-
plexurus. Mandatum uero, quod ille tibi ad se dedit,
ita accipit, ut iuris est.*

COM-

COMPARITIO ORATORVM REI-
publicæ Venetorum, Die nigesima quinta
Aprilis. M. D. LXII.

Litteræ Mandatum.
Responsum Sanctæ Synodi.

LITTERÆ REIP. VENET. AD SA-
crum Concilium exhibitæ ab eius Oratoribus, Die
XXV. April. M. D. LXII. in Congregatione
Generali, & in Sessione tertia. Die XIII. Maij.



Acrosancto Oecumenico et
Generali concilio in Spi-
tu sancto Tridēti legitime
congregato, Hyeronimus
Priolus Dei gratia Dux
Venetiarum, &c. Cōmen-
dationem & omnimodam
reuerentiā. Cū Pio quar-
to, digna Dei prouidentia
Sacrosancta Romana ac

Vniuersalis Ecclesiæ Pont. Max. (ut Christiani gre-
gis incolumitati, salutique consuleret) uniuersale pla-
cuerit in ista urbe Tridentina haberi Concilium, quod
Sāctū & venerabile omnibus sēper habitum est, ac pro
pterea eō mandauerit conuenire tot singulari sapi-
entia ac religione prædictos viros, qui Christianam
disci-

disciplinam diuina imprimis aura fauente, in suam re-
 situant integritatem, ad nos etiam pertinere uisum
 est pro summa nostra in Christum Seruatorem ac Do-
 minum pietate, ac iuuandę religionis desiderio, proque
 ea, qua eundem Pont. Maxi. Christi Vicarium in ter-
 ris agentem prosequimur obseruantia, quę omnia &
 maioribus nostris edocli, perpetuò retinere & uolu-
 mus, & debemus, prater Ecclesiasticos nostrę Diti-
 nis uiros, quos istuc se quāprimum conferre curau-
 mus, nostros certos & granes homines eodem legare,
 qui nostro nomine Sancto isli Concilio intersint ac fa-
 ueant. Itaque primarios de nostra nobilitate Viros,
 eosdemque integros & sapientes, Nicolaum de Pon-
 te Doctorem & Equitem, ac Matthæum Dandulum
 Equitem, Oratores nostros mittimus eādem ob causā,
 rogamusque Illustrissimas ac Reuerendiss. Domina-
 tiones uestras, nosque ceteros Reuerendos Patres, qui
 omnes in Spiritu sancto congregati, Sacrosanctā istam
 Oecumenicam Synodū conficitis, ut ijs Oratoribus no-
 stris eam fidem omnibus in rebus adhibeatis, quam no-
 bismetipsis, si præsentes essemus, coramque loqueremur,
 adhiberetis. Dat. & in nostro Ducali Palatio. Die
 XI. Aprilis. Indictione V. M. D. LXII.

MAN-

**MANDATVM REIPVBLICAE VEnetiarum, in personam suorum Oratorum, exhibi-
tum in Sefsione tertia. XIII. Maij.
M. D. LXII.**



IERONYMVS Prio-
lus Dei gr. Dux Venetia-
rũ, &c. Cum Sanctissimus
& Beatisſi. in Chriſto Pa-
ter & Dominus noſter, Do-
minus Pius IIII. digna
Dei prouidentia, Sacroſan-
cta Romana ac Vniuerſa-
lis Eccleſiæ Pontifex Ma-
ximus, ut ijs diſſidentium

opinionũ malis, quibus Chriſtiana Religio iamdiũ ue-
xatur, eo remedio quo Sancta & Vniuerſalis Eccleſia
uti ſolet, mederetur, & ad uerã in fide concordiam oēs
Chriſti fideles reduceret, Oecumenicũ & Generale Cõ-
cilium Tridenti celebrari uoluerit, nosque inter alios
Chriſtianos Principes & Potentatus, ut huiſmodi ſã-
cto operi faueremus, & ad Sacroſanctũ ipſum Genera-
le Conciliũ Oratores noſtros idcirco mitteremus, pa-
terna charitate ſit hortatus. Nos inuande religionis
deſiderio, ac pro ſumma noſtra in eundẽ Pontificẽ Ma-
ximum Chriſti Vicarium in terris agentem obſeruan-
tia, ſedulam adhibuimus operam, ut Eccleſiaſticos no-
ſtra

ac uita integritate præstantes, sese Tridentum quam
 primum conferrent, cum ipsimet adesse nequeamus,
 primarios etiam de nostra nobilitate Viros, eosdem
 quo integros & sapientes, Nicolaum de Ponte Do-
 ctorem & Equitem, & Matthæum Dandulum Equi-
 tem, Oratores, Nuncios, & procuratores nostros Sa-
 crofanctam ipsam Occumenicam Synodum fecimus,
 constituimus, & deputauimus, ac tenore præsentium
 facimus, constituimus, ac deputamus: dantes eis & utri-
 libet eorum omnibus melioribus modo, uia, iure, &
 forma, quibus possumus & debemus plenam & om-
 nimodam facultatem & auctoritatem cum libero &
 amplo mandato, ut eiusdem Concilij Celebrationi no-
 stro nomine adesse & interesse, ac nices nostras in om-
 nibus Sessionibus & Congregationibus gerere, eaque
 omnia agere, dicere, & procurare ad ueræ Christi Ser-
 uatoris nostri fidei & religionis concordiam, decus &
 dignitatem spectantia, possint & ualeant, quæ nosmet
 ipsi agere, dicere, & procurare possemus, si presentes
 essemus, etiam si Italia forent, quæ mandatum exige-
 rent magis speciale quam præsentibus est expressum,
 habituri pro inde ratum & gratum quicquid per di-
 ctos Oratores, Nuncios, & Mandatarios nostros mo-
 do premisso, & quo supra nomine actum, dictum, &
 procuratum fuerit. In quorum fidem & testimonium
 præsentibus Litteras nostras in hac patenti forma fieri ius-
 simus, & nostri soliti sigilli, quo in similibus utimur,
 appensione muniri. Data in nostro Ducali Palatio
 Die XI. Aprilis. Indictione quinta. M. D. L X I I.

RESP.

RESPONSVM SANCTAE SYNO-
di in admisione Oratorum Reip. Venet. Die XXV.
Aprilis. M. D. LXXII. & in Sessione tertia.
XIIII. Maij.



ON potest Sancta Synodus
non incredibilem letitiam
& voluptatem capere, ma-
ximasque Deo immortal
gratias habere, cum tot no-
bilissimis Legationibus
hunc sacrum & legitimum
conuentum augeri & bene-
flari uideat. Nam cum à
Pio IIII. Pontifice Ma-

ximo, cuius sapientia & uera in Deum pietas nunquā
satis laudari poterit, Sacrosanctum hoc generale Con-
cilium ad Catholice Ecclesie pacē & dignitatem uel
constituendam uel recuperandam conuocatum fuerit,
non ignorat quantum presidij ad diuinę eius mentis
cogitata perficienda, omnium Christiani orbis gen-
tium & populorum consensus & conspiratio asserre
possit: Verum ita nobis, Oratores Amplissimi, San-
cta Synodus persuasum esse uehementer uelit, illud
sibi in optatis semper maximè fuisse, ut quam antea
Veneta Respublica in tuenda Dei Ecclesia alacritatem
ostendisset, quaque in ea mentē & uoluntatē esse diffi-
cillimo

illimo hoc Reipublica Christiane tempore dubitare non poterat, eadem etiam, missa hac Legatione, omnibus declararet, quam statim indicto Concilio, Senatus uestri auctoritate decretam fuisse, in ore omnium atque sermone positum erat. Ac profecto in eo Concilio, in quo de componendis Ecclesie discordijs ac morum disciplina restituenda ageretur, Veneti nominis in orbe terrarum clarissimi auctoritas & amplitudo deesse non potuit. Nam præter alias innumeras uirtutes, quas in Reipublica administratione uestri prudentissimi Cines melius expresserunt, quam ulli sapientes homines ratione & præceptis tradiderunt, nihil unquam diligentius, quam ueram pietatem & religionem coluistis, atque ad pacem & concordiam conseruandam, & cum dignitate retinendam, omnes curas & cogitationes contulistis. Neque uero alia uobis studia sanctiora & antiquiora ulla esse debent, ut qui à præclaris ijs maioribus orti & procreati estis, qui cum in misera illa totius Italia uastitate mirandæ Urbis uestre fundamenta iacerent, non tam illi quidem sibi ipsis uidentur oculi & securitatis profugium quæ si fuisset, quam pacis & tranquillitatis publicæ sedem stabilem & domicilium certum collocasse. Nam quod ad religionem attinet, hæc uestre beatissima Reipublica, hæc inquam, uera, summa & propria laus est, quod fidem Christi non accepit, sed in ea nata & pie educata, eam deinceps per tot seculorum ætates puram atque integram sanctè, & religiosè conseruauit: ita ut quam latè Venetorum Imperium

& Ditio pateat, ut nusquam ullum peregrina doctrinae uestigium, nusquam interruptus Orthodoxę fidei cultus appareat, ubique Sanctitas, ubique Religio, & Catholica Ecclesię disciplina atque instituto plurimum nigeant, quin potius quod in extremis Orientis partibus adhuc lumen aliquod neteris & syncerę religionis eluceat, id totum Christi Ecclesię in primis Dei clementię, deinde Venetorum pietati & uirtuti acceptum refert. Hęc autem Oratores Amplissimi, eodē dicta sunt, non quod Sancta Synodus uestre Reipublicę laudes, quę ne longa quidem oratione comprahendi possent, hoc loco prosequendas existimet: Verum ut intelligatis quantam sibi hilaritatem & lętitiam, quantum spei pręter illam antea, adiuvante Domino, rei bene gerendę haberet, aduētus hic uester optatissimus attulerit. Accedit autem ad maiorem harum rerum cumulum, quod huiusce Legationis munus uobis pręcipuē optimis & Ornatisimis uiris delatum est. Etenim si generis splendor, si rerum usus & prudentia (cuius egregia exempla in Romana Legatione semel atque iterum a uobis pro patria suscepta intueri omnibus licet) si optimarum artium cognitio, si pietas requiratur, hęc ipsa ornamenta omnia tam clara atque illustra in uobis sunt, ut aliquem fortasse uobis comparandum esse (ut magnam habet Respublica uestra Pręsantium Virorum ac Ciuium copiam) neminem certē anteponendum Sancta Synodus iudicauit. Quod igitur reliquum est, primum quidem Mandatum uestrum, prout iuris est, libenter admittit. Deinde Vos, Oratores Clarissi-

mi, tūc uestro merito, tūc optima & sanctissima
Reipublica uestra nomine, benigno & latanti animo
excipit. Et quoniam diuina providentia factum uide-
ri potest, ut in ipsum Dni Marci solennem diem, quē
Veneta Ciuitatis Patronum & custodem summa reli-
gione colitis, aduentus uester incurreret, quemadmo-
dum certe eo deprecatore futurum sperat, ita à Domi-
no petere & obsecrare nunquā desisset, ut hac ipsa
Legatio, consiliaque uestra omnia, uobis & Catholi-
ca Ecclesiæ prosperè ac feliciter eueniant. Postremò
quòd Veneti Imperij amplitudinem, opes, fortunasq;
omnes tam prolixè & liberaliter ad communem San-
ctæ matris Ecclesiæ causam iuuandam detulistis, de
hoc uobis eadem Sacrosancta Synodus se plurimum
debere agnoscit. Hanc autem uoluntatis uestre pra-
claram significationem eò lubentius accipit, quòd cum
in hanc Tridentinam urbem Pontificis Maximi iussu
& omnium Principum approbatione conuenerit: quā-
uis ex altera parte Inuictissimi Caesaris potentia &
authoritate non solū ab omni iniuria defendatur, sed
ab omni etiam periculi metu liberetur: ex altera ta-
men quòd uestra etiam Ditionis tutela, & presidio re-
cta & munita sit, permagni faciendum esse merito at-
que optimo iure existimat.

COMPARITIO ORATORVM SE-
ptem Cantonom Heluetiorum Catholicorum, &
Cleri eorundem septem Cantonom.

Litteræ Mandata.
Oratio Responsum.

LITTERÆ SEPTEM CANTO-
nom Heluetiorum Catholicorum, exhibitæ
in Sessione quarta Sacri Concilij
Tridentini, sub Pio IIII.

Dic IIII. Iunij.


M.D.LXII.



OS Scultetus Ammani & uni-
uersalis Senatus infrascriptorum
ueteris Catholice fidei Cantonom
Luceria, Vrania, Suitia, Syluania
supra & infra Syluam, & Iugium
una cum Territorio nostro extra
suo recognoscimus, & publicè fatemur presentium
per senorem; Quod cum Reuerendiss. in Christo pater
& Dominus noster, D. Io. Antonius Vulpinus Episc.
Comen. Sanctiss. in Christo Patris & Domini nostri,
D. Pij Papæ eius nominis quarti, & sanctæ sedis
Apostolicæ Nuncius, cum potestate legati de late-
re, nos in certis inter nos passim habitis dietis, qua-
tenus nostrarum ditionum Prælatos, eò peruenire
c 2 mus,

mus, ut Sacrosanctum Oecumenicum Generale Concilium, quod Tridenti incæptum in præsentiarum celebratur, per se ipsos personaliter, vel per suos idoneos Legatos inuiserent, summopere crebrius interpellarit. Nos idcirco (quamuis non dubitauerimus ipsos ad cupita implendum spontè etiam non commonescâs fore promptissimos) quo Sanctissimus noster Papa Sanctitatis suæ petita cernat apud nos plurimi (ua par est) esse momenti, eosdem nostrarum ditionum Prelatos diligenter & serio, quantoque fieri potuit, studio sumus obtestati, ut unanimiter conuenientes inter se, Legatum, qui ad huiusmodi Concilium mitteretur, eligerent. Petitionibus igitur nostris ad id, quod alioquin proculdubio erant facturi, inuitati, Reuerendissimum in Christo Patrem & Dominum, D. Ioachinum Abbatem monasterij Hæremitarum in antiquorum confœderatorum nostrorum Suitensium Domino & illorum protectione situati in eorum & cuiuslibet, Legatum deputarunt. Ea quæ in Mandato procurationis desuper emissæ, & suæ Reuerentiæ concessio continentur, mandando. Nos uerò ea quæ dicti Domini Prelati Reuerend. Domino Abbati in huiusmodi procurationis Mandato commisserunt, non solum approbamus, uerum etiam magno sumus gaudio persusi, quod hoc muneris illi delegarint. Idoneum enim illum censemus ad ea expedienda, quæ in adeo toti orbi necessario negotio facta fuerint opportuna, quæque ipsius Legati, & cæterorum prelatorum officij esse, quomodolibet cognoscatur. Omnia .n. & singula, quæ

qua dictus D. Legatus præmisso nostro egerit, ualida
semper & infracta, quantum nos concernant, mansu-
ra testamur. Harum per antiquos confæderatos no-
stros Luceranos, sigillatarum litterarum tenore. Datæ
Veneris XX. Februarij. Anno Domini. M. D. LXII.



M A N D A T V M S E P T E M C A N T O -
num Heluetiorum Catholicorum in personam sui
Oratoris, exhibitum in Sessione quarta sacri Con-
cilij Tridentini, sub Pio IIII. Die IIII. Iunij.
M. D. LXII.



NOS Schulteti Amāni, at-
que uniuersalis Senatus
septem celeberrimæ Helueticæ
laudabilis superioris A-
lamanie antiquæ, & ma-
gnæ ligæ, meræ, ac ueteris
Catholicæ Religionis Cā-
tonum, Lucerię, Vranie,
Sunitie, Syluanie, supra
& infra Syluam, Inguum
unā cum Territorio nostro extrā sito, Friburgum, &
Solodorū, Recognoscimus cuilibet inspelluro per pra-
sentes, Cum Reuerendissimus in Christo Pater, & Do-
minus noster, Dominus Ioannes Antonius Vulpinus,

Episcopus Comensis, Sanctissimus in Christo Patris & Domini nostri, Domini Pij Papa eius nominis quarti, & sanctæ sedis Apostolica Nuncios, cum potestate Legati de latere, nobis in certis per nos passim habitis dietis, significavit: Quod Sanctissimus Dominus noster Papa, diuino pariter, & paterno zelo adductus, ex officio quo dignissime fungitur, totum Christianissimum paci, tranquillitati, atque Catholica & Orthodoxæ fidei per totum terrarum orbem promulgato Generali Concilio perque supremos Procures approbatum Generale Concilium Tridenti indissolubilem, restituere intendat: Cumque nos Sacrosanctæ Apostolicæ Sedis obediētes filios ac defensores ostenderit ab antiquo, Sanctitas sua nobis quoque hoc (ut decuit) significare volens, paternè nos admonuit, quatenus (quod uel præcipuum Christi fidelium munus erat) non solum in Concilium huiusmodi consentire, uerumetiam Religiosos nostrarum ditionum Prælatos ad id uisandum adhortari atque nos secularem Legatum, quemadmodum & ceteri Procures facturi egent, eò mittere uellemus, ac mandare. Quamuis igitur nos quisquid per Generale Concilium, quod ad communem pacem & tranquillitatem, atque alme nostræ fidei unitatem quomodolibet spectare posset, concluderetur, accepturos, tunc promptissimos ostenderit: Ac maiorem tamen obediētiæ propense uoluntatis, proinde animorum in Christianam nostram fidem studiij ostensionem, non solum penes nostro-

rum Dominorum Prelatos, ut Nuncium suum ad Concilium mittant, obtinuimus, uerumetiam in nostrum omnium & singulorum uerum & certum Legatum deputauimus, pro ut deputamus per praesentes, Nobilem & strenuum Melchiorum Lusii, Equitem auratum, Amannum in Syluania infra Syluam. Mandantes eidem, ut nostrum omnium nomine in Concilio huiusmodi Tridentino compareat, atque omnia & singula transigat & exequatur: quae Nos ipsi praesentes essemus, exequeremur. Quicquid etiam in dicto Generali Oecumenico Concilio pro pace & tranquillitate, atque etiam reformatione Ecclesiae, nostraeque Religionis elucidatione, & seu augmentatione, tuitione, ac defensione statutum fuerit atque decretum, nostro atque omnium nostrarum ditionum nomine acceptandum, consentiendum, atque nos omnes & singulos, ea fideliter & strictè completuros promittendum. Promittimus insuper intercedentibus fide atque honoris, Nos omnia & singula, rata, grata, atque firma perpetuò habituros, quacunque in premissis, seu aliquo praemissorum, per hunc nostrum Legatum acta gestaue fuerint, prout & quemadmodum deuota Sacrosancta nostra matris Ecclesiae (apud quam nos in perpetuum permansturos confidimus) membra decebit. In quorum omnium & singulorum praemissorum fidem, robur, & testimonium praesentes nostras litteras exinde fieri, atque fidelissimorum antiquorum nostrorum confederatorum Lucernensium, nostrorum omnium nomine fecimus, sigilli appensione

73 MANDATVM
ne communiti. Datū XX. Februarij, Anno Domini
M. D. LXII.

MANDATVM PRÆLATO-
rum, et Cleri septem Cantonum Helentio-
rum Catholicorum. Exhibitum in
Sessione quarta, Sacri Conci-
lij Tridentini, sub Pio
Quarto.



OS Diethelmus Sancti Gal-
li, Petrus in Vettingern Mi-
chael in Rynovv, Ioānes Chri-
stophorus in Muri, Iacobus
Sancti Urbani, Henricus in
Vifchingen, Iodocus in Mon-
te Angelorum Monasterio-
rum Abbates, Leonardus Do-
ninus Carthusianus Sancti Laurentij in Ittingen, Iaco-
bus in Episcopali Cella, Nicolaus in Aula propè Lu-
ceriam, Heinrichus in Turzachio Præpositi, Hein-
ricus Cuitzligenfis, Ioannes Iacobus in Pseffers, Mo-
nasteriorum Decani, & Honofrius Monasterij in
Egronia custos, ut & tanquam Abbatum & præ-
positi nostrorum respectiue Commissarij, ad hoc per
ipsum Abbates, & Præpositum respectiue nostros le-
gitimè mandati iam in oppido Rappesvilla unani-
miter

miter in Domino congregati, recognoscimus per presentes, Quod cum Reipublic. Christiana dissidia, Oculis Christi, omnibus passim trucidatis, dissidio, æfluantis mundi huius freti, turbulenti motus, dissidia numerum excedentia, procerum se inuicem, ulciscendi rabida libido, & omnium rerum etiam optimè constitutarum, immutationes an depravationes dicamus, haud constat. Cum tenique naufragium prætoris illius Nauculæ Christi, (nisi is ipse puppi, proraque præsideret, atque exuscitatus pauidos discipulos consolaretur) imminere, præclarissimè e- quidem Sanctissimus D.N. Pius quartus, Pont. Ma- ximus egit, quòd sacrum Oecumenicum Generale Concilium, quo rugientem illum Leonem, qui uas- tis distensis faucibus mortalibus haud animaduertenti- bus iugiter insidiatur, comescat, atque atrocem lu- pum neci ouium Sanctitati suæ commissarum inbian- tem, quantum possit, (potest autem plurimum) abi- gat, indixerit, ne derelictæ, & funestis morsibus ex- positæ conquerantur, Facta sumus opprobrium inimi- cis nostris & despectio superbiis, nève dicant Gentes, Vbi est Deus eorum? sed ad Christum tutò clamare queant: Laqueus contritus est, & nos liberatæ su- mus. Hoc nimirum, hoc decet Vicarium Christi, hoc est, numeris pastoris super gregem suum die noctuque uigilare. Gratulamur non nobis solùm, sed uniuerso Orbi, quòd talem sumus nati Pontificem, qui Zelo Sponsæ Christi non comestus, sed ferè consumptus, maculas illi non aspersas, quas quantum esset abster- gere,

gere, & temporis diuturnitate, (Deo coniuuente) in
fixas radices sataget euellere. Deus qui ut potest
ita uult, sinat se exorari, & nobis omnibus, abiectis
licet) peccata enim nostra diuiserunt inter nos & il-
lum; de Patre tamen id nos affectu non dubitanti-
bus filijs, reconcilietur: Et si non patiat, ut filios, at
tamen ut micus solo colligentes, & de multitudine
misericordiarum suarum sperantes, non despiciat, sed
ad faciem suam permittat aliquando accedere, ut om-
nes illuminemur in aum, Amen.

Vtinam possemus nostris non solum rebus, uerum
etiam proprijs corporibus negotium hoc, tùm uniuer-
so Orbi, iàm nobis apprimè necessarium, aliquantu-
lum non dicimus promouere, sed adiutare, ut tandem
dissidijs semotis, ac uera Orthodoxa Religione in
pristinum flatum restituta in hac lachrymarum ual-
le ad eternam patriam anhelantibus, iugi detur frui-
conspectu Dei. Quantum uerò in uobis est, indefinen-
tibus preculis non desistemus acclamare Patrem, ut
ille presens còminis potenti manu succurrat. Cupere
mus sanè Nos ipsi ex intimis animarum precordijs,
Concilio (licet fortè minimum profuturi) interesse:
Sed Deum testamur, nostra non sinunt recula, & ea
quibus in presentiarum detinemur impedimenta, sin-
gulos esse presentes. Attamen ut obedientie, filij, ne
Sanctissimus noster Papa, seu Sanctitatis sue Reue-
rendissimi Legati, Patriarchæ, Archiepiscopi, Epis-
copi, & Abbates atque alij Patres, iam Tridenti in
Spiritu sancto congregati nobis incertis, aut oscitan-
tia,

tia, uel etiam detestandi superiorum contemptus no-
 tam inurant : Iccirco animo mature prius delibera-
 to, unanimiter omnes & singuli prænominati ex cer-
 ta nostra scientia & spontanea uoluntate constitui-
 mus in nostrum omnium & singulorum, uerum, cer-
 tum, legitimum & indubitatum Procuratorem, seu
 potius absentia nostra excusatorem, Reuerendissi-
 mum & Illustrum Principem & Dominum, D. Ioa-
 chinum loci Hæremitarum apud Heluetios, Abba-
 tem ibidem presentem & ònus procurationis, siue ex-
 cusationis huiusmodi in se (licet agrè) acceptantem.
 Concedentes omnes & singuli prædicti, plenam &
 omnimodam potestatem coram presentibus sanctis-
 simo Domino nostro Papa, seu Sanctitatis suæ Reue-
 rendissimis Legatis, Patriarchis, Cardinalibus, Ar-
 chiepiscopis, Episcopis, Abbatibus, ceterisque Pa-
 tribus, quibus in Concilio Generali sedere, aut sen-
 tentias ferre de iure communi, priuilegio, aut anti-
 qua consuetudine licet comparendum, eidem Conci-
 lio omnium nomine interessendum, & assistendum,
 ac omnia & singula, quæ ad sacrosancta nostræ reli-
 gionis disidia tollenda spectare cognouerit agendum,
 dissona quæ componendum, & componi uidentum,
 Vniuersalis alme nostræ matris Ecclesiæ, conueniens
 bonum, quantum queat, promouendum, illiusque ne-
 uorum si qui reperiri queant, exactionem petendum
 & obtinendum : necnon quæ ad Christi sponsæ refor-
 mationem, pacem, & tranquillitatem expedire per-
 spexerit allegandum, promouendum, consultandum,

decidendum atque nos omnes & singulos , nostramque absentiam propter prædicta impedimenta fideliter & humillimè excusandum : omniaque & singula alia dicendum , gerendum , & exercendum , quæ in præsentî negotio dicere , gerere , & exercere necessaria fuerint , aut quomodolibet opportuna , quæque nos ipsi omnes & singuli , agere aut exequi possemus , si præsentibus & personaliter omnibus & singulis præmissis interessemus , unum quoque uel plures Procuratorem seu Procuratores , cum simili aut limitata potestate loco sui substituendum , eumque uel eos reuocandum , & onus procurationis huiusmodi , ut prius reassumendum toties quoties opus fuerit , ipsique placuerit , seu uisum fuerit expedire ; præsentî nihilominus procuratorio in suo robore semper duraturo. Promittentes & quilibet nostrum promittens , nos ratum , gratum , atque firum perpetud habituros totum id , & quicquid per dictum nostrum constitutum , aut ab eo substituendos Procuratores , & eorum quemlibet dictum , actum , gestumque fuerit in præmissis seu aliquo præmissorum : Relevantes , & releuare uolentes eosdem , & eorum quemlibet ab omni onere satisfaciendi sub expressa hypotheca & obligatione omnium & singulorum bonorum nostrorum , & Monasteriorum nostrorum , mobilium & immobilium , presentium & futurorum , super quibus præmissis omnibus & singulis , presentes nostras litteras exinde fieri , sigillorumque præfatorum Dominorum Diethelmi sancti Galli , & Michaelis in Rynovr
Abba-

Abbatum, & Nicolai in Aula propè Luce-
 riam Prepositi noſtrorum omnium nomine appen-
 ſione, & Notarij noſtri inſcripti, ſecimus ſubſcri-
 ptione communiri. Datum Rappeſville, Die XXV I.
 Menſis Ianuarij. Anno Domini.
 M. D. LXII.



ORATIO HABITA A REVEREN-
 do Patre Adamantio Heremitarum ſancti Au-
 guſtini, Nomine Oratoris ſeptem Canto-
 num Heluetiorum Catholicarum in
 eius comparitione Die xx.
 Martij.

M. D. LXII.



Quantum parentibus uita
 noſtra auctoribus debea-
 mus, Illuſtriſſimi ac Re-
 uerendiſſimi Sacri & Oe-
 cumenici Concilij Preſi-
 des, Oratores clariſſimi,
 uoſque Antileſ Reue-
 rendiſſimi, nemini arbi-
 tror eſt obſcurum, aut
 dubium. Tanti enim eſt

officium, quo parentes colere iubemur, ut ſtatim poſt
 illa tria ſumma de Deo præcepta, nobis traditum, &
 com-

commendatum fuerit, quò intelligeremus debere nos prima & precipua officia parentibus post Deum impendere. At si ijs, qui nos in hanc corporalem, & communem lucem ediderunt, tantum tribuendum est, quantum, queso, illud erit, quod Matri Ecclesie, quæ nos in Christo genuit, debebimus? Ab ipsa enim sola in nos manant, quæcunque vera, & solida beneficia sunt: ipsa nos in veram vitam, seu potius eternam beatitudinem gignit, verbo Dei alit, Sacramentis salutaribus nutrit, denique quicquid habemus salutis, eidem, ut pie Matri totum acceptum referimus. Eam ob causam omnes, qui se legitimos eius filios profitentur, materno quodam iure tenentur eius dignitatem contra oppugnantes, suo etiam cum periculo defendere, dare operam, conari, & niti, ne illius sacrosanctus honor ab ullo hominum violetur, cuncta eius opprobria non secus ac sua ducere & vindicare, ac denique vitam ipsam, si contingat, exponere. Et si uerò nunc per admodum paucos uidemus sanctissimo isto Zelo accensos, qui hisce se periculis illius causa obicere audeant; Ac potius sint ualde multi, qui illam magis à se desertam quam defensam uelint: fidelis tamen Deus est, qui cum Ecclesie suæ nunquam se defuturum promiserit, nec nunc etiam illam in tanta perturbatione deseruit. Ecce enim Pius noster Pont. Maximus, non passus Ecclesiam sibi creditam tot periculis agitari ac tot hæreticorum factionibus scindi, illud adhibuit remedium, quod in eiusmodi grauissimis tempestatibus tutissimum perfugium, & quasi sa-

cra

era ancora semper existimatum est: Sic enim in hac
Tridentina civitate sacrosanctam Generale atque
Oecumenicum Concilium instituit, & aperuit.
Quod sanè ut ad optimum finem perducatur, utque illud
Patribus pietate, & doctrina clavis numerosus,
& ornatus in dies efficiat nulli labori, nullis incom-
modis omnino parcit. Existimat enim hac una ratio-
ne rebellium animos, ac cervices facilius flecti, scien-
ter Catholicorum gregem, tractandi, colloquendi que
gratia cennent, ut auditis sanctorum rationibus
mitemus, & sanentur. Fuit igitur hic nuncius Chri-
stianorum auribus gratissimus iuxta ac latisimus,
hic, inquam, promulgari Concilii nuncius. Nemo e-
nim non credit hanc unam esse rationem, qua tantis
Ecclesia malis, cum divino in primis auxilio succur-
ri & subveniri possit: nemo non sperat se hac ratio-
ne à tantis angustiis, tantoque timore facile emerge-
re, & ereptum iri. Quamobrem penè cuncti Christia-
ni Principes, hoc tam pium negotium, non magis ad
Ecclesie pastores, quam ad se pertinere vati, suos
huc Oratores miserunt, eum, ut gerendis in sacro Cō-
cilio eorum nomine interessent, tum ut rem tam neces-
sariam omnibus viribus adjuvarent. Sunt enim &
ipsi membra Ecclesie, & tanquam stella infirmamen-
to posita, quorum est post Solem, id est Summum Pon-
tificem, in subiectos populos secundum datam de cæ-
lo potestatem virtutem influere. Itaque Consules sep-
tem Pagorum seu Cantonum, ut vocant, laudatissi-
morum Helvetiorum, superioris Germanie quales
sunt,

sunt, Lucernenses, Vranienſes, Suisbienſes, Syluanienſes ſupra, & ſubtus Syluam, Tugienſes, Friburgenſes & Solodorienſes; qui erga ſedem Apoſtolicam, & ueſtrum hunc ſanctiſſimum ordinem bene ſemper fuerunt affecti, noluerunt & ipſi in re tam neceſſaria, & in publica quaſi totius orbis cauſa ſuos Oratores deſiderari. Ea præſertim de cauſa, quòd cum audierint his ſacroſanctis comitijs iacta eſſe tam pia tam religioſè auſpicata fundamenta; in eam ſpem nenerunt, ut breui ſe uiſuros ſperent, quæ nunc in Eccleſia, nequitia Sathane, qui ſuper ſeminauit Zizania, ſunt diſperſa & diſiecta, nedum congregata, ſed omnia unum, uti priùs erant, eſſe affecta. Quod, ut ad Dei laudem, & Chriſtianorum ſalutem quam celerimè fiat, in ſuis orationibus, & priuatim & publicè comprecantur. Quamobrem ydem Heluetiorum Conſules communi conſenſu Dominum hunc Melchiorum Luſi Ammannum Subſyluanenſium ſubtus Syluam nobilem & Frenuam ſanctæ Romanæ Eccleſiæ Militem deauratum, uirum omni probitate, & uirtute ornatũ, uti inter ſuos præcipuũ huc ad uos delegarint, ut omnibus, quæ in hoc ſacro Concilio gererentur, intereſſet, in omnibus decernendis fidem, & obedientiam eorum nomine publicè ſponderet. Cupiunt enim maximè, & uehementer exoptant, hoc uobis teſtatum relinquere, ſe quidem quod ad fidem, religionem, & obedientiam attinet, itemque alacritatem, & ſtudium inuandi Romanã ſedem nullis populis, qui Chriſtiani cenſentur, cedere, nullisque

nullisque se inferiores putare. Gratias enim Deo agunt, quod eius munere sibi datum est, quod ipsi viribus, quibus inuicti ferè semper extiterunt, in huius sedis beneficium semper usi sunt. Et ne commemorem qualem operam Ecclesie ante Iulij II. tempora ipsi Iulio II. Leoni X. Pontificibus Maximis prestiterunt, ut preteream tot contra infestissimos Ecclesie hostes parvas victorias, satis erit hoc tantum argumento eorum fidem comprobasse, quod cum sint ipsis fidei hostibus, nedum finitimi, sed etiam coniunctissimi, nunquam adduci potuerunt, ut in eorum peruersa dogmata aliquando concederent, aut transirent licet ab eis quotidie omnibus penè machinis oppugnentur: quin potius eis semper constantissime resisterunt, & tanquam legitimi Israelitæ nunquam cum execratis Moabitibus iungere prophana connubia uoluerunt. Et hoc apertissime declararunt, quando inito cum illis ipsis Religionis causa bello, immanissimum, ac nequissimum Ecclesia hostem Zwinglium hæresiarcham peremerunt, extraculumque è cadaveribus combusserunt, quo testarentur sibi cum illis, quamdiu extra Ecclesiam manere uellent, perpetuum & uerè (aspondon) bellum fore. Nec sine causa arbitror in ipsis Italiae limitibus, & finibus constituti sunt, ut scilicet tanquam ualidum propugnaculum obflarent, ne graue malum, quod ad Aquilone, iuxta Prophetæ uaticinium quotidie panditur, in ipsius Italiae viscera tam facile irrumpat & penetret.

Hæc autem atque eiusmodi multa, quæ Heleutio-
f rium

ram uirtutem testantur, & si uobis Amplissimi Pa-
tres, perfectissima & notissima esse arbitror, testa-
ri tamen placuit, non quidem iactationis, aut ullius
gratie promerendæ studio, sed ut quique ex-
ploratissimum & persuasissimum ha-
beant, Heluetios erga Roma
nam sedem tales semper
fore quales omni-
bus propè secu-
lis fuerint,
atque eundem semper animum in eius-
dem beneficium & sua sponte, &
rogatos allaturos.

RE-

RESPONSVM SANCTAE SYNODI
 in admisione Oratorum septem Cantonum Helue-
 tiorum Catholicorum: Datum in eadem eorum com-
 paritione, die XX. Martij, M. D. LXII.



*V*ita sunt Oratores præ-
 stantissimi, & ea quidem
 præclara fortissimè Helu-
 etiorum gentis in Chri-
 stianam religionem veri-
 ta, eiusque magna & exi-
 mia in sanctam Apostoli-
 cam sedem pietatis, &
 obedientiæ officia omni
 tempore extiterunt; Quæ

etsi nunc à Sancta Synodo non commemorantur, cla-
 rissimis tamen litterarum monumentis consignata,
 sempiternam vobis laudem pepererunt, ac quod uerè
 Christianis hominibus, & solidæ felicitatis amanti-
 bus multò optabilius esse debet, apud Deum (ut Apo-
 stolus uerbis utamur) æterni gloria pondus promerue-
 runt. Verùm quamvis cætera pietatis uestre studia
 magna sanè & illustria sint, tamen haud facillè dixe-
 rim, an ullum magis opportunum officij, & obsequij
 genus, uel Christianæ Reipublice magis salutare ab
 Heluctijs profectum fuerit, quàm quòd ad sanctam
 hanc Oecumenicam Synodum honestissima legatio-

ne missa, se tanquàm optimos Ecclesiæ filios omni ratione communis matris causam, & dignitatem defensuros esse apertissimè declararint. Testatum illud quidem antea sæpius fecerunt inuicta quadam animi fortitudine & constantia, cum ferro, & armis pro uera Religione dimicandum fuit: Attamen eo nunc commendatior apud omnes, & Pio IIII. Pontifici Maximo gratior esse debet uestra hæc quàm sedulò præstatis, opera, industria, ac sancta sollicitudo, quia non ad unam aliquam Christianæ Reipublice partem inuandam, sed ad uniuersam penè ab impiorum scelere, unà cum alijs, quibus Ecclesiæ salus curæ est, vindicandam prompto, & alacri animo accurrisitis. Quid igitur Sancta Synodus ad officium suum pertinere existimauit, primùm quidem nos Oratores protestantisimi saluos, & incolumes aduenisse tam uehementer latatur, ut de eo etiam maximas gratias Deo optimo, & immortalis nullum neque agendi, neque habendi finem faciat: quippe cum præter optimi, & Christianissimi Cæsaris Ferdinandi, in cuius fide, & clientela potissimum conuiescit, Regumque ac principum egregiam erga se uoluntatem, & propensionem magnum etiam presidium in uestre laudatissime nationis studio ad ea perficienda iam pridem collocarit, quæ Pius IIII. diuino quodam beneficio turbulentis hisce temporibus Ecclesiæ Pontifex datus, ritè & legitime conuocato Generali Concilio instituit. Hoc autem Sancta Synodus de optimo Helueticorum animo antea semper cognito, ac perspecto eò magis

gis sibi nunc pollicetur, cum Vos tales Viros ad tantæ legationis munus obeundum delectos esse animaduertat, quorum in altero maximarum rerum usum, summamque bellicæ uirtutis laudem : in altero summam Ecclesiæ disciplinæ grauitatem, doctrinam : in utroque autem incredibilem in Deum pietatem, & in Sanctam Apostolicam sedem obseruantiam, & deuotionem mirificè commendari non ignorat. Quibus de causis uos iam summo amore prosequitur, & in posterum omni officij genere complectetur. Quod uerò in defendenda Sanctæ Dei Ecclesiæ authoritate, & dignitate perpetuum Heluetiorum studium profiterini, de tam pia uoluntate ac mente, ex qua præcipuam nominis commendationem maiores uestri sibi, & posteris compararunt, uobis Sancta Synodus tum immortales gratias agit, tum ex animo gratulatur : nec dubitat quin (adiuuante Domino) constantissima, & inuisa Natio in eadem sententia permansura sit, non solum quia diuturna, aut firma libertatis uestre defensio à ueræ pietatis cultu seinnata esse non potest, uerum etiã quod tantis iam rebus pro fidei Catholice, & Ecclesiasticæ libertatis propugnatione fortiter, & feliciter gestis, uestri iam similes non esse uobis nunquam licebit. Mandata uerò uestra quoad iuris est, libenter admittit.

COMPARITIO ORATORIS

Alberti Bauaria Ducis, Die XXVII.

Iunij. M. D. LXII.

Litteræ. Oratio. Responsum.

LITTERÆ ILLVST. D. ALB. DV-

cis Bauaria, lectæ in Generali Congregatione,

Die XXVII. Iunij. M. D. LXII.



Euerendisimi et Illustris-
simi Domini, ceterique
Sacri Cōcilij Patres, amī
ci honorandissimi & cha-
risimi salutem, & inser-
uendi ac gratificandi, pa-
ratissimam simul & ami-
cissimā uoluntatem. Mit-
timus idē reuerēter pla-
nē ac deuotē ad sacrū Cō-

cilium Tridenti Oratorem & Consiliarium nostrum,
Doctorem Augustinum Faungartnerum, cumque eo
Theologum de Societate Iesu, Collegij nostri Ingol-
stadiensis, Ioannem Cuillonium, qui in tam pio, tam-
que necessario Ecclesia Dei cætu, nostram omnino per-
sonam repræsentent. Plenissimam enim acceperunt
potestatem, ea omnia nostro nomine agendi & facien-
di

di, quæ si præfentes adessemus, pro officio Pij & Catholici Principis agere atq; facere, uel possemus, uel deberemus etiam. Quod quidem hisce nostris litteris restatum abundè cupimus: Rogantes insuper amicissimè, ut præfatis nostris Oratori atque Theologo, in ijs, quæ ex nostro Mandato proponunt, dicent, aut quacunque ratione agent: non minor quàm nobis ipsis adhibeatur fides, beneuolentia, & humanitas. Ita enim & certissimè nobis pollicemur, & Vos dignum facietis uestra uirtute & bonitate, Nobis uerò gratisimum officium. Christus optimus Maximus clementissimè faxit, ut quod ad sui gloriam & Ecclesiæ Sponsæ suæ salutem pijsimè institutum est optimè ac felicissimè cedat: Ex Ciuitate nostra Monachio, XIII. Aprilis. M. D. LXII.

ALBERTVS DVX BAVARIÆ.

A T E R G O.

Reuerendis & Illustrissimis Dominis Legatis, Cardinalibus, Patriarchis, Archiepiscopis, Episcopis, cæterisque Sacri Concilij Tridentini Patribus Dominis & Amicis nostris honorandissimis & dilectissimis.

ORATIO HABITA A LABORATORE
illustrissimi D. Alberti Ducis Bavarie in Generali
Congregatione Sacri Concilij Tridentini, sub S. D.
N. Pio Papa IIII. Die XXVII. Iunij.
M. D. LXII. in eius Comparitione.



*V*andoquidem S. D. N. aliquoties
perquam paternè, atque vos ipsi
Reuerendissimi & illustrissimi sa-
cri Concilij Tridentini Præsides
etiam amici, Vt ad celebrationem
huius tam Sancti tamque necessa-
rij Instituti Legatos mitteret, Illu-
strissimum & Serenissimum Prinsipem dominū Al-
bertum Comitem Palatinum, Rheni Superioris infe-
riorisq̃ Bavarie Ducem &c. exortati eslis, sui mu-
neris esse putauit Illustrissima sua celsitudo, ne cum
Princeps sit Catholicus, nihilque magis elaboret,
quam salua ut sit Catholica religio nostra, tam neces-
sario tamque Sacrosancto operi deesse uideretur, de-
creuit sanè Legatum suum ad Concilij negocium opor-
tunis mandatis instructum ablegare. Quòd quidem
iam ipso facto præstans, ablegauit & misit præsen-
tem me Illustrissima suæ Celsitudinis seruitorem cum
plenissimo mandato, ut suæ Illustrissima Celsitudi-
nis nomine paucula quædam Sacro Concilio propo-
nam,

nam, & postea etiam ubi usus & oportunitas erit, tractarem, agerem, atque efficere curarem, quæ & honore sacri Concilij & Illustrissima sua Celsitudinis officio esse videantur.

Principio igitur tam ipsis Reuerendissimis, & Illustrissimis Concilij Presidibus, quam reliquis Reuerendissimis Patribus plurimam & deuotissimam affero Illustrissime sue Celsitudinis nomine salutem, amicitiam ac beneuolentiam. Et profectò summo opere letatur Illustrissima sua celsitudo, quòd Sacrosancti huius Tridentini Concilij non modò auspicio initium factum sit, sed etiam feliciter progredi actiones eius intelligantur, & quidem eò modo, ut omnes per meritò queant felicissimum euentum sperare. Quamquam uerò, si quidem est secularis, atque idcirco Illustrissimam suam celsitudinem minimè decet in Concilio aliquid uel dæcernere uel præscribere in rebus Spiritualibus. Sed tamen secularium Principum cum intersit uel imprimis, ne quid authoritatis, quo minus feruens Concilij cursus proce dat feliciter, deesse uideatur: eam tamen ob causam me potissimè misit Tridentum, quippe ut Concilium Illustrissime sue Celsitudinis nomine cohonestem, concelebrem, ac si fieri possit, adiuuem etiam pro uirili mea: hac tamen habita ratione, ut meminerim Illustrissimam suam Celsitudinem esse Secularem, non Spiritualem Principem: cuius sit non dare, sed accipere leges ab Ecclesia. Hæc etenim quoniam pia Materfamilias est, atque legitima diuinarum rerum dispensatrix, soleresque

lersque & salutaris medica, cui nullum medendi modum præscribere debemus, sed morbum ostendere, & efficacem sperare medicinam.

Communes quidem Germaniæ morbos procul dubio Reuerendissimis Sacri Concilij Proceribus notos esse, nec dubitandum existimant, Illustrissima sua Celsitudo, quin etiam audierint quo in statu Bauaricæ gentis nunc Catholica religio versetur. Quandoquidem enim aliæ provinciæ, quæ Bauariam circumquaque propemodum cingunt, diuersis sunt uariisque infestæ erroribus, eosque fouet non modo apud se, sed propugnant etiam pertinaciter, propagantque; quoad fieri potest, summo studio; facili existimari potest, quanto partim dolo, partim manifesta ui in Bauariam irruere conentur seclæ, quarum aliæ quidem aliqua diligentia autoritateque Illustrissimi Principis mei hactenus repressæ sunt, aliæ nescimus quo infelici Bauariæ fato, iam in ipsa uiscera Bauariæ penetrarunt, easque nunc (quod uehementer dolendum) radices egerunt, ut uoto magis quam facto extirpari posse censeantur. Superioribus annis habita est totius Prouinciæ tam in Clero, quam in populo de fide Catholica & de honestate morum uisitatio: In fide autem & in ipsa religione nostra quot repertæ sint & quantæ hereses, nimis longum foret, si omnes deberent recenseri. Crasiores igitur generatim perstringi possunt, cum uniuerse explicari non queant.

Reperti sunt enim inter Parochos cetetosque ministros Ecclesiarum, quorum alij sunt Zwingliani, alij

Lu-

Lutherani, alij Flacciani, alij Anabaptistæ, alij qui Manichæorum dogmata denouant, alij qui aliorum deliramenta & errores sectantur, atque propagant. Hæc Catholica fidei nostræ zizania, quoniam Prælati pullulantia passim in ipsis herbis non extinxerunt, & iam mox aduicta extirpare non potuerunt, eò nunc res deuenit, ut si quis nunc hæc zizania eradicare conetur, metuendum sit ne bonum triticum conculcet, zizania tamen non euellat penitus. Nam huius pestis contagio, non modò in sece infimæ plebis, sed etiam in penetralibus statuum ac Reipublicæ, maximè autem nobilium ac ciuium uersatur, qui ita animis errore corruptis, quotidie magis, magisque uicinorum sectariorum commertio obsfirmantur, ut foris cum aduersarijs non occultè sentiant, domi uerò nihil non sedulò faciant, quod in uehendis erroribus percommodum sit, & sanctissimis priscorum constitutionibus perniciosum: ita ut quacunque omnino ratione id agant unum, ne locus amplius reliquatur sane & Catholica doctrinæ tutus, aut integer. Unde uiri prudentes quàm difficilis sit & quàm periculosa in istis Ducatibus gubernatio, facile indicare possunt.

Huic autem malo magnam ansam fuisse præbitam omnes homines sanis fatentur, cum a Clero, tum a populo: quando hic nullum possit inter doctrinam & doctorem discrimen cernere, ille id sibi semper licere quod liberet, arbitraretur. Tametsi autem degenerantis populi malitia tanta est, ut per se
huius

huic subsequuta haretica contagioni abundè materiam dederit, tamen dubium haud uidetur, quin, cùm Clerus qui sal terræ esse debuerit, infatuatus sit, nec ad eam rem ad quam maximè oportebat, utilis, magnam in Clero culpam huius mali uersari omnes sapientes oporteat confiteri. In uisitatione nuper habita, quanta omnis generis flagitia in moribus Cleri comperta sunt: quanta socordia & supina negligentia, in quibusdam proceribus seu Ecclesiarum praelatis, aurium pudore, ne manifestentur prohibemur: ipsa morum turpitudine efflagitat, ne maneant diutius inemendata. Atque hæc si quis uellet sigillatim, prout per se res ipsa habet, atque exploratè constat, enarrare, castis püsque Reuerendis. Patrum auribus omnind fieret molestum, alys qui minus firmati sunt, ingens periculosumque offendiculum praberetur. Quamobrem Illustrissimus Princeps noster hoc abundè satis existimat, si uobis Reuerendisimis & Illustrissimis Tridentini Concilij Legatis atque Patribus, saltem per occasionem insinuaretur, ut duntaxat accuratissimè uobiscum perpendatis, quàm infructuosa doctrina emendatio futura sit, nisi prius Doctores, qui tanquàm uasa doctrinæ indicantur ab omni sorde moruq; fetore expurgati representētur populo. Omnes sapientes peritiq; uiri unanimi sententia hoc asserunt, hoc efflagitantur penitus, ut prius Clerus Ecclesiarumque ministri ac doctores a uita sordibus repurgentur quàm ulla queat fructuosa doctrinæ discussio ac determinatio saliciter inchoari ac definiri salutariter:

Dein-

Deinde nec parum momentum uidetur, quòd hac per-
niciosa contagio non modò non cessat tam longo tem-
pore, sed subinde grandescit, etiam multis uarijsque
amplificata accessionibus. Quippè Clerus noster tan-
tis Ecclesiæ calamitatibus, nullo modo neque affici-
tur neq; affligitur, sed multò magis insolescit, gula li-
bidinibusq; indulget, ac quasi uelut in contemptum Dei
hominumq; omni genere uitiorum se coopertum po-
tius palàm cognosci, quàm minima aliqua in re emendatū
animaduerti. Ut cætera Cleri uitia, quæ cum populo
communia habet, taceantur: At certè libido illa in
Clero nimis libera atque notoria, propter quam iis nūc
potissimè infamis est, à plebe irritatoque populo alic-
nissima esse iudicatur. Siquidem polliciti magistratus
nullum in ciuili societate ciuem ferunt, qui palam scor-
tetur, domique suæ quasi in publico lupanari scorta
fouere ludeat. In proxima uisitatione per Bawariam
facta, tam frequens concubinatus repertus fuit, ut
uix inter centum tres uel quatuor inuenti sint, qui
aut manifesti concubinarij non fuerint, aut clandestini
matrimonia non contraxerint, aut uxores palàm
non duxerint. Quæ morum turpitudine in Clero uehe-
menter offendit imperiti populi animos, tantoperè,
ut Sacerdotium unà cum sacerdotibus Doctrinam
unà cum doctioribus exercetur, dirisque denoueat.
Ita ut sit confestim paratus ad quamuis sectam exire
potius, quàm redire uelit ad Ecclesiã. Præterea nec pau-
ci homines à nobis deficiunt ad sectarios ob utriusque
speciei prohibitionem cum arbiurentur de communione
utrius-

utriusque speciei expressum Dei uerbum extare, dē una specie nullum reperiri. Huc accedit, quod utriusque speciei usus, non modò in primitiua Ecclesia, sed etiam nunc omnibus Orientalibus Ecclesiis frequē est, & quidem celeberrimus: quin nec Romana Ecclesia olim ab eodem usu adhorruit, quemadmodum uarijs diuersisque historiārum monumentis edoceri potest. Nec sanē id parū mouet homines, praesertim in Bauaria, quod Paulus III, edicta bulla concessit Germaniæ Episcopis potestatem communicandi populum sub utraque specie. Quod quidem summi Pontificis Decretum urgent summi & infimi, Illustrissimiūque meum Principem eam ob causam uehementer culpant, quasi (quod abest planē) diuinam institutionem contra expressum Dei uerbum inuideat subditis suis. Ea inuidia, quoniam Illustris. sua celsitudo uehementer grauatur, frequentissimò subditorum querelis apud alios Germaniæ Principes odiumque hoc sui aequè domi ac foris ad eò subinde exasperatur, atque increbescit, ut plerique quibus ueloces pedes sunt ad effundendum sanguinem, nihil expectent auidius quā aliquam praebere mouendis tumultibus occasione. Hinc procul dubio Reuerendissimi. & Illustrissimi. S. Concilij Praesidentes atque Patres perspicuè uident quanto in periculo uersetur Illustris. & Clementissimus Princeps, propter cohibitionem utriusque speciei. Itaque libere fatetur, nisi auctoritate Tridentini Concilij hisce malis, quae à nobis commemorata sunt, salutaris medicina primo quoque tempore
ad

adbibeatur, Illustriss. suam celsitudinem nullo modo in tanta animorum exacerbatione subditos suos regere posse, atque in legitima obedientia continere aliter, nisi ut magno suo dolore & haud incerta synce-
ra Religionis iactura inuitus aspicat tandem, quod prohibere solus nequeat.

Quanquam uerò, sicuti antea dictum est, Illustriss. & Clementissimus Princeps meus hac grauamina eo animo non proponat Sacro Concilio, quasi præiudicium aliquod adferre, aut iudicium auferre uelit, cum non ignoret quid postulet officium secularis Christi-
ani Principis, quem deceat se obedientiam Apost. Se-
dis filium & non iudicem controuersæ religionis in Concilio exhibere. Quapropter cum hæc talis suspicio procul à persona Illustrissimæ suæ celsitudinis sub-
mota sit, tam illud non deducere se arbitrat, si sal-
tem quid sibi hisce malis remedijs salutariter adhiberi posse uideatur, familiariter & quasi consultandi gra-
tia S. Concilio insinuet.

Primum igitur quantum attinet ad submouenda publica scandala Cleri, quibus imperitus populus per motus subinde magis magisque efficitur à Catholica Religione nostra alienior, Illustrissima celsitudo sua pu-
tat huic communi morbo duobus remedijs occurrere posse. Quorum prius ut Clerus iuxta antiquos Canones reformetur: Alterum: ut Prælati dent operam erigen-
dis domesticis scholis, & amplificandis publicis aca-
demijs. Reformare mores Cleri sæpius à diuersis Ger-
manicæ Episcopis tentatū est parū feliciter, ac sine om-
ni

ni fructu : quemadmodum re ipsa compertum est, cum
tàm ardua negocia , non tàm singulorum Præsulum
authoritas quàm consensio uniuersorum relictissimè
utilissimeque expediat , dum alij ne suos capitulares
confratres offenderent , conuiuere uisi sunt : alij , si
quod tentarunt (ut fecerunt certè quidam optimi
Antistites) nihil tamen efficere idcirco potuerunt ,
quòd Corpori ceteri idem non uiserunt , reforman-
di institutum. Quocirca existimat omnem priuatam re-
formationis operam inutilem fore & infructuosam, ni
si eò accesserit Generalis Concilij authoritas ac legiti-
ma executio decreta reformationis.

Nec uerò ignorat Illustrissimus Princeps, quid
à plerisque, ne seria aliqua morum repugnatio susci-
piatur, obijci soleat. Cum uerendum sit, si Clerus ex
rigore antiquorum Canonum reformari debeat, fore
omnino, ut plerique omnes, præsertim Parochi Pa-
rochianorumque ministri, (qui fere omnes concubi-
narij sunt) suas Ecclesias deserant, & confugiant ad
seclarios, ubi concubinas liceat in uxores sumere, &
unumquemque ex libertate carnis, ita sicut uelit ui-
uere. Negari haud potest, quin hæc omnia in malis
sacerdotibus expellenda sint, in bonis autem nullo
modo. Verùm utcunque hoc metuendum uideatur,
non desuit tamen olim, nec nunc deest hic malo nodo
congruens cuneus. Nam diligentem operam impende-
re Antistes debent, educando Ecclesiasticæ iu-
uentutis seminario, & quo in locum eorum, qui uel
apostasiam abrepti, uel morte desuelli essent, restitu-
possent.

At enim uerò hæc necessaria diligentia cum neglecta est, atque hinc ista honesti Cleri inopia emerfit: in primis necessarium uidetur, ut summo studio Sacrosancta Synodus Tridentina legitimum aliquem modum excogitet, quo inopia Cleri auferri possit, copia restitui. Multæ enim adhuc sunt in Catholicorum principum Territorijs opes: quarum aliæ in continua Symonia uersantur: aliæ tenentur ab hominibus indoctis, impuris, inutilibus: aliæ etiam per fraudem eorum, qui bona uel maxime tueri debuerant, extinguuntur passim, ab Ecclesijs alienatæ & translatæ in usus profanos. Nec dubium est, quin si hæc Ecclesiastica bona in certum ordinem redigerentur, posse inde selectum aliquem & copiosum Ecclesiastici seminarij in iuuentute plantari cætum, & ex eo cætu subinde, ubi necessaria utilesque personæ requirerentur, tanquam ex instructa officina cateruatim depromi. Atqui uerò si hac uia collabescenti Ecclesiæ occursum non fuerit, timendum prorsus, ne aliquando Catholicos, tam ui sceltariorum expugnatos esse, quam domesticis copijs destitutos perisse, conqueri oporteat.

Quapropter Illustrissimus Princeps amicè submisisseque admonet sancti Concilij Reuerendissimos ac Illustrissimos Dominos Legatos ceterosque Patres, ut hanc rem sibi uelint imprimis esse curæ, ne post hæc tanta educandæ iuuentutis negligentia Prælati permittatur. Sperandum enim magnopere mirabiliter suæ Ecclesiæ uires pedetentim restitui posse, si sedulo operam nauaremus erudiendæ copiosæ iuuentutis, & or-

ordinandis fouendisq; p̄p̄s ad doct̄is hominib; quib; Ec-
clesiam doctrina aduersus hereses tueri queant, &
submouendis inuilibus flagitiosisq; sacerdotib;,
qui suis moribus turpissimis Ecclesiam uehementer
deformant, & sua inicitia labefaciunt non mediocri-
ter. Illustrissimus uerò Princeps meus quid grauissi-
mis sumptibus & perpetuo studio hac in re conatus
sit, referre iactanter minimè cupit: testes autem ha-
bet quamplurimos, tam eos ipsos quos liberalissimè
etiamnum fouet Doctores, Professores atque Sacer-
dotes, quàm uicinos, Prouincialesq; Episcopos, &
alios etiam Catholicę Religionis amantes.

Ceterum existimant plerique uiri rerum Germanicarum periti, tale esse in Germania seculum,
quasi quandam occultam naturam, quę non modò
omnes libidinosos, sed etiam moderatos, necq; Ca-
tholicos eò perduxit, ut plerique omnes casum ma-
trimonium contaminato calib;ui preferendum ar-
birrentur. Quamobrem animaduertitur passim præ-
clara ingenia, doct̄issimosq; homines ducere uxores
malle, ut careant Ecclesiasticis beneficijs, quàm Ec-
clesiastica beneficia acceptare & carere uxoribus.
Videlicet cum uideant reliquam Cleri multitudinem
gulę libidinumq; flagitijs coopertam, magno de-
trimento esse ac dedecori Catholicę Religionis, ne ip-
si in hoc contaminationis grege uersari cogantur, eo-
rumq; uideri consimillimos. Hinc etenim doct̄orum
hominum in Clero penuria extitit, hinc Cleri dete-
standa inicitia traxit originem, hinc hæretici sum-
serunt

serunt vires, Ecclesia uerò debilitata est. Periti igitur qui presens hæc negocia accuratiusque discusserrunt, existimant, quod ad subleuandam penuriam docti idoneique Cleri, uix alia ratione, presertim hac ætate nostra, in Germania clerus instaurari ac saltem ad obeunda necessaria Ecclesiæ munera sacis frequens haberi queat, nisi more primitiua Ecclesiæ docti mariti & ad docendum instructi admittantur ad sacros ordines presertim uerò ad prædicandum, & amplificandum populo uerbum Dei. Legis enim diuina cum non sit, ut oporteat hominem Sacerdotem esse celibem, siquidam constet ex ueterum monumentis atque historijs maritos Sacris ordinibus initiatos esse, & non modò ad Sacerdotij dignitatem, sed etiam ad sublimitatem Episcopi peruenire. Quapropter hanc rem uideri eiusmodi esse, cum qua ius diuinum non sit, ut S. D. N. Sacrique Concilij auctoritas possit ex inflatu diuino id statuere pro necessitate laborantis Ecclesiæ, quod status Cleri instaurari queat, ac vires seculariorum infirmari. Verùm hoc non aliter in Concilio proponi iussit Illustriss. Princeps meus, nisi ut Reuerendiss. Patres Germania morbos tanto diligentius inspicere queant, & quid remedij salubriter adhibendū iudicēs opportuno loco & tēpore cōstituere. Postremò uerò, quia fuit cōsiliū statim ab initio huius exortæ discessionis piorū doctissimorūq; hominum, ne tantopere ob animi alteriusve Speciei usum tantacertamina institerunt, ipso rei euentu animaduersum est, quod pleraque Prouincia in Germania, in obe-

dentia Sedis Apostolica retineri docuissent, ab omni reliqua seculariorum labe immunes, si moderatio quadam in re, natura sua indifferente, admissa fuisset. At uerò cum populus utriusque speciei usum, quasi ex diuina institutione sibi deberi arbitraretur, cumque uicissim is usus à Prælatiis constanter denegaretur, surreptitijs secularum duces eam occasionem nati, sub prætextu diuinæ institutionis & concepto adiorati populi, non solum hoc sanctæ Eucharistiæ Sacramentum penitus prophanarunt, sed etiam sub eodem prætextu diuersa hæresum semina longè lateque adeò efficaciter disperserunt, ut nunc occasione utriusque speciei non modò populi Germania, sed & reliquæ Nationes insar torrentis ab Ecclesia Catholica defluere uideantur. Vt tamen hæc ista tam frequens defectio, tanquæ feruens decursus saltem inhiberi aliquo modo possit, prudentium uirorum iudicium est, si S. D. N. ex plena potestate Sedis Apostolicæ & ex iudicio S. Tridentini Concilij, Laicis utriusque speciei communionem benignè largiretur, fore, ut qui hactenus Sedis Apostolicæ obdienter remanserint, in posterum quoque obdientes permansuri, ac si qui leniter deflexerint, ad obedienciã reuersuri existimentur, quemadmodum in nonnullis cognitum est, qui cum ex indulgentia Pauli Tertij cõpoter deuotionis sue facti essent, reuersi sunt ad Ecclesiam.

Cum igitur hæc tria, turpis uita Cleri, concubinatus Sacerdotum, & prohibitio utriusque speciei principales causæ sunt, cur tanto odio Catholicorum, tan-

toque studio nouicatis, Populi, Nationesque ab obedientia Apostolica sedis resiliant, conferantque se ad diuersos sectarum Duces. Periti sane Catholici uiri arbitrantur, nullis alijs presidys hoc tempore populum studio nouitatis tumescentem, ne sensim in manifestam defectionē prorūpat, in odientia Sedis Apostolicæ retineri posse, quàm si ad submouēdos uitiosos Sacerdotes idoneus Clerus ex inflauatis scholis copiosè educaretur: ad tollendū turpē cōbinatū castis maritis sacri ordines, cōcionādiq; in primis facultas, cōferretur: ad placādos irritati populi animos, utriusque Spectici usus permitteretur. Quia uerò dubiū nō est, etiā si hæc tria ex quadam Catholica matris Ecclesiæ indulgētia per authoritatē presentis Concilij rite ordinaretur, tamē sectarios duces seductosque populos idcirco ad Ecclesiā non reuersuros esse, cū palā editis libris non dubitēs obfirmare sese, quod nunquā uelint Romanis Pōtificibus ullam obedientiā prestare. Itaque non uult Illustriss. Princeps meus hæc suā sententiam sic accipi, quasi illis tribus concessis, putet Hæreticos posse ad Ecclesiā reduci, sed eū esse multorū piorū hominum opinionē, quod isto modo Catholici populi reliquia in Germania confirmari atque retineri aliquo modo possint, cū hoc tempore non tam necessariū uideatur ut refutentur aduersarij, quàm ut quæcant succiri domestica ruine nostræ, quæ nunc non minus domi graues sunt, quàm foris aduersariorum machinationes. Atque hoc illi, qui enodatiūs presentis Ecclesiæ statum ad limam ducunt, eò interpretantur, ut opinē-

tur in præfenti Concilio Tridentino nihil prius ducen-
 dum esse, quam ut ante omnē cuiusvis dogmatis expli-
 cationē, necessario præcedere debeat eiusmodi morum
 in Catholico Clero. rebusque Ecclesiasticis; (de qui-
 bus paulò ante facta est mentio) reformatio. Et cū per-
 sonæ Clericales, pristina innocentis uitæ suæ testimo-
 nium uulgo receperint. tandem maiori apud populū au-
 thoritate ac fide id possint, quod in Catholica fide no-
 stra uerū est, constanter docere: quod falsum, refellere.
 Nec est nullus persuadendi modus, quo Clerus popu-
 lo recōciliari potest, & audientū sibi parare adiūtū, ni-
 si palam constet anterioris uitæ inquinamenta abiecta
 esse, atq; purioris uitæ documenta palam exhibeātur.
 Quocirca omne Tridentini huius Concilij studij pror-
 fus inane futurum creditur, nisi omnis huius mali ori-
 go atq; seaturigo, quasi in ipso fonte, hoc est, in Clero
 eleuetur atq; repurgetur, quò meliore auspicio repur-
 gata fontis origo, in reliquos uniuersæ Ecclesiæ riuu-
 los deduci posse, uulgò cognoscatur. Postea uerò, cū
 talis facta reformatio, cū ē honestioris Cleri atq;ue
 doctioris suppeditata est copia: cū turpem cōcubina-
 tū Sacerdotes deposuerint receperintque uicissim
 sui licitæ medicinā à Concilio suppeditatam, siue cōstā-
 tē spontanei notī obseruantia: cū ē populus adhuc
 Apostolicæ Sedis auctoritate non prorsus exautoratus,
 de Cōione utriusque speciei mediocriter placatus
 existimabitur, tunc deniq; tēpus erit, cū omnia no-
 stra domi fieri confirmatiora, ut de dogmatibus inea-
 tur aliquā solidior disceptatio aduersus hæreses. Qua-
 lis

lis autē & quę hęc discipatio cum fructus Catholicę Religionis suscipi possit. Illustriss. Princeps meus solus non scit fortasse optime, sed intelliguntur piorum hominum Catholicorum hęc de re non inanes uoces, haud obscurę. De qua et, si sua quoq; Illustriss. Celsitudinis opinio aliquandō requiratur, posset ea quę ali-quo modo explorata sunt, non importune referre. Ne-ruñ hoc tempore quando hoc tantū est propositum E-
gationis. Illustriss. Celsitudinis sue nihil aliud uellet in mediā Concilij per uicem afferri, nisi ut cogitetur, nō tam quō uel refutari se laxę queant, quod durum est, uel reduci, quod multo magis dubium, sed potius quō hęc afflictę Catholici populi reliquię possint corroborari, stabiliri, atq; reduci ad maiore Ecclesię statum. Non enim uidetur satis opportunum, uel omnino con-
nata aduersus religionis copias inuadere, & non prius opus studium impendere, ut ante omnia nostra uirē rectę domi constituta sint, & ita quidem confirmatę, ut tam singula quā uniuersę uniuersis ac singulis contrarijs possint opponi feliciter.

Reuerēdiss. aut Illustrissimique Sacri Concilij Lega-
ti caterique Patres, hęc Illustriss. & Catholiciss. Prin-
cipis mei qualemquę suggestionē, forsitā, nō satis ela-
boratā, amicā tamē beneuolentissimāq; suapte natura
boni consulēt. Constat enim sperat, nihilque penitus
dubitat Illustriss. sua celsitudo eidē Sacrosanctę Tri-
dentinę Synodo hanc suam deuotissimam iuandę Ec-
clesię deliberationem, si nō inferuire cōmodissimē, ul-
terius tamen de grauisimis istis Ecclesię afflictioni-

bus cogitandi materiam & occasione subministrare
posse: Deum enim summum testatur, nihil esse eorum
omnium per me propositorum, quæ ipse temere absq;
consilio sibi expellat, ac non potius, extrema esse Rei
pub. Christianæ adhibenda remedia putet: Ad illum
ipsū Illustrissimū & piissimum Principem meum quod
attinet ita firmissimè animo propositum habet, cumq;
Dei benignitate autis in religione & doctrina Ca-
tholica negligēs, fortiter insistant, nihil existimat tam
necessarium, tamq; pium, ut a sua munus, quam id pro-
virili efficere & obtinere, ut ij, quos regendos tuta-
dosq; Deus illi commisit, perpetuò secum habeant re-
līd, orthodoxè, & Catholicè credendi, pieq; secun-
dam instituta Patrum vivendi commoditatē. Gra-
tissimum uerò quoniam tempore Illustriss. sue celsitu-
dini futurum est, si qua hucusq; in religionem Ca-
tholicam præstitit libentissimo sanè animo officia,
auctiora posthac & cumlata ingenti subditorum ac
Patriæ fructu, reddere ulla ratione poterit. Dixi.

RESPONSVM SANCTAE SYNO-
di in admissione Oratoris Illustrissimi D. Alberti
Ducis Bauariae, in Generali Congregatione. Die
XXVII. Iunii, M. D. LXII.



Excellentissimus, & Ma-
gnifice D. Orator, in ma-
gna expectatione S. Sy-
nodus usque ad hanc diem
fuit, ut aliquis ex nobi-
lissimis Germaniae Prin-
cipibus ad hoc Sacrum Cō-
cilium accederet, & sua
praesentia eam pietatem
in Catholicam Ecclesiam

declararet, quae in primis à Principibus uiris expe-
ctari debet: uel si ipsi grauioribus negocijs impediti
adesse non possent, Oratores suos mitterent, qui opti-
mam illorum uoluntatem profiterentur. Inter cate-
ros autem, à quo omnia pietatis officia S. Synodus ex-
pectanda esse semper existimauit, Excellentissimus &
Illustriss. D. Albertus Bauariae Dux exiit, qui ue-
ram, & Catholicam Religionē à Clariss. & Nobiliss.
maioribus suis traditam, tanta fide & constantia cō-
seruauit, ut hisce miseris temporibus in tota Germania
firmissimū Sanctae Apostolicae Ecclesiae propugnaculū
iure optimo habēdū sit. Cū igitur graues rationes
pro-

prohibuerint quò minus ipse huc accederet, summq;
 egregium animum sanctæ synodo coram declararet,
 quod quidem cum præstiturum esse, si per alias occu-
 pationes sibi licuisset, dubitare non potest, summa le-
 titia affecta est, cum uirum optimis artibus præditum
 suæ uoluntatis testem, ac ueluti obsidem huc allega-
 uit. Sperat enim fore, ut eius auctoritas nunquam de-
 fuisse uideatur ad ea peragenda, quæ sancta Dei Ec-
 clesiam quacumque ratione iuuare poterunt. Quod
 igitur reliquum est æte Magnifice Orator, sancta Sy-
 nodus benigne accipit, mandatumque tuum, prout in-
 ris est, libenter admittit: daturaque est operam, quod
 quidem hactenus diligenter, & sedulo curauit, ut ea
 omnia pie & religiose constituantur, quibus Dei cul-
 tus magis amplificari, & fidelium saluti ac tranqui-
 litati commodius consuli posse, afflante spiritu san-
 cto, qui optimorum consiliorum auctor est, iudicarit.

COMPARITIO ORATORVM.

Caroli Regis Christianissimi, Die XXVI. Maij, M. DC. LXI. in Congregatione

Literar. Oratio habita a D. Guidoue Fabro tertio Oratore. Responsum S. Synodi.

LITERAE CAROLI CHRISTIANISS.

Gallorum Regis, Exhibita ab eius Oratoribus Die XXVI. Maij, M. DC. LXI. in Generali Congregatione, & postea in Sessione IIII. die IIII. Iunij. Sanctissimis ac Reuerendis Patribus, Tridenti pro Concilio nunc congregatis.



CAROLVS Dei gratia Franco- rum Rex, Sanctissimis & Reueren- dissimis Patribus Concilij Tride- ntini Salutē. Exilimamus uos om- nes satis intellixisse, quanto studio & diligentia Rex Christianissimus

frater, & Dominus noster, egerit de Concilio generali & Oecumenico conuocando apud Sanctissimū nostrū Papam, dilectos fratres, & cōsobrinos Imperatorē, Regem Hispaniarū, Catholicū, & alios Principes. Nostris etiā qua diligentia, & eo quem debet Principem Chri- stianiss. in Deum & eius sanctam Ecclesiam zelo, Nos postea quam Regiam coronam sumus adepti, rem a defuncto Fratre, & D. nostro aded egregie & ma- gna cum laude cēptam, fuerimus subsequuti, ma- gno

gno & gravi dolore affecti, quòd propter munus &
 diuisiones, quæ sunt propter Religionem in Regno
 nostro, non potuerimus eius Prælatos, nostrosque
 Oratores, quos se itinere accingere primo quoque tem-
 pore optabamus, maturius mittere. Cuius cessatio-
 ni causam, & ob præ prudentia uestra magis imputa-
 bilitis temporum calamitati (neque enim adhuc seda-
 ti sunt tumultus) quàm nostræ uoluntati. Quæ & si ad
 huc ætate minores sonus, erit tamen tanquam Eccle-
 siæ filij primogeniti in Religionem semper propensa,
 & eam in Ecclesiæ Christianam bene affectam, re
 ipsa omnes intelligent. Misimus interea aliquot no-
 stri Regni Episcopos, delegimusque Oratorem dile-
 ctum & fidelem, à Secretioribus nostris Consiliario-
 rum summi ordinis nostri Equitem, & unum ex his
 quod ad latus nostrum assidue esse solent, D. de Lan-
 faco & cum illo dilectos & fides Consiliarios nostros,
 Magistros Renaldū Ferrerū, Præsidentem in Parlamento
 Parisiensi, & Guidonē Fabrū Iudicē maiorē Tholosæ,
 quibus dedimus potestatem in Concilio pro nobis sistēdi
 eundemque in eo gradū & ordinē tenendi, quæ hucusque
 Regū Christianissimorum maiorum nostrorum Orato-
 res tenuerunt, ac coniunctim, uel separatim in eo Cōci-
 lio requirendi nostro populi que nostri nomine quascū-
 que reformationes, constitutiones, & Decreta, secun-
 dum purā doctrinā, & quæ non solū pertinent ad Eccle-
 siæ Gallicanæ, sed Ecclesiæ uersalis utilitatem, se-
 clarum & controuersiarum, quæ sunt hodie in Religio-
 ne, conciliatione, & propagatione nominis Dei, & in

uni-

universum salutem Reipublicæ Christianæ munus &
officium Oratorum, secundum Mandata quæ illis dedi-
mus. Et quoniam illorum fidem, & industriam perspe-
ctam & cognitam habemus: rogamus, Sanctissimi
Patres, æquo animo eos admittere, attenteque quod
illi Vobis nostro nomine exponent, audire, eandem-
que illis quam nobis, si islic essemus, fidem dare. De-
us nos, Sanctissimi Patres, pro sua gratia & presidio
aveat. Data Parisijs xij. Apr. M. D. LXII.

CHARLES BOVRDIN.

for, nulla in re magis unquam putant sibi esse elaborandum, nihilque vehementius contendit, quam ut opportuno loco & libero, neque conuenturis infido, iuxta quædam Synodus cogereetur, Sacrosanctum Concilium conuocaretur, quàm ut Dei Opt. M. axi. auspicio, publici Christianorum omnium. conuentus, iurè, legitimeque peragerentur, quàm denique ut ex opinionones, quæ in Christiana Republica controuerse factæ sunt, unum in sensum, ac decretum, ex auctoritate Oecumenici cuiusdem Concilij aliquandò reducerentur. Is fuit profectò Regis animus iam inde à primo aditu & ingressu Principatus sui. Quos autem huius studij ac iudicij, perpetuæque in Rempublicam Christianam uoluntatis, citare testes uerissimos Carolus Rex poterat, eosdem hodie uoluit hic sibi ad Concilium Legatos adesse. Adest enim Ludouicus Sangelasius, Gallici ordinis Eques Illustrissimus, & in secretius Principis Concilium ob singularem uirtutem cooptatus, qui uarijs antcà Legationibus functus honorificè, nuper ad Pium I I I I. Pont. Maxi. propterea missus est, ut ipsum Pont. currentem quidem sponte sua, ad Concilij procuracionem acrius incitaret, eiusque animum religionis studio incensum, uehementius (si fieri posset) inflammaret: Gallia autem nostræ recentia uulnera, quæ sine summo dolore tractari nequeunt, ita nudaret, ita detegeret Pontifici, ceu Parenti bono, ut tamen ea ipsa, ne obduci quidem alia ratione, nisi libero Concilio, ne dum curari penitus, aut sanari posse contenderet. Adest

dest

est quoque Arnoldus Ferrerius, in Senatu Parisiensi Praeses, qui altero ferè die post Francisci Secundi mortem, à Carolo fratre, ad eundem Pont. allegatus, nihil potius in mandatis habuit, quàm ut Concilium, id est Conuentum Christiani nominis uniuersi, indicere postularet. eiusque occasiones omnes, quoquo modo urgeret: admoneret etiam uerendum esse ne ex nostris hominibus quàmplurimi, quos dudum Concilij futuris spes egrè in officio retinebat, diuturna expellatione fatigati deficerent à nobis, & ad eas partes traducerentur, quas nomini, & persuasioni Romanae maxime aduersarios esse scimus, tantumque decedere de grege Domini, magno non solum Gallia & totius Christianitatis incommodo, uerum etiam eorum, ad quos ea res potissimum pertinebat, qui occurrere malis dum poterant, noluerunt, dedecore, atque infamia. Hæc apud Pon. non semel acta, ut cernitis, si aliud profectò nihil, Christianissimi tamen Regis de publica pace constituenda curam, de sarcienda inter omnes ordines concordia sollicitudinem, de sanandis Ecclesiae uulneribus sententiam, atque iudicium, cuius facile probatura sunt: grata quidem, non fallor, hominum recordatione cum laude ad omnem posteritatis memoriam peruenient. Neque uerò solus Pontifex de Concilio à nobis sæpe interpellatus est, sed etiam Ferdinandus inuictissimus & Augustissimus Imperator, Philippus quoque Hispaniarum Rex Maximus, atque adeò omnes Europæ Christiani Principes, & Respublicæ omnes, omnes inquam Reges

Reges, ut ad rem præstantissimam, & utilissimam tam necessario tempore animum adijcerent: ad constituendam, scilicet unanimum de Religione consensionem, & restituenda Ecclesiæ incendia, continuis legationibus, quotidianis precibus, quanta fieri potuit maxima obsecratione, sæpe sumus cohortati. Hic ego nos appello, quicumque adestis illustrissimi atque amplissimi Regum, & Rerumpublicarum Legati. Quòd si me ipsum quoque actor citare testem debeo, liquèdè iurare possum de ea re, quæ mihi pro eo munere, quo in Gallia fungor, aequè comperta & cognita est, atque alteri cuiquam, præsertim cum ipsa edictis Regiis, & publicis nostris tabulis continetur. Sed facio imperitè, ne dicam insolenter, qui in re minimè dubia & obscura artificiosas colligo probationes, potissimum apud uos, quibus nihil tam certum est, nihil tam fixum, nihil tam ratum, nihil tam denique ad veritatem omnino persuasum, quàm id, in quo uideor hætenus tantoperè laborasse. Quamobrem transeo nunc ad ea, quæ mihi pauca, sed necessariò dicenda sunt.

Magna patres Amplissimi, & incredibilis est expectatio, quam de se hic Sanctissimus conuentus, & confessus uester in animis mortalium excitauit. Non loquor ad gratiam, neque enim debeo, nec eos unquam uiros bonos putauì, qui ad istas artes essent eruditi; sed quod in laudibus uestris uerissimum esse censeo, id quominus eloquatur, pudore, & uerecundia uestra minime debeo prohiberi. Pergam igitur, ut cæpi, di-

H cere

cere. Preclarum est, & penè divinum, quoddà nobis
 expectant homines. Sic enim existimant uos eos esse,
 qui non uestris quidem, idest humanis uiribus, sed as-
 flati Spiritu diuino, per Iesum Christum, Religionem
 nostram tot in eam inuictis opinionibus sauciam, resi-
 cere & recreare, qui Ecclesiam Dei per hosce quin-
 quaginta annos contrariarum opinionum, quasi vento-
 rum tempestate iactatam, in portu collocare: qui de-
 nique in his pugnantium, inter se doctrinarum fru-
 ctibus statuere optimè possitis, quid dignitas Eccle-
 siæ, quid ipsam temporum ratio postulet. Equidem hu-
 mana imbecillitate sortasse, & aliqua præfectorum
 Ecclesiæ incuria, uel etiam, ne quid grauius dicam,
 præpostera pietate irrepsisse in Ecclesiam, res nonnul-
 las, antiquatione, abrogatione, uel moderatione di-
 gnas, fateamur necesse est. Sed quemadmodum y ho-
 mines comprimeudi mihi semper uisi sunt, qui arbi-
 tratu suo, uel potiùs libidine, sine auctoritate, sine
 ullo decreto ceremoniarum omnem penitus ratio-
 nem, quæ ipsa comes est, & administra Religionis,
 conuellent, atque ob id in pacata Republica tumultu-
 antes, impium quendam cultum, ritusque nouos in-
 duunt: sic contra à nobis peccari fortassis potest,
 dum omnia quæ seculis muniuntur, & longa uetusta-
 te, mordicùs retinenda esse putamus: neque satis spe-
 ctamus, quid inclinatio rerum, quid momenta tem-
 porum, quid publica quies postulet. Nonnulla atque
 haud scio an uerius dixerim multa communi concor-
 dia permittenda sunt, neque quisquam à dignitate
 sua

sua uel constantia alienum putare debet, aliquid alteri condonare potius, quam obstinatione reſeſſentis, tantam inter Chriſtianos diſſenſionem alere. Sed uos, quam de mitigandis ijs, qua circa Religionē inoleuerunt, controuerſijs curam & cognitionem ſuſcepiftis, eandem niſi re perfecta, & abſoluta, nunquam abijciētis.

Hæc ſpes reliqua nobis eſt, qua honorum mentes hominum, cogitationeſque ſuſtentat. Pugnabit ſcio perpetuus ille humani generis hoſtis, nihilque non aget, ut uos à cæpto opere deterreat, ut hos ueſtros ad re omniū præſtantiffimā & ſanctiſſ. impetus frangat, ut honeſtos eludat conatus ueſtros, ut auocet, & abducāt uos ab inſtituto, ab officio, diſſidijs quippè ac ac diuortij noſtris, quibus exedimur, & exta beſcimus, ille alitur, ille paſcitur uelut ſuauiſſ. cibo, egregius præterea ſcelerum artiſex eſt, & optimorū inter turbator conſiliorū. Quoties, quaſo, ita uobis obloquetur? Heu ſtultos, & fruſtrā ſuſceptos labores, quid aliud tot maris, terræque ſpatia emenſi, præter inuidiam & paupertatem domum reportabitis? quò ruitis nunc præcipientes? Quid aliud hic ogitis, quàm, ut reuocata, que penè ſepulta iacebat, priſca illa & rigian ueterum Patrum diſciplina, minus poſthac laute, minus beatè; minus feliciter, minusque tràquillè uitam degatis in otio? Ne in Principum ſcilicet aulas liceat penetrare, ne ſplendide epulari, ne magnificè habitare, ne Regio comitatu & ornatu incedere, ne ijs denique frui uoluptatibus, qua ſuauiſſima

sunt, sine quibus uita omnis, & ingrata & iniucunda so-
 let esse. Ergo paruo contentos uiuere posthac oportet
 bit? ergo uni sacerdotio tanquam scopulo affixos in-
 herere? monendo, suadendo, largiendo, alienis sem-
 per inservire commodis? quid concionari de loco su-
 periore? quid meditantes tam cito senescere? quid cu-
 ris, & uigiliis absumpto corpore in ipso ætatis flore
 immatura morte concidere? Hæc aguntur per uos
 sedulo, hæc acerba uitæ munerumque uestrorum of-
 ficia, obsoleta illa quidem & antiquata, atque extin-
 cta prorsus, uos renouare, uos è tenebris eruere, &
 in lucem renouare queritis: stulti, & nescij bonorum
 uestrorum. Recognoscitis, arbitror, Patres, tum ex-
 probationes, tum illecebras quibus aduersarius no-
 ster specie recti se insinuat in animos nostros: quem si
 benigni semel audieritis, si splendore falsi boni obie-
 cto, aciem ingenij uestri perstringi patiamini, si quid
 denique plus apud uos ualet, quam publica utilitas,
 prædico & prænuncio uobis, nihil agetis, susceptum
 onus aut perfidè abijcietis, aut propter animi imbe-
 cillitatem deponetis, spemque extrema nobis pædet, sal-
 leatis: Concilium denique, dignitatem, & auctoritatem,
 quæ initio nascētis Ecclesiæ magna fuit, & benè con-
 sultuta Reipublica maxima futura est, in posterum
 omnem eleuabitis. Nostra, Patrumque nostrorum,
 & auorum memoria, Synodos indictas fuisse, Epi-
 scopos conuenisse & maximos in Germania atque in I-
 talia conuentus peractos esse scimus. Vix tamen ul-
 lus, aut perexiguus Christianitati consulit. Nolo
 sub

subtilius in causas inquirere, nolo remouere, uentosa
que colligere: Hoc pratermittere certè non possum
(quod uereor, ne nimis ad rem pertineat) minus legi-
ma, minusque libera fuisse dicuntur illa Concilia;
qui aderant, ad uoluntatem alterius semper loque-
bantur, aut potius annuebant: qua re nulla in iudi-
cijs perniciosior, nulla ue capitalior esse potest. Vos
quotquot in Dei nomine huc conuenistis, non deli-
berantium modò, sed iudicantium personam geri-
tis, statuendi, diffiniendi, decernendi, Spiritu di-
uino suggerente, ius, facultatem & potestatem
sine ulla exceptione habetis: hanc facultatem &
libertatem, diuinitus uobis concessam, & ex optima
& uetere illa disciplina Conciliorum, Carolus Rex
noster, uel suo solius periculo, si ita sit necesse, sar-
tam & testam ordini uestro conseruabit: in eam
enim causam potissimum hæc legatio decreta est:
Quòd si in priuatarum rerum iudicijs, de fundo &
stillecidio ubi agitur, sententiam suam ad alicuius
gratiam aecomodare turpe haberi debet, & seue-
rissimis legibus nostris uindicatur: quò nam queso sup-
plici genere digni sunt, qui de rebus Diuinis con-
scripti iudices, dignitatis parum memores in censen-
do, uel auram captant popularem, uel principibus
quibus obnoxij sunt, turpiter se uenditant, uel ex
aliorum dictatis & præscriptis togata tanquam man-
cipia, sententiam ferunt? æternis certe tenebris &
uinculis, leues isti, & numarij iudices mandandi
sunt. Hanc querelam habuit etas superior. Ne

idem quoque posterì, qui incorruptè indicaturi sunt, de uobis existiment, & loquantur, magnopere est providendum. Neque etiam, ut telli ad homines esse positis ad Deum immortalem, qui poteritis esse? qualis enim quisque sit, quid agat, quid in se admittat, de celo intuetur: cernit cupiditates nostras, & cogitationes omnes uidet: quid in calculo ponendo spectemus, quid in suffragijs & sententijs sequamur: num tacitis & compressis labiis ardeamus: num adulemur, num gloriæ cupiditate efferamur: num contentionis studio nimio, presentem & oblatam ueritatem recusemus accipere: num leuissimas delestationes grauissima utilitati anteponamus: num aberremus & hallucinemur, prudentes scientesque: num denique Imperatorum, aut Pontificum, aut Regum liberalitates erga nos turpissimo obsequij genere, gratioso scilicet calculo, & iudicarijs tabellis prouocare, atque elicere cupiamus. Quòd si quid eiusmodi in his conuentibus peccetur (quamquam secus existimamus, freti nostra bonitate ac pietate) si peccetur tamen, nihil est præterea quòd confugere possimus. Mibi herclè omnia iam addicta uastitati uidentur esse. Veniam longè à ueritate, à coniectura certè non multum aberrabo: Ruet dissidijs Christiana ciuitas, ardentem & flagrantem intestinis bellis cernemus Europam. ciuiliis ferri, aut subeunda nobis erit crudelitas, aut saltem funerum patriæ spectatores cogemur esse: à quorum causa belli fortuna fletur, ab


ijs

ius habimus omnes : quæ mihi profectò , tam uidentur esse misera & miseranda , ut ad eorum cogitationem totus perhorrescam . Quamobrem excitamini Patres & incumbite in eam curam dies , noctesque , ut hoc , quod egrota , ac propè desperatæ Reipublicæ Christianæ unicum remedium est , non frustra cooptatum à nobis , non temerè à uobis adhibitum esse uideatur . Et cum ex nonnullorum fortasse Conciliorum inuidia hæc Synodus laboret , curate , ut omnes intelligant abÛsse illud tempus , mutatam esse rationem : patere nunc additum unicuique ad disputandum , non flammis hic disceptari , non fidem frangi , non agi præiudicis , ueritatis disceptionem integram esse , quippe cum una eademque semper sit ueritas ex omni aternitate fluens : Spiritum sanctum hic adesse , hic præsidere , illius denique instinctu & afflatu de publica utilitate agi , de pacificatione communis , nec non Ecclesiæ totius conciliatione , & restituenda uetere eius disciplina hic tractari ritè , legitimeque : operæ prætium est Patres , ut rem ita se habere intelligant , & animorum uestrorum contentiones huc sciant pertinere : ad hanc quippe famam maxima illa & nobilissima Europæ pars Germania , pro qua potissimum laboratur , uelut è summo excitata , conueniet : Legatos mittere , aderit hic nobiscum : suos de Religione sensus exponet familiariter , suosq; intimos nudabit dolores : sic denique contrarijs opinionibus iampridem disiecta & diuisa , atque ob id ad omnes

H 4. externas,

externas, & suas quoque iniurias opportuna Christianitas in unum tanquam corpus coalescet. Erit terra labij unius, & cordis unius, ut. quidam ait: Equidem hanc uoluptatem, quæ incredibilis est, iam nunc mihi spe & cogitatione iubet presumere. Iuvat oculis mentis intueri idem sentientes omnes Christianos, idem credentes, idem sperantes, eodem charitatis igne accensos: Quam sanè coniunctionem, & diuinam animorum conspirationem, uis nulla posthac reperietur, quæ perfringere, aut labefactare possit. Ut autem, Patres, quod suscepistis non mediocriter munus alacriore animo conficiatis, Carolum Christianissimum Regem Francorum, (quando is nos suæ uoluit esse nuncios & interpretes uoluntatis) ad omnes conatus socium fidelissimum, & adiutorem fortissimum nobis futurum spodemus, ac religiosè promittimus. Quem uerò laudatorem aliorum uestrarum, & assertorem acerrimum perpetuò habebitis, eundem hic testem & spectatorem eratis habituri, nisi tenella ætas, insolens laborum atque itinerum prohibuisset, aut potius nisi Civilis tumultus terrores, in Gallia necessariò retinuisset. Sed quod ille coràm studiose facturus erat, ut se, suæque omnia ultrò nobis offerret, id nos ut diligenter atque officiosè curaremus, præcepit: & cum ex auctoritate sua aliquid accessio nis ad id, quod per uos agitur, fieri posse consideret, inuit, mandauitque, ut id ipsum significaremus, cum magna testificatione singularis suæ erga uos beneuolentiæ, erga ordinem uestrum uoluntatis atque obseruantis,

nantiæ, erga Rempublicam Christianam studij, pro quibus omnibus non fortunas modo & facultates, sed etiam vitam & sanguinem, si opus sit, cupiat effundere.



RESPONSVM SANCTÆ SYNODI
in admisione Oratorum Regis Christianissimi, da-
tum in Sessione quarta Sacri Concilij Tridenti-
ni, sub sanctissimo Domino nostro Pio Papa IIII.
Dic. IIII. Iunij. M. D. LXII,



Expectatus, iucundusque
aduentus uester Illustrissi-
me Domine a Lansaco
Vosque clarissimi Legati
Sacrosanctæ huic Synodo
non modò summam ani-
morum letitiam, sed cer-
tissimam quoque spem at-
tulit, ut quæ, uel temporū
nitio & infelicitate, uel
potius perfidorum hominum scelere & pertinacia,
à prisca illa ueræ Religionis puritate multis in Re-
gnis, iampridem in uario diuersosque hæresum er-
rores defluerant atque deciderant (ut uolumus at-
que cupimus) in pristinum dignitatis ac sinceritatis
gradum


gradum reuocaremus. Nam cum perdit homines
 consilijs atque pertinacia, multos iam annos non
 dō Pontificum atque Regum humana iura, sed et
 Diuina ab Apostolorum iam temporibus, Christo
 suo magistro & auctore, partim monumentis, par
 tium uoce per manus, uelut hereditaria nobis ad
 nē beatēque uiuendum tradita atque relicta, suo
 bitrio atque libidine ita uiolare & perturbare a
 fuerint; nouis quibusdam licentijs, sacrilegijs, impi
 etis; omnium denique scelerum ritibus super induc
 ut ad unicum salutareque sacri Oecumenici Conc
 remedium à Pontifice Maximo Pio, solertissimo
 Pastore; tam inter, quam necessario confugiend
 fuerit. Quod, in uis sancto prēlucente, tanta optim
 rum Regum, Christianorumque Principum, non m
 dō animorum consensione, sed etiam concordissim
 omnium Christiana Reip. benè iuunda studijs susce
 tum est, & ornatum, ut breui Dei Ecclesia, multo p
 rior, sanctiorque futura sit. Meritò itaque Christi
 nissimum Galliarum Regem Carolum (in quo cele
 or est Regiarum uirtutum, atque Religionis cursu
 quàm atatis) & laudamus, & admiramur: qui
 Henrici patris, & Francisci aui, Christianissim
 rum Regum clarissimis nominibus, & erga Sed
 Apostolicam exemplis excitatus atque inflamm
 tus: cum per etatem nondum confirmatam;
 impios suorum, tam in se quàm in Christi Relig
 nem tumultus, huic saluberrimo, sanctissim
 Generali Concilio adesse non possit, Vos, præs
 tis

zissimos uiros summa prudentia, fide, ac religione præditos, Legatos misit, qui illius nomine omnem operam, opus, studium, denique & parendi obsequium (ut decet) Sacrosanctæ Synodo liberalissimè promitteretis.

Quam apud bonos, piosque, nulla aliorum Conciliorum (qua nec legitima, nec libera fuisse, qui Concilijs malè afficiuntur, parum uerè obiciunt) inuidia laborare, qui rectè senserit, facillè æstimabit, cum clarum sit sacra, generaliaque Concilia, ritè Christi spiritu ab eo, qui potestatem habeat, inchoata, riteque absoluta, & legitima semper fuisse habita, & libera, & ad hominum sanitatem ac salutem, quantum per eos, qui Spiritui sancto non resistunt, licuerit, spectasse, ac salutaria fuisse. Nec aduersus Tridentinum Sacrum istud Concilium Sathane insidiæ, aut fraudes, per uos copiosè subtiliterque enumeratæ, quamuis uariæ atque ingentes, Christi Spiritu præsidente, præualebunt : qui illius omnes conatus, sua uirtute & potentia, cui soli confidimus, in quo solo omnes nostras spes ac cogitatus collocauimus, franget, sub pedibusque nostris subternet nosque ab Ecclesiæ suæ sinceritatē ac ueritate, nec aberrare, nec decipi, aut à quoquam cogi permittet. Itaque sedulam uestram & liberam admonitionem, Viri clarissimi, ne scilicet in consultationibus, sententijsque nostris ferendis, aut popularem auram captemus, aut Principibus nostris obsequamur (ita enim manuit sancta Synodus sensum

suum uestrum interpretari, ne quid præter mansuetum, piumque propositum, atque institutum suum respondere cogatur) & si non necessariam forte & superfluum existimant, tamen, ut à vobis bonis, bona mente, atque animo profectam, ita bonam quoque partem accipit. Et, ut vos isto non metu, aliosque omnes liberet, sui que propositi ac veritatis certiores faciat, aperte prædicit, cuiusvis voluntatem, potentiam, aut cupiditatem Sacrosanctæ Synodi dignitati & auctoritati perpetuo possibilituram, quod ipsum vobis aliisque qui Sacro huic Concilio adsunt, aderuntque, ipsa clarissime comprobabit. Itaque, ut tandem redeamus, Sacrum hoc Generale Concilium vos libenter accipit & amplectitur, ut saluberrimæ Sanctissimique huius celebrandi Concilij operis, socios, ac participes habeat. Christianissimo uestro Regi uestro Carolo, ita Regi atque Sanctæ ecclesiæ, catholice, fidelissimisque & Religionis amantissimis consiliariis, ac Consiliariis nunc ornato ac munito tantum se debere fatetur, ut quæcunque ad ipsius honorem, dignitatem, Regni statum, ac Religionem tuendam ac conservandam pertineant, libentissime præstaturam se polliceatur, quæ salute, & Religionis puritate præstari poterunt: tantoque libentius, ac incunctius præstabit, quod certius, firmitusque existimat, nihil à vobis præstatisimis viris, Religionisque amantissimis Regis filii Christianissimi nomine postulatum iri, nisi quod bonum

honestè, iuste, religioſè per tales viros poſtulari, & à ſacroſancto Oecumenico Concilio, & Religionis Chriſtiane dignitate, & ſinceritate ſanctè preſtari poſſit, & debeat. Et mandata ueſtra libenter, & prout iuris eſt, accipit & admittit.



R. D. PATRIARCHÆ ORIENTA-
lium aſſyriorum de Sacro Oecumenico Tridentino
Concilio Approbatio, & profeſſio, & Littera Illu-
ſtriſſimi Domini Marci Antoni Cardinalis Amulij
ad Legatos Sacri Concilij Tridentini. M.D.LXII.

LITTERÆ ILLVSTRISSIMI DO-
mini Marci Antoni Cardinalis Amulij, ad Le-
gatos ſacri Concilij Tridentini, ſuper pro-
feſſione fidei Patriarchæ Aſſy-
riorum Orientalium.



Euerendiſſimi & Illuſtriſſimi Do-
mini Colendiſſimi, Reuerendus
Dominus Abdiſu Aſſyriorum O-
rientalium Patriarcha, electus à
Clero, & eorum Populorum con-
ſenſu, qui finitima Tigri fluuiò lo-
ca incolunt, Turcarum, & Perſarum Imperio ſubie-
cti, anno ſuperiore, ut confirmaretur à Pontifice Ma-
ximo, ad

ximo, ad Urbem se contulit, qui cum litteris, ac tibus fidedignis cognita eius electio, & probitas et ac per multos non solum dies, uerumetiam me absolutam nostrorum rituum cognitionem, à quantea in nonnullis, non quidem grauibz dissenſe à Catholicis, & eruditis hominibus accepisset, dem (proponente me) à S.D.N. frequenti confrio, Patriarcha, & Pastor illorum populorum decoratus est: Cum prius se nunquam a sanctissimæ S. Apostolicæ Decretis esse disſensurum, aut disſeſſum solenniter de more, confessione, & Iureiurando pccitus est. Quarum rerum memoria litteris diligenter consignata, in Archiepiscopo custoditur. Quod nisi iam confessus redire ad suos, impetrata primum S.D.N. licentia, properasset, ut eos Eccle. Doctrinam plenius instrueret, sacrum Concilium profectus set; ut istic fidem ad Catholicam, suumque erga se Apostolicam singulare studium, & obedientiam fiteretur: Ab euntē summus Pontifex ipsum, & que presbyteros, & Diaconum uestimentis, & bus omnibus ad eius sacerdotium pertinentibus uaticano est profecurus. Huius uiri eximiam in D. pietatem, optimumque de uera fide sensum, cum in tis alijs, tum in eo perspeximus, quod cum disſecepit studioſissima, ut istius Sacri Concilij Canones & Decreta perferenda ad eum curaremus: se quicquid in Concilio statutum erit, omnino seruatum promisit, daturumque operam, ut omnes suu uent, & Chirographo suo Caldaica lingua conf

quod Latine exploratum cu his litteris mittimus, cōfirmavit. Nos autem libenter fecimus, ut eius probitatis prudentię, eruditionis, ac nobilitatis testimonium his litteris daverimus. Nam ex celeberrima orum familia, opibus etiam pro loci ratione abundantem, iam sexagenarium, nec aliam ob causam tam longum, tamque difficile, ac periculosum iter suscepisse, nisi, ut uisitaret Apostolorum limina, & Pontificis maximi pedibus osculum firret, optimamque erga hanc sedem voluntatem ostenderet, perspicue cognovimus. In itinere semel à Cordis Populis, bis à Turcis malè acceptum, ac fustibus percussum, esse satis constat. Hiè sæpe de sacris litteris interrogatus, graviter admodum, & copiosè respondit, magna omnium admiratione, qui sententiam eius uerborum ab interprete audiebant, nominabat, eosque se habere dixit, libros omnes ueteris, & novi Testamenti, etiam quos Hebrei, aut hæretici non probant, antiquos Doctores Græcos, & Latinos eosdem ferè, quibus non utimur, Chaldaicè, Syriacè, aut Arabicè, uersos diligenter legisse, nonnullos etiam, quorum nomina à nobis ignorantur. Addebat hoc in Caraemiet Turcorum Ciuitate libros esse ab ipsa ferè Apostolorum etate conscriptos, qui nunc in quadam Bibliotheca custodiuntur Summam profectò Dei beneficentiam licet agnoscere, quod in tam longinquis Regionibus, quæ nobis nix fama nota sunt: uerè fidei cultus adhuc uigeat, & Christiana Religio non minore fortasse, quam apud nos pietate excolatur, conseruata Doctrina:


quante

quam per ea loco Beatorum Apostolorum Thomæ,
 & Thadæi p̃ys sermonibus disseminatam, & Martij
 eorum Discipuli prædicationibus confirmatam : hic
 Patriarcha ista asseuerabat, ut etiam id se scriptis pro
 baturum promitteret. Sacramentis aiebat uti se, ac
 Populos illos ipsdem ferè, quibus nos, confessione au-
 riculari, præcatione pro salute Mortuorum, Canone
 ipsdem ferè uerbis in celebranda Missa, consecratio-
 ne prorsus eadem, imagines quoque sanctorum p̃ys
 præcibus uenerantur. Fideles autem huic Patriar-
 chatui subiectos dicunt esse usque ad ducenta millia,
 quo argumento etiam, præter sexcenta alia, inania
 improborum hereticorum commenta refelluntur, cum
 per annos mille quingentos Ecclesie dignitas, ac do-
 ctrina salutaris apud gentes à nobis tot Terrarum in-
 teruallo disiunctas, in tanta rerum, Regum, & Re-
 gnorum mutatione, religionis uarietate, sub infideli-
 um graui, ac iugi per iniurias, & contumelias nexa-
 tione, in medio Barbaria, eadem tamen ad hanc diem
 permanserit, quæ nunc a gentibus nobis propinquis
 oppugnatur : Sed hæc quanti sint, atque adeo quan-
 tum sint, Dominationes Vestræ Illustriss. ponderabunt.
 Ego uerò de S. D. N. mandato, confessionē ipsius Pa-
 triarcha de obedientia sacro concilio præstanda, cū
 his litteris mitto, eique me humillimè commendo. Ro-
 mæ, die XXVIII. Augusti, M. D. LXII.

DD. VV. Illustrissimarum & Reuerendisimarum
 Humiliss. seruus Marcus Ant. Card. Amul.
 A tergo

A. T. E. R. G. O.

Illustris, & Reuerendisſimis Dominis Colendisſimis DD. Cardinalibus Legatis Sacri Concilij Tridentini.



PROFESSIO FIDEI R. D. ABD ISV

Patriarchæ Affyriorum Orientalium & c. facta sub S. D. N. Pio Papa IIII.



Confessus sum puro corde & fide non ficta coram Reuerendisſimis & Illuſtriſſimis Dominis Michaelē Tituli sanctæ Sabine, Alexandrino, & Marcant. Tituli sancti Marcelli, Amulio, sanctæ Romanę Ecclesię Presbyteris Cardinalibus, in

banc formam uidelicet.

EGO Abd Isu, filius Ioannis de domo Martia ex Ciuitate Gezira in Tigri flumine, olim Monachus ordinis sancti Antonij, Monasterij sanctorum Raha, & Ioannis fratrum, electus Primas siue Patriarcha Ciuitatis Muzza in Affyria Orientali, iuro, quod ita corde credo, & ore confiteor, sanctæq; Romanę Ecclesię fidem, approbatis omnibus, & singulis

lis illis, quæ ipsa approbat, & damnatis similiter omnibus, quæ ipsa damnat, amplector, & perpetuo me amplecturum, & retenturum esse profiteor, & promitto, & omnes fratres meos Metropolitani Episcopos, ac Diocesanos quouis modo mea iurisdictioni subiectos, ita credendum, & tenendum esse docebo, & modis omnibus, quibus potero, persuadere conabor, ita me Deus adiuvet, & hæc sancta Dei Evangelia. In quorum omnium fidem, hanc meæ fidei professionem & attestationem manu mea scripsi, & subscripsi coram Reuerendiss. & Illustriss. Dominis D. Michaelē Tituli sanctæ Sabine, Alexandrino, & D. Marco Antonio tituli sancti Marcelli, Amulio, uulgariter nuncupatis, S. R. E. Prasbyteris Cardinalibus. Roma, die VII. Martij, M. D. LXII.

131

FIDES PVBLICA DE IIS, QVÆ
in infrascripto scripto continentur.



ANNO Domini M. D. LXII.

Die XXI. Iulij, Romæ corā

Illustriss. & Reuerendiss. Car-

dinali Amulio, constitutus Re-

uerendissimus Dominus Abd

isu Patriarcha de Muzel in Af

syria, confessus est hoc scriptum inclusum, lin-
gua, & charactere Caldæico, siue Syriaco exa-
ratum, manu sua propria esse conscriptum. Cu-
ius rei fidem fecit Dominus Ioannes Baptista
Abseius Indus interpret, & præsentibus eti-
am Testibus infrascriptis: confessus est se uel-
le obseruare totū id, quod in scripto huic infer-
to continetur, & de ipsius uoluntate in præsen-
tia Testium infrascriptorum, & de mandaro Il-
lustrissimi Domini mei, ut supra, propria manu
fidem facio, ut possint hæc scripta authentica
mitti ad sacrum Concilium, & inde conici pu-
blica documenta, si opus fuerit, & idē etiam La-
tina lingua uersum ad iunxi. Romæ, in Aedibus
Illustrissimi Domini Cardinalis de Urbino.

Ita est M. Antonius Card. Amulius.

Ego Bart. Eustach. S. seuerinas, affirmo ut s.

Ego Ant. Ioanotius, affirmo ut supra.

Ego Christ. Anichinus, affirmo ut supra.

Ego Aurelius Saignanus mandato.

PATRIARCHA ASSYRIORVM O

Orientalium iuris se credere & tenere omnia Decreta Conciliorum praesertim Trident. &c.



Go Abd. Ihsu filius Ioannis de dorpo Martia ex Cinitate Gerzira, in Tygri flumine olim monachus sancti Antonij, Monasterij sanctorum Rabe, & Io. fratrum, nunc Dea, & Apostolica Sedis Primas, siue Patriarcha ciuitatis Muzzal, in Assy


ria Orientali, sub cuius iurisdictione multi Metropoli-
tae Episcopi, & Dioresani continentur, & Arbel
Metropolis; Sirana, Hancana Episcopatus; Cheptia
Metropolis, Caramleys, Achusch Episcopatus & Naf-
sylin Metropolis, Macchazrin, Tallefcani, Mardin
Episcopatus, Sceleer Metropolis; Arzen Episcopa-
tus, Elcheffent Metropolis, Zuch, & Mesaiara Episco-
patus; Gurge Metropolis, Esai Episcopatus; A-
med Metropolis; Chiarchia, Hayn, Vanur Episco-
patus, quae omnes simul regiones subsunt Turearum
Imperio. Ormi superior Metropolis, Vscini, & Cu-
chia Episcopatus Ormi inferior Metropolis; Durra
soldos, Eschini Episcopatus, Esfurgan Metropolis,
Nare,

Nare, Giennene Episcopatus, Salamus Metropolis, Baumar Sciabatha, Vasilhan Episcopatus, omnes Persarum Regi, vulgo Sophi, nuncupato subiecti. In India uerum Lusitanis subiecta, Cuschin Metropolis, Cananor Metropolis, Goa Metropolis, Galicuth Episcopatus, cui subest Carongol. ciuitas, quæ adhuc ab idolatris, & ethnicis hominibus possidentur. Iuro, & polliceor, cum mihi non liceat ad Sanctam Sacram Tridentinam Synodum accedere, sed necesse sit, ut ad Patriarchatum meum me transferam, qui meo eget auxilio, & sine custode, me absente, permanet. Munus enim Ecclesiarum Presulis est, animas sibi subiectas quotidie in sancta Christiana fide instruere, & moribus, utque integritate eas in fide confirmare, ne grex sibi commissus Pastoris regimine destitutus in uarios incidat morbos, quod eo facilius gregi meo accidere posset, qui cum sit sub infidelium tyrannide, adhuc multos in Christiana fide imbecilles tenet, & quotidie, etiam mea diligentia Dei gratia cooperante, ampliari potest. Cumque difficile fratres mei Metropolita Episcopi, & Diocesani, qui tam longe absunt, possint in hanc sacram Tridentinam Synodum conuocari.

Ea de re, tam meo, quam eorum nomine, quos omnes ex corde sanctæ Romanæ Catholicæ Ecclesiæ partes tenere non dubito, inhaerendo iuramento fidelitatis, aliàs per me confesso, siue per me præstito,

Iuro inquam, & polliceor, omnia nos tenere, & credere, quæ in sanctis Oecumenicis Concilijs hucus-

que sunt acta, & secundum eorum Decreta promitto omnes filios nostros instituerem, & precipue in his, que in sancta sacra Oecumenica Tridentina Synodo terminabuntur. De cuius legitima Congregatione nihil penitus dubito; sed ei, & meo, & eorum nomine reuerenter, & humiliter me subycio, uocatusque ad hanc seu ad aliam sanctam Synodum, cum dictis fratribus meis libenter semper accedam, sic me Deus adiuet, & hæc sancta Eūangelia:



COMPARITIO ORATORIS SIGISMUNDI Regis Polonia, Die XXII. Octob.

M. D. LXII.

Literæ. Oratio. Responsum.

LITERÆ SIGISMUNDI REGIS

Polonia, exhibita ubi eius Oratore in sua Comparitione, Die XXII. Octobris, M. D. LXII. in Generali Congregatione.



Sigismundus Augustus, Dei gratia, Rex Polonia, Magnus Dux Litwania, Russe, Prussie, Masouia, Samogitiæq; &c. Dominus & heres, Reuerendisimis in Christo Patribus, Dominis Sæcæ Ecclesiæ Romana Cardinalibus, ac sacro sãcti Cæcilij Tridẽ

tini Legatis, ceterisque Reuerendis & uenerabilibus Do-
minis Episcopis, Abbatibus, Ordinum Generalibus, ac
alijs omnibus Vniuersale Oecumenicum Concilium
Tridentinum representantibus, amicis nostris charissi-
mis, salutem, & beneuolentię nostrę commendatio-
nem.

Reuerendissimi Christo Patres, & Reue. ac Vene-
rab. Domini Amici N. charissimi. Fecimus pro officio
nostro Regio, ut ad hunc celeberrimum & sacrosan-
ctum Dominationum uestrarum conuentum ablega-
remus nostro nomine Reuerendum in Christo Patrem,
Dominum Valentinum Herburtum Episcopum Præ-
missiensem Oratorem nostrum. Cui quoniam nostro
nomine quadam ad Dominationes uestras renuntian-
da commisimus, ab illis petimus, ut eum differenter
benignè audiant, ipsiusque uerbis non multò minus
quàm nostris fidem adhibeant. Quas optime ualere
cupimus. Data Vlna, Die VI. mensis Septembris,
Anno Domini M.D.LXII. Regni uero nostri, An-
no XXXIII.

SIGISMUNDVS AVGVSTVS REX.

A. T E R G O.
 Reuerendisſimis in Chriſto Patribus, Dominis San-
 ctę Eccleſię Romana Cardinalibus, ac ſacroſan-
 ctę Concilij Tridentini Legatis, ceteriſque Reue-
 rendis ac Venerabilibus Dominis Episcopis, Abbe-
 tibus, Ordinum Generalibus, ac alijs omnibus Vni-
 uerſale Oecumenicum Concilium Tridenti reprę-
 ſentantibus, Amicis noſtris chariſſimis.

O R A T I O H A B I T A T A R E
 uerendo Domino Valentino Episcopo Permiſienſi
 Oratore Sereniſſimo D. Sigismundi Regis Põlo-
 nię in eius Comparitione in Generali Congregatione,
 Die. XXIII. Oſtoris, M. D. LXII.



Erędisſimus & clemētisſi-
 mus. Dominus meus Rex
 Illuſtriſſimę Sedis Apo-
 ſtolice Legati, Ampliſſi-
 mi Oratores, Reuerendiſ-
 ſimi in Chriſto Patres,
 Venerabileſque viri, eo
 nomine quod hoc ſacro-
 ſanctū Cōcilium, tā neceſ-
 ſario tēpore coactū ſit,
 Eccleſię Dei unica dilecta in Domino noſtro Ieſu Chri-
 ſto parenti ſuo, uebementer gratulatur. Cui prauis &
 perni-

perniciosis impiorum hominum opinionibus, cen uio-
 lentissimis tempestatibus iactata atque afflicta, ni-
 hil opportunum, nihilque magis necessarium, quam
 hoc sacrosanctum Concilium accidere potuisse exi-
 stimat. Scit enim Sacra illius Maiestas, eius generis
 tempestates, nulla re commodius, quam Oecumenica
 Concilijs, posse, aut unquam potuisse ab Ecclesia Dei
 propulsari. Et ut ex optimo animo. Serenissimus Rex
 hoc tam peropportunum, & pernecessarium nego-
 tium Ecclesiae Dei gratulatur; sic de singulari uestra
 pietate, omnia preclara, atque egregia sentiens, faci-
 le sibi persuadet Vos unum id agere, id unum incum-
 bere, ut salutaribus huius Sacrae Synodi Consilijs, tam
 horribilis Ecclesiae Dei tempestas componi, aut dissi-
 ci possit. Est (Deo optimo Maximo sit gratia) Se-
 renissimi Regis mei hac de nobis opinio minimè ua-
 na; Nam uideo omnes curas cogitationesq; uestras in
 salutem Ecclesiae Dei conuersas, uideo nos ea de re
 uehementer esse sollicitos. Est omnibus Catholicis Vi-
 ris semperque erit. Serenissima Regi meo grata, &
 iucunda uestra tam necessaria, & pia sollicitudo, eam
 nos memores salutis uestrae non debetis deponere.
 Hac enim muneris nostri conditio, nobis diuinitus
 data est, ut omnes curas sollicitudinesque patienter per-
 feramus, dum ijs rebus Ecclesiae Dei pax, ac tranquil-
 litas salusque pariatur. Et id cerè id nobis diligen-
 tius faciendum est, quòd nisi id fecerimus, certò sci-
 mus nobis illam aeternam curam atque sollicitudi-
 nem, qua instar pestiferi vermis conscientia cõficit, esse
 subuen-

fabundam. Sed non est quod quisquam uereatur
commissuros uos unquam, ut cura aliquid & diligen-
tia prætermittatis, in hoc sacrosancto Concilio opta-
to fine terminando. Nam cum obfessa impiorum bo-
minum furore, uelut facibus ac telis ad uos tendat sup-
plex manus Catholica Ecclesia, uobis se, uobis gregem
precioso sanguine Domini nostri Iesu Christi redem-
ptum, uobis aras, templa, ipsumque sanctorum Dei
Opt. Max. cultum commendans: eritis, ne tam duri,
ut illam in extremo discrimine deferatis? nec de illi-
us salute, instituta consilia inire perseueretis? Vos
uero pro uestra pietate, non modò id non facietis, sed
ne cogitabitis quidem. Quòd autem in tanta oppugna-
tione, ac magnis procellis Ecclesiæ, Sacrosanctum
hoc Concilium uelut præsens auxilium, ac gratis-
simus Sol illuxit, id primum Dei benignitate, deinde
Beatissimo ac Maximo Pontifici Pio III. meritò ac-
ceptum ferre debemus. Quas enim ille Pontifex im-
pensas, quos labores, quas curas non suscepit ac per-
tulit, priusquam hunc nostrum Sanctissimum grauis-
simumque ceptum cogeret? Quo igitur illi pro tam in-
genti diuinoque beneficio præmia, quæ honoris insi-
gnia, quæ laudum munimenta ab Ecclesia Dei non de-
bentur? Sed cum ille suo tam præclaro ac egregio sa-
cro contentus, ista non postulet, hoc tamen uel inui-
sus, consequetur, quòd id illius præstans in Ecclesiam
et ei beneficium, uersalium memoria aletur, sermoni-
bus crescat, atque litterarum monumentis inuetera-
cet, corroborabiturque: ac ita de nunc sempiternum

est fatarum, nec illud unquam atas conicefcer. Neque nerò ulla illud non opportunè Dei benignitate accidit, quod ad Ecclefia falutem defendendam tuendamque Pius, & Inuictiffimus Imperator, ac alij Catholici Reges, Principes, Refque publica magno fludio, ut ex hac Oratorum clariffima, magnaque frequentia cognofci poteft, confentunt. Quid Sereniffi ac clementiffi. Dominus meus Rex? diffenfuit ne ab hac tam pia caufa à reliquis Catholicis Regibus? Iserò càm illis mente, uoluntate, fludio ac uirtute, ad conferuandum ueterem illum Catholica religionis flatum uehementer confenfuit. Acineq fludio fe Regijs facultatibus fuis huic Sacrofancto Concilio non defuturum offert atque pullicetur. Nam cùm is Sereniffi. Rex meus fapientia, iuftitia, fortitudine, fempertantia, omni que illo pulcherrimo choro uirtutum flipatus, ac in primis ornatùs fit: tum pietatis tanto, quantus eße maximus poteft, lucet flendore. Quos enim is Tempia, delubraqum honoris, & cultus Dei Opt. Maxi. gratia magnificè extruxit, ac copiofè ampliffimeque ditauit? Quantum extat eius fludium in uera religione augenda, dilatanda, ac etiam ad Barbaras gentes Regno fuo uicinas proferenda? Iam nerò quanto fludio contendat, & elaboret, ut hac lues tetra, qua noftro feculo plerafque Europæ Pronincias peruagata eß, fiminus funditus euelli, faltem reprimi, & fopiri queat, nos qui Regni illius incolæ fumus, teftes locupletes eße poffumus. Sed quid omnia Sereniffi. Regis mei pietatis certiffima fi-

qua persequi necesse est, cum non mediocre eius rei
 documentum sit, quod cum ipse belli, ac Regni sui gra-
 uissimis negotiis impeditus, ad hoc sacrosanctum
 Concilium uenire non posset, me licet indignum suum
 Oratorem misit. Nolu it enim pius Rex in hoc totius
 Christiani orbis, de componendis disidiis religio-
 nis ardore à Beatissimi Maximique Pontificis, ac ab
 omnium Catholicorum Regum studio, studium quo
 quæ suum abesse. Sed factum fortasse est, ut Sacra il-
 lius Maiestas, in ea reserius aliquantò Ecclesie Dei
 ac ipsi religioni officium suum præstitisse uideatur.
 Id uero officium si diligentius examinetur, penitus-
 que inspicatur, profectò præmaturum potius, quam
 seruum esse iudicabitur. Nam cum in ueteri more ac
 instituto Regni Serenissimi Regis mei hoc positum
 sit, ut de decernendis, mittendisquæ quaquaersum
 legationibus in Comitibus Regni suscipiatur delibera-
 tio, utique nisi Comitiali Decreto intercedente, Ora-
 tor Regiæ maiestatis huc non erat mittendus. Sed
 cum Serenissimus Rex aliquot iam annis à regno
 suo in remotioribus Regionibus belli negotiis uehe-
 menter impeditus abesset, ac ob eam causam facul-
 tatem celebrandorum Comitiorum Regni ad hoc us-
 que tempus prorsus sublatam sibi uideret, diutius
 pro sua pietate se tenere non potuit, quin huc Ora-
 torem suum, non expectato ea de re Comitiali De-
 creto ablegaret. Ex quo satis cuius perspicuum esse
 potest, quod Serenissimus Rex meus maturius Ora-
 torem suum huc miserit, quam per morem in Regno
 receptum,

receptum, ei licere uidebatur. Id uerò eo fecit alacrius, quòd ea quæ in christianam religionem hac nostra in felici ætate grassatur pestis, pestiferum uirtus suum in regnum quoque illius Maiestatis longè lateque diffudit. Quod quidem malum Serenissimus Rex a suo regno, ac ab uniuerso Christiano orbe auersum & propulsum in salutaribus eius concilij Decretis, confidit ac sperat. Quæ uesres enim atque adeò uniuersum Terrarum Orbem fallat, per uiscera misericordiæ Domini nostri Iesu Christi obsecro, ea qua cæpiistis solitudine curate. Nihil enim ad eam tempestatem, qua nauis uobis commissa iactatur, componendam, nihil ad eam pestem, quæ gregem, cuius Pastores estis, populari uidetis depellendam uobis deesse uidetur. Nam & præclara eius Concilij occasio, & tanta quanta uidetis, Catholice Regum ac Principum studia, modò non emissa uocem, uestri officij uos admonent, ut quibus tantis malis occurratis atque obfistatis exposcunt. Quibus autem rationibus possit, Deus optimus Maximus uobis inspirer, ac quæcunque inspirauerit illa in honorem & gloriam suam, uestram totiusque Catholice Ecclesiæ salutem propitiùs redundare uelit.

R E S T -

RESPONSVM SANCTAE SYNO-
di in admissione Oratoris Serrnissimi D. Sigismun-
di Regis Polonię in Generali Congregatione, Die
XXII. Octobris, Anno. M. D. LXII.



Euerendissime & Illustrissime
Domine Orator, Sigismundi Au-
gusti optimi, ac potentissimi Re-
gis nostri, singularis pietas, & ex-
cellens iuuanda Catholica Ecce-
sia Studium adeo perfectum san-
ctę Synodo semper fuit, ut quemadmodum summa
cum letitia & uoluptate eius Legatum adiuuentem
excepit, ita euerē nullam mora & tarditatis excusa-
tionem ab eius maiestate expectandam esse unquam
existinauit. Cum enim Serenissimus Polonię Rex
is sit, qui acceptam à clarissimis Regibus maioribus
suis Catholica fidei heritatem, non solum ipse constan-
ter retinuerit, uerum etiam optimis legibus, ac con-
tinentibus propè bellis, à nefariorum hominum
scelere atque impetu defendendam, summa cum lau-
de suscepit, satis per se Sancta Synodus intellige-
bat, eum celeberrimo huic, ac legitimo totius Orbis
Concilio animo interesse, eandemque pietatem omni
tempore Sanctę Dei Ecclesia re ipsa prestiturum esse,
quam Inuictissimus Cęsar, ceterique Christiani Orbis
Reges, ac populi, missis legationibus professi essent.

Accede-

Accedebat autem Hosij Cardinalis amplissimi, affe-
ctus, presentiaque ad declarandam Regiam mentem,
& uoluntatem, ueluti magnum aliquod atque illustre
testimonium. Neque enim dubitari poterat, sigis-
mundum Augustum Regem, omnia quæ ad Sacra
huius Synodi decus & ornamentum pertinerent, sum-
mo studio curaturum esse, in qua Ditionis suæ homi-
nem Apostolicæ Sedis legationem obire perbenigne
pateretur. Hac igitur sunt, prestantissime Orator,
quæ hactenus fecerunt, ne ab hoc Generali Concilio
Regiæ uestri pietas, & autoritas abesse uideretur.
Verum quando per Legatum etiam summa religionis
& prudentia, & integritatis laude preditum adef-
se noluit. Hoc quidem Sanctæ Synodo eò incundius
accidit, quod intellexit eius Maiestatem, non expe-
ctatis Regni Comitibus, de hac re deliberasse, ne scilicet
cùm ea longius differrentur, aliquod pietatis officium
ab optimo & religiosissimo Rege desuisse illis uideri
posset, qui minus sincerè, atque adeò inuidiosè Ca-
tholicorum Principum facta interpretari solent. Qua-
re sancta Sinodus Regiæ Maiestatì de honorificen-
tissima legatione, de qua eius in Catholicam & Apo-
stolicam Ecclesiam egregia uoluntate, maximas
gratias agit. Deinde uerò te Reuerendissime Domi-
ne, non solum quia illius Regis, cui nihil antiquius
uera religione unquam fuit, personam geris: sed quia
Hosij Cardinalis & legati Amplissimi laudatione
es ornatus, non potest hoc munere non dignissimum
indicare, libentissimè excipit, mandatumque tuum
prout

prout iuris est, admittit. Quod autem Sanctam Synodum hortaris, ut Dei causam, quam suscepit, ita tueatur, ut aliquando sancta Ecclesia pristinam dignitatem recuperare queat, illa quidem sua sponte incitata, in hanc curam omni cogitatione incumbit: lateturque Dei misericordia tam præclara diuini huius operis fundamenta iacta esse, ut diuina ope & auxilio si cetera, speret fore, ne cum sibi à Pio. I. I. Pontifice Maximo, cuius uirtutem immortalitati consecratum omnes ætates admirabuntur, summa consuetudine Ecclesie adiumenta suppeditata fuerint, ipsa suum muneri & officio defuisse existimari possint.

LITTERÆ CAROLI CHRISTI A-
nissimi Regis Francorum, exhibite patribus ab illis
scripsi. & Reuerendis. Prencipe D. Carolo Cardinale
à Lotharingia: in Generali Congregatione Oecume-
nici Tridentini concilij, Die XXII. Nouembris,
M. D. LXII.



Arolus Dei gratia Fran-
corum Rex, Sanctis-
simo, & Reuerendissimo
Patribus in sacrosancto Tri-
dentino Concilio congre-
gatis salutem. Et si ea
fuit Dei Opt. Maxi. vo-
luntas, ut iam inde ab ine-
unte ætate, nos ad tamē
huius Regni Imperium
uocaret, eiusque alta, & infinita iudiciorum Pru-
dentia, placuit, nobis committere huius principatus
initia, adeo tumultum, & ciuiliū bellorum plena,
ut nulla illius, uel minima Prouincia intueri possit,
que hisce calamitatibus careat: oculos tamen pueri-
tiae nostrae hec ipsa diuina bonitas ita aperuerit, ut
tantorum malorum causam facile iudicauerimus,
non aliunde quàm ex uaria, & multiplici de religio-
ne opinione, qua populus noster imbutus est, proces-
sisse: cognoscamus etiam huius grauissimi morbi

K reme

remedium non ab hominum prudentia esse petendum, sed à Deo uiuo & inexhausto misericordiarum Fonte, qui requirentibus eum ex animo, sui que nominis gloriam tantum, & honorem spectantibus nunquam defatigatur beneficia, & gratias conferre. Ita que eodem Sancto Spiritu ducti cum primum Regia corona sumus insigniti, nihil nobis magis fuit innotis quam cum maiorum nostrorum exemplo, ad sacros conuentus uelut ad eius aegritudinis unicum & praesens medicamentum confugere, tum in hunc memoria Francisci Regia Domini & fratris nostri amantissimi uestigium permanere, & quanto potuimus studio, & diligentia hanc ipsam in quam nunc ex uarijs orbis terrarum partibus conuenistis, celeberrimam synodum expetere. Ac illud quidem grauissemè tulimus; Nos qui huius instituti adeo py & optati auctores sumus, non tamen efficere potuisse ut Praelati nostri in hoc generale Concilium primi conuenerint, sed huiusmodi dilationis causam, & alij omnes & uos ipsi necessariam esse iudicastis. Cumque amantissimum, & dilectissimum consobrinum nostrum Cardinalem Lotharingum Archiepiscopum & Ducem Rheimensem, Primum Francie patrem, inque illius comitatu aliquod regni nostri Episcopos & Abbates aduenire uideatis, nihil quidem à nobis cum simulatione, aut exquisitis diffugijs, sed omnia serio, piaque & Sancta uoluntate gesta esse facile existimabitis. Causa autem sanctissimi Patres, propter quam Consobrinum nostrum ad uos misimus, duplex est. Aliqua quod ille

ille muneris sui non oblitus quique optime nouit, quid ecclesiastica professio, horumque temporum calamitas ab eo sui que ordinis hominibus requirat, sepius & uehementer istuc eundis facultatem à nobis petijt et optauit. Altera quod ille à teneris annis ad secretiora nostra cōsilia euocatus, & in regni nostri grauis simorum negotiorum admiratione educatus optime nouit fontes, & origines tumultuum nostrorum quibus rebus egeamus, ut ij sedari possint, eique in mandatis dedimus ea apud nos exponere, & quæ à prudentia uestra, & amore paterno remedia uitæ expectari possunt, non solum propter regni nostri tranquillitatem, sed etiam totius Reipub. Christiana salutem à uobis impetrare: cum enim præ oculis, (quod est uerè & purus Dei cultus) semel habuerimus, poterimus tādē ad laudatam illam & adeo expetitā rerū cōmēdationē, quæ Episcoporum iniuria, & hominum malitia funditus perierat peruenire, ac in honorem & exaltationē Dei nominis unitatēque Ecclesiæ, antiqua illa Catholica Ecclesiæ maiestas, & integritas splendet. Quā rē uelut munere uestro dignam uniuerſus orbis iure suo à nobis requirit, eāq; si feceritis, accedet uobis inenarrabilis, remuneratio à manu illius liberali qui se harū rerum liberalissimum remuneratorem proficitur. Reges itē et Respu. Principesque omnes uobis se merito deuinctos existimabūt, uestrāque pietatē, magna cū uestra laude posteritati cōmēdabūt: & qui eo est ingenio cōsobrinus noster, ut ea planē nouerit, quæ uos speciatim scire cupimus obsecramus nos SS. Patres, illum ut equo, & lubetī ani

mo audiat, eamque fidem quam nobis, si istic esse mus, adhibeatis. Petentes interea à Deo Opti. Maxi. ut nos suo præsidio, toti que orbi Christiano diutius conservare dignetur.



ORATIO ILLUSTRISS. ET REVERENDISS. Caroli Cardinalis à Lotharingia, habita in Sacrosancto Oecumenico Concilio Tridentino, Die XXIII. Novemb. M. D. LXIII.



Illustrissimi Domini, Reverendissimi Episcopi, Christianissimus Rex Carolus Reginae matris Christianissimae auctoritate, ac præcipuo Regis Navarrae assensu, procerumque omnium conscriptorum consilio, has litteras, quae modò perlectae sunt decrevit, mihi que ad nos perseverandas dedit: quarum præcipua ea capita quae maiorem à me explicationem desiderant, pro ea, quae mihi credita est, fide explicabo, quam brevissime potero. Hæ (ut meministis) statim initio rerum regni illius nostri nobilissimi, amplissimi, ac florentissimi quondam, summæque erga Regem fidei, & observantiae statum, & conditionem testantur. Dicam

uno uerbo non sine incredibili animi dolore: fuimus Galli, fuit ingens gloria Francorum: Hę rerum omnium, Clarissimi Oratores, sunt uiciastudines: Manus Domini tetigit nos uiri Patres, & fratres. Hęc nobis iussum Dei in ira sua iudicium pronocauerunt, corrupti omnium ordinum mores, ac ecclesiastica omnis collapsa disciplina: Has turbas excitauerunt hereses non suppressa, & d Domino Deo nostro instituta remedia tandiu neglecta. Hinc illę lachrymę, & per totum Regnum dissidia, rapinę, bella intestina, ac plusquā ciuilia: luctus ubiq; ubiq; dolor, & plurima mortis imago. Nec sacrosanctis Dei templis parcitur, Presbyteri, & religiosi uiri ad aras usq; , quas amplexantur morientes trucidantur, uisibilia sacramentorum signa pedibus conculcantur, & comburuntur, passim erecti apparent rogi ex omni genere Ecclesiasticorum ornamentorum, accensa ex imaginibus deiectis pyra, additis omnium non solum Ecclesiasticorum, sed antiquissimarum bibliothecarum libris, nec quicquam ex chartis publicis, & instrumentis, quę ad dotationem pertinent, reſeruantur: Sanctorum reliquię ruptis altaribus in cineres rediguntur, qui sunt post hęc in profluentem proiecti. Horresco referens, nec d summorum Pontificum, Imperatorum, Regum, Principum, Episcoporum, & sine discrimine passim aliorum omnium sepulchris abstinetur, eorum maxime, qui de Ecclesia Dei benemeriti per monumenta reperiuntur: Nomen Domini ubique blasphematur: spi-

ritus mendacij in ore omnium est, qui falso uerbi Dei ministerium usurparunt, atque ita expulsis Pasto-
ribus, alieni omnis custos, fur, & latro ascendit. Pos-
sremo (quod longe omnium est grauisimū) iuge, & sa-
cro sanctū Sacrificiū apud eos cessat, quod intermissū,
quantam ruinam secum asserat, & quantam Regi-
bus iacturam, & meministis uiri Doctissimi ex pro-
phetarū oraculis, & experientia iam in magnis In-
periis florentissimis Regnis, amplissimis provinciis
didicistis, atque in Gallia nunc aspicitis: Regis enim
maiestas contemnitur, imperia detestantur: non mo-
do uectigalia, sed prouentus etiam negantur: iura
omnia, & leges silēt: Quilibet uindictam, quam exer-
cet ex priuato odio meretur, ad defectionem popu-
lus excitatur, & excusso Monarchia, quod aiunt,
iugo, Anarchia in concionibus publicē proponitur.
Hæc omnia apud uos cogitate clarissimi oratores
& quod in Gallia nunc uidere otiosis licet, sera ni-
mis pænitentia experiemini, si mole sua Gallia ex-
uicina uos in ruinam trabat. Sed quid uos sanctiss.
Episcopi detineo, aut diutius affligo? supersunt toto hu-
ic nostro malo opportuna remedia. Habemus .n. ma-
gne Spei pupillum Regem, non tã Regni ex legitima
successione Monarcam, quàm religionis, & uirtu-
tum omnium auitarum heredē, quem Pater Henri-
cus, & Aulus Franciscus excitat, & in quo iam
Francisci fratris demortui, omnium generis uirtu-
tum igniculi relucet. Nec desunt Catherine Regi-
ne uiduæ, & Nauarra Regis optima cōsilia, & in-
fracta

fracta procerum vires . Nullis opibus parcitur , undique auxiliares copię comparantur , fitque uia ui , sed in nostra uiscera , quātumcunq; uictrix dextra sit , ferrum conuertitur : eruntur opes , & fit lamentabile Regnum , tamque nulla ad sedandos tantos tumultus aptior uia , nullum presentius est remedium , quā , quod ab hac sacrosancta uniuersalis Ecclesia legitime in Spiritu sancto congregata Synodo expetitur : Huc uos maiorum exempla trahant : Hoc Dei uerbum docet , ac ut speremus in promissis suis (que nunquam fecit irrita) imperat , atque ita demum ex hoc loco pax Dei , que exuperat omnem sensum , expellatur : Templum enim Dei sanctum est , quod sumus nos uiri Patres , & tamen diuisiones gratiarum sint , omnes tamen nos in uno spiritu , qui nomine Domini Iesu Christi congregati sumus , quos & dicere necesse est , & prout Spiritus sanctus dabit eloqui . Quae omnia ut magis scire potestatis ad bene , beateque decernendam ex Diuino praescripto sunt omnino necessaria . Hae omnia Christianissimus Rex cū sibi satis persuadeat , nec quicquam alienum ab his à nobis expectet : Duo tamen praecipua sunt ea , de quibus uos admonet pro sua in hanc Synodum obseruantia , & pro ea , quam sentit , ex his in religione disfidys summa modestia . Primum itaque à nobis postulat , ut quantū fieri poterit noua disfidia uitemus , nouas (inquam) & infructuosas relinquamus questiones , ac demū , quātū nobis licet curemus , ut Principes et prouincios ab armis abstineāt , ab hoc desiderio excitā .

dorum bellorum prorsus nos alienos esse oportet, ne-
 qui ex nobis disceserunt, & se ab Ecclesia Dei præ-
 ciderunt, existiment magis hoc conuentu Principes
 ad arma excitari: & societas, & fœdera iniri ad bel-
 lum, quantumcunque sacrum, quàm de uniuersali om-
 nium animorum reconciliatione decerni: solliciti an-
 te omnia seruare unitatem Pacis: Si quid in ea senten-
 tia peccatum est, parcite quæso Patres amplissimi.
 Henricus pater auctor fuit pacis, quæ in Christiano
 orbe tam fœliciter hætenus seruatur: eam quasi te-
 stamento paulo post moriens filio Francisco Regni con-
 mendauit: Hanc Franciscus frater si nobis tam citò e-
 reptus non fuisset, magna prudentia retinere conaba-
 tur. Pupillo, & uiduæ iniquissimas semper turbas
 & bella intestina Rex, & Regina Mater ualde per-
 timuerunt, & peccator subditorum omnium animos,
 ne quies publica inturbaretur, summa prudentia,
 ac ut ætatem, & sexum decet perpetuò exoptaue-
 runt. Quod etiam si (ut negari non potest) infelicer
 successit, infeliciores tamen belli euentus sunt perti-
 mescendi, ne si omnes in eodem periculo uersentur,
 eadem & tempestate acti, nemo periclitantes adiu-
 uet, ac si unum, idemque omnes naufragium facia-
 mus. Summa: propterea rationem haberi desiderat
 eorum qui lapsi sunt, ut & illis, quantum ex Deo po-
 terimus, condonemus, quibus & nos amicos esse li-
 ceat, sed usq; ad Aras. Alterum legationis mee ca-
 put est, quod iam à principio Regi meo Christianiss.
 cùm serenissimo Imperatore, & reliquis Regibus

& Principibus uiris, quorum hic Oratores clarissimos uiros habetis, fuit commune: nempe, ut de formatione, & morum, & Ecclesię disciplinæ omnino decernatur. De hac iterum, iterumq; uos admonet, ad eam seridè amplectendam (qua potest obseruantia) hortatur, & per Dominum nostrum Iesum Christum, qui iudicaturus est uiuos, & mortuos, obtestatur, si Ecclesię authoritatem integram esse uultis, si eius dignitatem conseruare, si iam inclinatum nobilissimæ Gallię Regnum retineri posse iudicatis, nec uos ex uestris commodis nostra incommoda metiri æquum est: Si enim uniuersa hæc Italia, si Hispania omnis, sedem & clauum tenet, gratulamur uobis felicissimi Patres. Nos puppi excidimus, & uix supremo digito gubernacula retinemus. Hic nobis liceat iure uestro causas à uobis tantæ tempestatis exquirere. Quem accusabimus coepiscopi fratres? Quem tanti mali authorem constituemus? Memini quid uelit, nec memoria excidit uestrum de ea commune omnium iudicium: hoc non sine innato pudore, & magna antea. Et uita pænitentia dicere me oportet. Propter nos tempestas hæc orta est uiri fratres: propterea mitte te nos in mare. Quid addam amplius? habetis confidentes reos, in eos ut libet animaduertite. Nunc iudicium incipiat à domo Dei, & mundentur qui fuerunt uasa domini. Attendamus nobis, & uniuerso gregi. Quiescamus peruersè agere & discamus bene agere: immò potius tu misericors, & bone Deus per uiscera misericordiæ tuæ attende, placare, & fac: adan

ge nobis fidem , ut sine timore de manu inimicorum
 liberati seruiamus tibi . Nunc uiribus opus est Pa-
 tres, nunc pectore firmo . Sed uereor Illustriss. Domi-
 ni, & reuerendiss. Episcopi, ne nimis importune agā;
 non est enim sponte currentibus addendum calcar .
 Finem igitur faciam: est enim mea hæc expedita à Re-
 ge legatio . Si quid scire nos amplius oportebit : hæc
 omnia clarissimi Regis oratores curabunt . Ego uerò
 & mecum unā, qui ex Gallijs aduenerunt Reuerend.
 coepiscopi in hac uniuersalis Ecclesiæ sacrosancta Sy-
 nodo testamur Beatiss. Papæ D. Pio Pont. Max. post
 Deum in perpetuū subditos esse uelle , eius enim nos
 in terris primatum super omnes Ecclesias agnosci-
 mus , cuius nunquam imperia detestabimur . Eccle-
 siæ autem Catholicæ, ac sacrę generalis Synodi De-
 creta ueneramur . Vobis Illustriss. ac Reuerend. Lega-
 ti Fasces submitimus, sanctissimis Episcopis dextras
 societatis offerimus , & clarissimos Oratores testes
 sententiarum nostrorum hic adesse uehementer gra-
 tulamur, ut Spiritu sancto Duce in omnibus, per om-
 nia, & semper honorificetur Deus & Pater Domini
 nostri Iesu Christi.

ORATIO HABITA A DOMINO RE-

naldo Ferrerio Presidenti in Parlamento Parisien-
si, Oratore Caroli Galliarum Regis Christianiss. in
Generali Congregatione, Die XXIII. Novem-
bris, M. D. LXII.



Rationibus, quas nunc
audistis Illustriss. Domi-
ni, Sanctiss. Patres, nihil
est quod à nobis quicquā
addi, aut detrahi debeat,
tantum unum dicemus
bona uenia paternitatum
uestrarum pro muneris no-
stri ratione. Christianissi-
mi Regis pius, religiosus,

& in Catholicam Ecclesiam propensissimus animus
antea quidem erat omnibus satis perspectus, & co-
gnitus: nunc autem aduentu & oratione Illustrissimi
Principis, & Reuerendiss. Cardinalis adeo est illu-
stratus, ut ne ullius quidem dubitationi locum relin-
quat. Nam quominus antea tanti uiri aduentus ab
hominibus prudentibus, & peritis rerum humana-
rum sperabatur, eo magis cum uenerit, nemo est uel
mediocri ingenio præditus, qui non planè uidebat
quantum Galli Ecclesiæ Catholicae consultum ueli-
mus, quique non intelligat plures, easque gravis-
mas

mas esse causas, quibus adductus Rex Christianissimus, illum ad uos miserit, cuius singulari consilio in rebus magnis agendis, cum antea semper usus est, tum maxime his miserrimis, & calamitosissimis Gallie temporibus: qui autem existimant priuato magis com modo, quam Reipub. Christiane causa hac à nobis fieri, uehementer falluntur. Potest (si modo uelit) Rex Christianissimus uel triduo seditiones omnes, ac mortuorum componere, inque officio, & obsequio Gallis innato subditorum omnium animos retinere. Sed non tam que sua sunt querit, quam que sunt Catholica Ecclesie, & Pontificis Maximi, cuius dignitatem & authoritatem, ut sartam testam in Gallia retineat, non dubitat tanti Regni Imperium, uitam, & fortunas magnorum Principum, procerum, & nobiliorum in periculum adducere. Hic est Gallie nostre status. Hæc fundi nostri calamitas. Quod si quis nos roget, quid tandem illud est, quod nos, Ecclesieque uestra Gallicana tantoperè à Concilij Tridentini Patribus expetitis? Non sumus Patres sapientissimi, in petitionibus nostris admodum morosi, & difficiles: nihil aliud petimus, quam quod totus orbis Christianus efflagitat, quod à Concilij Niceni patribus petijt ille magnus Constantinus. Hoc ipsum à nobis requirit Rex Christianissimus; omnia illius postulata continentur aut sacris bibliorum litteris, aut uetustis Ecclesie Catholice Concilijs, aut antiquis Pontificum & Patrum constitutionibus, Decretis, & Canonibus: Hæc sunt, hæc, inquam, sunt quorum nomine Rex Christi-

Christianissimus, Ecclesiæ Catholicæ primogenitus filius, Ecclesiæ (inquam) Catholicæ petit restitutio nem in integrum apud uos, quos Dominus noster Iesus Christus Prætores legitimos creauit, neque hoc ipsum petitur ex clausula (ut dicitur) generali: sed ex uerbis expressis edicti illius diuini, & perpetui aduersus quod nunquam fuit, neque unquam erit usucapioni, aut præscriptioni locus. Redeant quasi postliminio in sanctam Dei ciuitatem, & in lucem hominum tandem prodeant, quæ antiquus hostis Sathâ ui eripuit, & longo tempore suppressit. Sic Darius persarum Rex motus in Iudæa propter religionem excitatos sedauit. Non enim ad arma continuo, uerum ut maiorum suorum leges, & antiqua edicta inquirerentur iussit, inuentumque Regis Cyri edictum de reditu Iudeorum in Iudeam, & de templi instauratione à maioribus suis neglectum, & mandauit executioni, & ita pacati sunt tumultus. Iosias Rex laudatissimus, & syncerissimus Ecclesiasticæ disciplinæ exactor, & reformator, librum legis ab Helcia magno sacerdote repertum (posteaquam hominum malitia longo tempore suppressus fuerat) primum legit diligentissime, deinde lectum recitauit populo: Tum ex illius præscripto ritus, & præcepta Diuina Iudeis restituit. Strenui illi Nehemiæ milites quos tantoperè commendat Chrysostomus, altera quidem manu telum tenebant, altera muros Hierusalem edificabant, hoc est Ecclesiam ex antiquis Patrum regibus restituebant: Nisi hæc fiant Patres sanctissimi,

Elissimi, frustra à vobis rogabimur: num etiam paca
 est Gallia? nos enim vobis respondimus, quod Ie-
 hu Regi Ioram roganti, num pax, num pax? Et quo-
 modo inquit ille, pax, cum adhuc supersit, & uigeant.
 nostris cetera. Nisi his rebus diligens detur opera:
 nos frustra confugiemus ad potentissimi illius, & ma-
 ximi Regis Catholici affinitatem, singularem amicitiam,
 incredibilem liberalitatem, frustra fidem & auxilium
 implorabimus Pontificis Maximi, Serenissimi Venetorum
 Domini, Lotharingæ, Allobrogum, & Hetruriæ Principum
 auxiliares copias. Fallax enim (mibi credite) erit equus
 ad salutem, nisi hac à vobis fiant: Turbabitur breui nimia
 quorundam securitas, & quod caput est, qui interea peribunt,
 tamen id illis sua propria iniquitate & peccato eueniet:
 vobis tamen peribunt: hoc est sanguis illorum de manu
 uestra requiretur. Sed priusquam nos ad ea veniamus,
 quæ iuo loco, & tempore sumus dicturi, secundumque
 mandatorum nostrorum Formulam agamus: Petimus à vobis
 sapientiss. Patres, à vobis, inquam, quos uestra sponte
 scimus esse satis incitados, quorumque pietatis, religionis,
 & in omnes homines charitatis, sumus non solum auriti,
 sed etiam oculati testes: ut ea de quibus iadiu cepistis
 deliberare, quàm breuifimè fieri poterit absoluatis: quo
 citius positis de multo grauioribus, & magis hoc tempore,
 necessarijs sententiam uestram dicere, & his conuentibus
 Ecclesiasticis finem imponere, ad laudem, & honorẽ Dei
 Patris omnipotentis eiusque Filij. Domini nostri Iesu Christi.

RESPONSVM HABITVM SAN-
ctę Synodi nomine, à Reuerendiss. D. Mutio Cali-
no Archiepiscopo Iachen. Illustrissimo Cardinali à
Lotharingia, ac Christianiss. Regis Oratoribus. In
Generalì Congregatione, Die XXII. Nouem-
bris, M. D. LXII.



Illustriss. ac Reuerendiss. Domine:
Inter ceteras Christianę Reipub-
miserias, & calamitates, quarum
memoriam sacrosancta Synodus
neque deponere, neque sine lachry-
mis repetere unquam potest; nulla

eius animum cura magis anxium, ac sollicitum sem-
per habuit, quam seditiones, & bellici tumultus, qui
religionis causa in florentissimo Galliarum Regno com-
moti, & concitati dicerentur. Nam cum omni tem-
pore Regnum illud firmisimum Catholica ueritatis
praesidium, & columen iure optimo habitum fuerit:
cogebatur sancta Synodus incredibili dolore affi-
ci, cum intelligeret eiusmodi factam esse rerum
commutationem, ut non in una, aut altera, sed in
pluribus eius Prouincijs omnia fere, impietas, ca-
des, uastitas occupasse uideretur. Accedebat præ-
terea ad augendam doloris acerbicatem, quod nun-
ciabatur nobilissimos gentis uesire proceres; quod
scilicet alij orthodoxam fidem labefactam, & euer-
sam,

Fratris clarissimorum Regum uirtutē, ac fortitudinē, qua non solum nepharios hostium conatus reprimere & audaciam ulcisci queat, sed in tenera et atate singulare aliquod pietatis exemplum ad pulcherrimū facili imitationem posteritati prode. Deinde uerō eū diuina clementia atq; misericordia, & Sanctis. D. N. Pij Pont. Maxi. opera, & autoritate hoc sanctū, & generale Conciliū coactum sit, si unquam antea nunc certe maxime sperandum est, fore, ut uerus Dei cultus discussa errorum caligine ab omnibus agnoscat, mores emendentur, pax, & tranquillitas Ecclesiæ restituatur. Qua in re quemadmodum adhuc sancta Synodus omnem diligentiam adhibuit, ut quæ sui muneris, & officij esse intelligebat (adiuuante Deo) perficeret, ita in posterum nihil se de ea cura remissuram. Verum si fieri possit aliquid potius ad eam studij & industriæ addituram esse pollicetur, ac spondet. Neque uerō Illustris. Domine, te impulso solum, atque hortatore, sed multo magis (quod summæ felicitatis loco habendū existimat) adiutore, & consiliario id faciet. Nouit enim quanta tua sit optimarum artium, & præcipue sacrarum litterarū scientia, maximarum rerum uis, atq; tractatio apud regem potentissimum, summosque principes existimatio, & auctoritas, & quod caput est, pietas in Deum, uita integritas, & innocentis ac ueræ & Catholicæ religionis sincerum studium. Quæ quidem tot, & tanta sunt, ut quid potissimum in te homines laudare debeant, maximarum uirtutum cumulū, an in quoque genere absolutā,

L & per-

& perfectam earum formam merito dubitari possit. Illud autem exploratissimum sancta Synodus habet tam multa ab Illustrissima Amplitudine uestra ad communis causæ utilitatem adiumenta allatum iri, ut sibi nunquam minus iucundam eius aduentus memoriam futuram confidat, quàm ille ipse dies quo uenientem excepit latissimus, ac iucundissimus omnibus illuxisse uisus est. Itaque Illustriss. Domine, omnes hi Sanctiss. Patres quod tam longo, difficili, ac periculoso itinere suscepto ad tuendam sanctæ Matris Ecclesiæ dignitatem, tanta animi alacritate accurreris: quod saluus, & incolumis cum tot grauissimorum Patrum comitatu adueneris: quod tua presentia, autoritate, splendore frui liceat: Primum Deo immortalis maximas gratias agunt, deinde tibi ex animo gratulantur, sanctæque omnia, ac felicia à Domino præcantur. Caterum quæ uel de communibus Catholicæ Ecclesiæ rebus, uel de priuatis Gallicarum Ecclesiarum commodis proponenda erunt, ea sancta Synodus quotiescunque Regijs Oratoribus uiris præstantissimis, uel Illustrissima Amplitudini uestræ de his dicendi locus, & potestas dabitur, libentissimè audiet. Neque enim dubitat, quin eius Regis nomine, qui pueritiæ commendationem à pietatis acerrima defensione duxerit, cuiuscunque in omni uita præcipuum ornandæ atque amplificandæ religionis studium esse debeat, illa proponantur, quæ in primis cum uera Dei gloria, perpetuæque sanctæ eius Ecclesiæ utilitate, & summa Apost. Sedis digni

gnitate & amplitudine coniuncta esse uideantur;



L I T E R A E E M A N U E L I S P H I L I -
berti Ducis Sabaudiae, exhibitæ ab eius Oratore in
Generali Congregatione, Vltima Ianuarij. Anni
Domini M. D. LXIII.



Illuſtriſſimi & Reuerend. Patres :
In tanta rerum perturbatione , in
qua totus Chriſtianus orbis peri-
clitatur , illud nobis ut certifiſi-
mum, ita unicum remedium, quod
ab iſtius Sacroſancti Concilij diu
deſiderata diffinitione dependet, relictum eſſe uidetur.
Reliquiæ enim omnes , quæ huic morbo adhibentur
medela, uulnus potius exacerbare, quàm obducere
dignoscuntur. Quare & Pontifici ſummo, qui hoc tam
ſalubre medicamentum adhiberi uolueri, & Vobis
omnibus, qui ueſtra opera, diligentia, uirtute, in hanc
rem proſus incumbere, & pro Religione tot labores
ſuſtinere non recuſatis, maxime ſunt agenda gratiæ,
Chriſtianis uerò omnibus ſumopere gaudendū, quod
Religione ſuo priſtino candori reſtituta, & omnibus
erroribus deploſis, uiam quàm ſequatur, ueritatis mi-
nimè ſint ignoraturi. Mihi quidem nulla res gravior,
nec deſiderabilior obuenire poterat, tam totius Rei-
publicæ Chriſtianæ cauſa, tum etiam populorum meo-

rum, ut quos à bellorum anfractibus, diuino munere liberatos mea magna læticia conspicio, eos etiam animarum pace fruente, maiore cum gaudio intelligam. Quòd si serius ad uos Oratorem & Procuratorem meum, qui mos omnibus Catholicis principibus est antiquus, destinaui, id facillè mihi à uobis condonatum iri existimo, si uaria atque eadem grania negotia, quæ me hæcenus totum occupauerunt, considerare non dedignabimini. Nunc cum primum licuit, Reuerendum Episcopum Augustensem, islibuc mittendum curari, qui & Oratoris & procuratoris mei munere, apud istam Sacrosanctam synodum fungatur: ab eo intelligetis, & quatio in periculo constituti sumus, & quo teneamur desiderio conuenientum hunc uesitrum unanimi consensu ad totius orbis Christiani quietem, & ad Catholicæ religionis augmentum perfici: qua denique afficiamur uoluntate uestra decreta, uestrasque diffinitiones, quantum in nobis erit, omnibus fauoribus prosequi & adiuuare: ut quod à uobis (spiritus sancto cooperante) determinatum fuerit, id à uobis uirili nostra si sincerisimè executioni demandetur. Valete. Taurini, K lend. Ianuarij. M. D. LXIII.

Illustriſſimarum & Reuerendiſſimarum D D. V V.

Obſequentiſſimus Filius, Dux Sabaudie

E. PHILIBERT.

A T E R G O.

Sacrosanctæ Oecumenicæ Synodo Tridenti in Spiritu sancto congregata.

M A N D A -

MANDATVM DV CIS S A B A V D I A E,
exhibitu[m] Ab eius Oratore in generali Congrega-
tione, Die Vltima Ianuarij. M. D. LXIII.



V M Philibertus Dei
gratia Dux Sabaudia,
Cablasii, & Augusta
Sacri Romani Imperij
Princeps, Vicariusque
perpetuus, Marchio in
Italia, Princeps Pede-
montium, Comes Geben-
narum, Gebennesii, Bau-
giaci, Recondimontis, &

Ast. Baro Vaudi, Gai, & Faucigniaci, Niciaque
Brescia, ac Vercellarum, & c. Dominus. Vniuersis
pateat, quod cum sereniss. in Christo Pater, Domi-
nus Pius diuina prouidentia Papa IIII. pro haresi-
bus extirpandis, moribus reformandis, abusibus cor-
rigendis, atque alijs, quę ad Catholicę religionis ve-
ritatem afferendam, pristinumque candorem resti-
tuendum necessaria fuerint, proponendis, tractandis,
dissiniendis, & exequendis, Sacrum Oecumenicum
Concilium in ciuitate Tridentina prosequendum in-
dixerit, quo in loco multi iam Patres conuene e, at-
que huic tam salubri, ac necessario negotio operam
nauare minimę desinunt. Nos pro ea, qua erga reli-

gionem Catholicam afficimur pietate, Sacrosanctum hunc Conuentum omni studio, omni que favore prosequi cupientes, ut pro uirili nostra uniuersæ Reip. Christianæ, & his præsertim populis, quibus regendis Diuina nos præposuit benignitas, in se tam necessaria prodesse ualeamus, ut Principem decet Christianum, nostrum illuc Oratorem & Procuratorem transmittere decreuimus. Confisi itaque de fide, legalitate, scientia, & probitate, rerum experientia, alijsque uirtutum moribus, Reuerendissimi Consiliarij nostri Charissimi Domini Marci Antonij Bobbæ Episcopi Augustensis, Eundem Episcopum Oratorem, & Procuratorem nostrum elegimus, deputauimus, & fecimus, ac tenore presentium ex certa nostra scientia, motuque proprio, & citra aliorum per nos hactenus constitutorum Procuratorum reuocationem elegimus, deputamus, & facimus, eique authoritatem & facultatem impartimur nostro nomine, sese dictæ Sanctæ Synodo præsentandi in Congregationibus, Sessionibus, alijsque in locis, ubi fuerit opportunum, interueniendi, ea, quæ Christianæ Reipublice necessaria & utilia fuerint, proponendi, Decretis & definitionibus assilendi, illaque & illas acceptandi atque illorum, & illarum obseruantiam promittendi, ac demum omnia alia in premis, & circa tractandi, gerendi, negociandi & concludendi, quæ nos, si presentes essemus, tractare, gerere, negociari, & concludere possemus. Promittentes in uerbo Principis, omnia, & singula per D. Episcopum Oratorem & Pro

CU-

curatorem nostrum , proposita , tractata , conclusa , accepta , & promissa , rata , grata , & firma habere , & tenere , eaque inuiolabiliter obseruare : Renunciantes quibuscunque Legibus , Priuilegijs , & alijs omnibus , quibus contra premissa , uel aliquod premissorum facere , uel uenire possemus . In quorum fidem , has manu propria subscripsimus . Datum Ripolis die prima Ianuarij , M. D. LXIII.

E. PHILIBERT.



O R A T I O H A B I T A A R. D. EPISCOPO Augustensi , Oratore Illustriss. D. Emanuelis Philiberti , Ducis Sabaudie , in eius Cōparitione .



Ellem , Illustrissimi , & Reuerendissemi Patres , tantum mihi hodie daretur eloquētię , ut in hoc dignissimo Confessu , pro rei , de qua agitur , gravitate , & pro cuius nomine ad nos uenio , Principis , egregia in religionem Catholicam pietate , nonnulla bre-

niter explicare possum , non quod existinem oratione quantumvis proluxa elaborata , posse me quicquam , non dicam plenē completi : sed ne summatim quidem per capita attingere : quod nō à uobis , & acutissimę preui-

L 4 sum

sum & diligentissimè examinatum fuerit. Sed quoniam rem uobis minimè ingratam, & fortasse non omnino inutilem ne facturum puto, si quanti apud homines uestri fiant labores, quomodo uestra probentur consilia, quæ denique sit omnium de uobis expectatio, cursim exposuero: mox aliqua de gloriosissimo Principe Emanuele Philiberto Sabaudinæ duce subiecero, quæ licèt uobis sint notissima, ea tamen silentio prætereunda non esse duxi, quòd earum rerum, quæ maximè expetuntur, & prosunt, iucunda mirum in modum solet esse rememoratio. Illud itaque nos minimè latere scio, cum superioribus annis seditio hæc pessima, Christianam Rempublicam inuasit, & modicis non contenta finibus, longè lateque peruagaretur, eam bonorum omnium fuisse sententiam, Concilium cogendum esse, cuius autoritate salubris huic morbo medela adhiberetur, eoque non tantum malè affectæ Prouinciæ purgarentur, sed ne aliæ polluerentur, quàm citissimè prouideretur. Id aliquando impetratum est, Conciliumque hac in eadem Ciuitate agi ceptum: qua in re cum à Patribus uigilantissimè insudaretur, renouato inter eos Principes bello, apud quos summa Christiani orbis & potestas, & auctoritas erat; ab eo, re imperfecta, cessatum est, quæ cessatio, ut maximum bonis omnibus dolorem attulit, ita Catholicæ religioni grauiores peperit difficultates. Nam multi, qui, cum Conciliū perageretur, illius censuram horrescentes obmutuerunt, ut eo timore se se liberatos dimissis Patribus crediderunt, audaciores facti,

facti, quasi tempus, quo tacuerant, recuperare uolentes, non secus ac amnis intra claustra aliquandiu conclusus, sublati obicibus, uehementius defluit, acrius uenena sua diffundere, & contra receptas ab Ecclesia sententias, nouas asserere opiniones nō desisterunt, donec omnibus perturbatis, Galliam ipsam Nobilissimam, atque eandem religiosissimam Prouinciam in hoc, quod uideris, Patres, discrimen traxerunt. Sed quid dixi Galliam? imò uerius uniuersum orbem: hac enim amissa, alias Prouincias diu in religione contineri non posse, summopere timendum est. Quare cum res in maximam uiderentur redactę desolationem, Omnipotens Deus, qui nobis semper præsens est in tempore opportuno, pace inter Principes conciliata, huius inflaurandi Concilij facultatem nobis restituit, quod diuina primum bonitate, deinde sanctissimi V. N. Pij III. prudentia, & incomparabili erga creditam sibi Ecclesiam charitate, singulari etiam Principum Christianorum uoluntate, uestra præterea Patres, uirtute & diligentia frequentissimum, & certè Reipublicę Christiana maximè necessarium conspiciamus; quàm uerò utile futurum sit, res ipsa indicabit. . . Hoc tam celebri Conuentu omnium permoti animi, omnium excitata studia, omnium spes erecta, omnes uos laudare, omnes uos admirari, quod in tempore tam difficili domibus, opibus, amicis, propinquis, Ecclesiis uestris relictis, non frigora, non maria, non hostium gladios exhorruistis, quin uos huc religionis tuendę, & pacis in Ecclesia Dei constitutendę

*stituendæ gratia conferretis. Fingite uos Patres in am-
 plissimo Theatro constitutos esse, & huius uestræ ac-
 tionis omnes homines spectatores habere, summos, infi-
 mos, bonos, malos, pios, impios, sed non omnes eisdem
 oculis, eademque mente uos intueri: non omnes eun-
 dem exitum huius negotij expectare. Alij enim, qui
 sibi soli sapere uidentur, & de nobis pessimè sentiunt,
 nihil aliud in uotis habent, quàm ut Conuentus hic,
 qui præter suam ipsorum opinionem celeberrimus ena-
 sit, discordibus sententijs dissoluatur, illud secum ra-
 tiocinantes (& meherculè summa cum ratione) ni-
 hil religioni Catholicæ perniciosius, nihil quod eorum
 malam causam magis adiuuet, euenire posse. Quare
 si quæ inter uos aliquando exoriuntur quæstiones, quæ
 longiori egeant tractatu, tùm uerò maxime exultant,
 ut hominum sunt ingenia, qui ea facillimè credunt
 quæ uehementer cupiunt, has controuersias ad concor-
 diam redigi minimè posse certissime sibi persuadent,
 nihil minus quàm Spiritum sanctum in uobis esse con-
 stanter affirmantes. Alij uerò in uobis omnem stem-
 repositam esse cognoscentes, quæ si fallamur, om-
 nia nobis mala timenda esse, tùm precibus apud Deū
 contendunt, tùm uos rogant obtestanturque, ne com-
 muni & necessaria causæ deesse uelit in hoc cum
 alijs conuenientes, Concilij re infecta dimissionem
 grauissimas uniuerso orbi calamitates allaturam,
 in cæteris ab illis omnino dissidentes, siquidem
 istis uestri conatus multo cum honore extollun-
 tur, illis magna cum detestatione deprimuntur.*

Isi

Isti discepciones uestras ueritatis indagandæ studio adscribunt, illi occultandæ desiderio attribuunt: isti charitatis igne nos flagrare arbitrantur, illi contradictionis spiritu agitari calumniantur. Quid plura? boni benè omnia interpretantur, mali in malum omnia detorquent sensum: Quocirca, ut istis, Patres (quod uos prorsus uelle certò scio) satisfactum eat, illud potissimum à nobis expectari existimate, ut cum aliqua quæstio discutienda proponetur, illud Casianum semper præ oculis habeamus, cui bono? ut scilicet, si quid tractandum fuerit, quod ad disciplinam Ecclesiasticam temporum iniuria, & hominum uitio inclinatam subleuandam, quod ad hæreses extirpandas, quod ad pacem in Ecclesia Dei componendam pertineat, in hoc totis uiribus insudemus, & quid agendum sit, sincerè explicemus: at si aliqua inciderint, quæ nobis magnum facessant negotium, rei uero, de qua nunc agitur, moras potius iniiciant, quàm adiumentum afferant, hæc prætereuntes, ad ea, quæ maximè profutura sunt, unanimes descendamus. Duò sunt, quæ à nobis desiderantur, morum castitas, & puritas Doctrina: hæc si fideliter præstiterimus, breui nos summa bonorum omnium cum lætitia ab hoc negotio expedimus, quo nihil primo aspectu difficilius, at si rem interius consideremus, nihil explicatu facilius esse potest. Quid enim difficilius, quàm mores per tot secula deprauatos corrigere, & licentiosam multorum uitam duro seuerioris censura fræno cohibere? Quid diffi-

lius,

lius, quam in tanta opinionum uarietate, ita uestras proferre sententias, ut benè sentientes confirmetis, malè autem opinantes à tenebris ad ueritatis lucem reuocetis? Quid, inquam, hominibus difficilius, quàm Sacras aperire Scripturas, sacra trahiare mysteria & quasi Dei consiliarij fuerimus, illius arcana sensusque scrutari & interpretari uelle? Contrà quid facilius, quàm id agere, quod ut fiat, in tua positum est uoluntate? Iure enim ea difficulta credimus, quæ nobis etiam maximè adnitentibus assequi minime possumus: at huius nostri negotij ea est natura, ut quicquid uelimus, id in Domino possumus, à quo sexcente nobis de hac re factæ sunt promissiones. Fidelis autem Deus est, & eas irritas fieri non patietur. Quid facilius quàm (ne cogitantes quidem) ea loqui, quæ hominum prudentissimi summo studio, summa cura, summa diligentia, non solum non intelligere, sed ne attingere quidem (nisi Deus adsit) unquam potuerunt? At nobis, ne cogitemus quid loquamur, à Domino mandatum est, quem subministratorem uerborum nostrorum habemus, quod suam per nos, non nostram uelit predicari doctrinam. Quid facilius, quàm ueritatis interprete Spiritu sancto, ueras proferre diffinitiones? Ille nos docebit omnia. Ille nobis suggeret omnia. Nihil tam ueritati contrarium est, quàm error at ubi Spiritus sanctus adest, illic, ut omnis error ab sit, necesse est: ergo ne falli quidem possumus, nisi Spiritum resistamus. Ille semper nobiscum est, hic circumuolitat, is hæret parietibus, hic in medio nostrum manet,

ret, non tantum quidem, ut omnia compleat, sed singu-
ari quodam modo nostros occupaturus sensus, quos
si ei aperire uoluerimus, profecto & corda nostra Sa-
cris repleti mysterijs, & linguas nostras (ne cogita-
tibus quidem nobis) ad ea pronuncianda solui sentie-
mus, & magnalia Dei loquentes, ab omnibus summa
cum admiratione audiemur. Reliquum est Patres,
ut ad religiosissimum Principem Emanuelem Phi-
libertum Sabaudie Ducem mea conuertatur Oratio,
qua in re paucis me expediam: Neque enim in illu-
stranda Serenissima illius familia nobilitate, in Di-
tioni latitudine describenda, in rei militaris scientia
laudanda, in clarissimis uictorijs recedendis, denique
in uirtutibus, quibus fulget, innumeris connumeran-
dis immorabor, tum quia is non est locus, tum etiam
quia ea nos ita cognita habetis, ut digitos uestros.
Duo tantum dicam, quæ rationi huius temporis ma-
ximè conueniunt, primum nobis gaudendum esse, quòd
Strenissimus, non tam sua fortitudine antiquum Re-
gnum sibi recuperauerit, quàm sua pietate in religio-
ne Catholica conseruauit. Si quidem eò procefferat
militum licentia, inuitis & repugnantibus, penas ijs
penes quos tunc erat administratio, ut multoties du-
bitatum fuerit penitus actum esse de Religione, quæ,
quòd adhuc in illis partibus retineatur, id totum post
Deum, Sabaudie Ducis uirtuti acceptum ferre debe-
mus. Alterum illud est, quod ab eo precipuum mihi
datum est in mandatis, ut iuo nomine uobis profiteor.
Vos in uestris Decretis obseruandis alacriorem, in exe-
quendis promptiorem habituros neminem. Dixi. RE



RESPONSVM SANCTÆ SYNODI
in admisione Oratoris Illustrissimi D. Ducis Saban
dia datum, in generali Congregatione. Die ultima
Ianuarij, M. D. LXIII.



Euerendissime Domine,
ac Illustris Orator, Mul-
te sunt, & ea quidem gra-
ues rationes, quæ huius
Oecumenicæ Synodi ani-
mum & uoluntatem exci-
tare debent ad ea omni
diligentia persequenda,
& iuuante Domino, perfi-
cienda, quæ summa bono-

rum omnium approbatione insitit. Hoc enim Chri-
stianæ Reipublicæ afflicta sanè & misera conditio po-
stulat, fidelis populus non solum expectat, sed etiam
flagitat, charitas suadet, & Serenissimi domini no-
stri Pij IIII. Pontificis Maximi summa autoritas
suo iure expetere uidetur. Veruntamen spes illa, quæ
indies maior benè gerendæ rei ostenditur, ita eius
studium commouit, ut sua sponte satis incitata nullius
cohortatione indigeat. Nam, ut omittamus eius be-
nignitate, in cuius manu corda sunt Regum, factum
esse, ut præter omnium opinionem pax inter Christia-
nos Principes constitueretur, sine qua, aut Generale

Con-

Concilium cogi, aut de eo conuocando, ne cogitari quidem ullo modo poterat, cum sancta Synodus animo repetit, quæ deinde consequuta sunt, in maximam spem adducitur fore, ut Deus Sanctæ Ecclesiæ calamitates miseratus, laborum suorum exitum afferat, quem omnes optamus. Ac primum quidem illud mirum uideri debet, tantum breui temporis spatio ex remotis, & disjunctis locis Patrum concursum factum esse; Deinde posteaquam de grauissimis rebus agi cæptum est, quamuis in deliberando nonnullæ interdum, & uariæ disputationes orirentur (quòd alia ratione ueritas satis elucere non possit) tamen in discernendo summa inter omnes, & uerè Christiana consensio nunquam defuit. Præterea in quo omnia ferè esse posita uidentur, tanta Catholicorum Principum alacritas, tam propensa in orthodoxam fidem omnium uoluntas, tam animorum conspiratio tot honestissimis legationibus declarata est, ut hoc ueluti certissimum constituendæ Ecclesiæ pignus à Deo immortalis Sacrosanctæ Synodus habeat. At uerò inter cæteros maximi nominis Principes, cuius se uel dignitate ornari, uel pietate, & opibus plurimum inuari posset sibi persuadet, quanti facere debeat Emanuelis Philiberti optimi, & fortissimi Sabaudia Ducis clarissimum nomen atque authoritatem multò notius est, quàm ut pluribus uerbis demonstrari oporteat. Vt autem multa paucis comprehendantur, satis illud argumento esse poterit, quòd Dux noster nobilissimi generis splendorem, Ditionis ampli-

plitudinem, summam bellicæ artis, & cæterarum virtutum gloriam, ita cum ueræ pietatis & Religionis studio coniunxit, ut simul regnandi, & Catholicæ fidei defendendæ initium fecerit. Itaque Reuerendissime Domine, uel quòd eius Principis personam geris, in quo Sancta Synodus, multum præsidij positum esse iure optimo existimat; uel quòd te ipsi uirtutibus ornatum esse intelligit, quæ tam graui personæ & causæ maximè conueniunt summa, & lætitia uenientem excepit, & ea modò loquentem, quæ à prudenti Viro, & pietatis studiosissimo expectanda erant, libentissimè audiuit: atque in posterum omnia beneuolentiæ & humanitatis officia, quæ nunc tibi prolixè pollicetur, re ipsa multo libentius præstabit. Mandatum uerò tuum, prout iuris est, benigno animo admittit.

COMPARITIO ILLUSTRISS. D. COMITIS a Luna, Oratoris Philippi Regis Catholici, in generali Congregatione, Die XXI. Maij, M. D. LXIII.

Protestatio ipsius Comitis super præcedentia. Responsum Oratoris Regis Gallorū, ad Protestationem. Mandatum regis Catholici. Oratio. Responsum sanctæ Synodi.


PROTESTATIO FACTA AB ILLUSTRISSIMO D. Comite de Luna, Oratore Philippi Regis Catholici, in eius prima Comparitione in generali Congregatione, Die XXI. Maij. M. D. LXIII. super præcedentia, quam sibi deberi proximam Oratoribus Regis Romanorum, adferit.



Illustrissimi & Reuerendissemi D. Sanctissimi Patres, Don Claudius Fernandez, Vegil de Quignones Comes Luna, & c. Philippi Hispaniarum, utriusque Sicilia, Hierusalem, & c. Regis Catholici, Archiducis Austria, Ducis Burgundia, Brabantia & Mediolan. & c. Comitis Habsburgi, Flandria, & Tyrolis, & c. Ad hoc Sacrum Oecumenicum Tridētinū Cōcilium, Orator, & c. Et si mihi, ut talioratori, is & alias,

alias, & in hoc Confessu locus debetur, qui primus post Imperatoris Romani Oratorem sedem est (quod ante omnia testificor et protestor) Verum cum hic locus, ea causa, qua de agitur, tempusq; etiam ipsum Reip. sit eiusmodi, ut humanis ullis contentionibus Sanctissimus hic diuinarum rerum, & salutis publicæ petendæ cursus impediri minimè debeat: Cumque sit maximè consentaneum, ut qui ad iuuandum, suscipiendum, præstandum hoc communis causæ consilium adsint, y primum ipsi diligentissimè curent, dentque operam, ne quam à se afferant contentionis, discordiæ, secessionis ullis hominibus uel minimam causam. Cum hæc ita sint, quod ad locum sedemque attinet, accipio quod datur, eoque in præsentia, & quoad erit commodum, utar: ita tamen, ut omnes intelligant uelle me (id quod sedulò prædico ac protestor) ne quod hæc mea moderatio & salutarium huius sacri Oecumenici Conuentus deliberationum à me habita ratio, præiudicium ullum ulla ratione dignitati, Maiestati, iuri Principis mei Philippi Regis Catholici, posteris ue eius afferat: ne ue attulisse uideatur, quo minus & hoc & alio quouis tempore, ac loco, quauis causa, ius id suum integrum eis saluumque sit. Quas ob res ius id Domini mei Philippi Regis Catholici, posterorumque eius nomine iustissimam, uerissimamque intentionem omnibus ut Regibus, loco & honore omni præferatur: & ad has, & alias omnes causas omnia loca tempora reseruatum esse uolo, ac reseruo: ut semper ea iura, eamque intentionem & prosequi & tueri perinde

inde possint, ac si hoc tempore & hoc loco debitus
 mihi, ut tali Oratori locus, quem dixi, datus fuerit,
 ijs omnibus, quæ à quouis hominum obiecta, huic meæ
 asseuerationi & protestationi aduersari uideri pote-
 runt, minimè obstantibus omninoque abnegatis.
 Quam meam protestationem, hoc libello comprehen-
 sam à uobis peto, Patres Sanctissimi, ut aëlis huius
 Sacrissimæ Synodi inferi, adscribiq; faciatis: ne-
 que sine eius integro exemplo hodiernæ actionis hu-
 ius monimenta circumferri, edire cuiquam patiamini:
 mihiq; inprimis huiusce rei exemplum, testationem
 quæ publicis tabulis obsignatam à Reuer. Secret. Scri-
 bisq; uestris iubeatis dari, Patres Reuerendiss.



RESPONSVM ORATORVM CHRI-
 stianissimi Regis, ad Protestationem Oratoris Re-
 gis Catholici, super precedentia in Generali Con-
 gregatione, Die XXI. Maij, M. D. LXII I.



Inos hodie in hac Sancta Synodo
 alio loco sederemus, quàm sem-
 per maiores nostri, & nouissimè
 in Concilio Constantiensi, & ulti-
 mo Lateranensi, qui primi post Im-
 peratoris, & ante oēs ceterorum
 Regum Oratores sederunt: si èt nouus hic locus, in quo
 nunc extra ordinem Oratorū sedere incipit Clariss. Ca

*tholica Maieſtatis Orator Illuſtriſſ. Comes à Luna, poſſet nobis aut alijs Oratoribus eſſe damno. Vos cer-
 tè Patres Sanctiſſ. qui eccleſiam uniuerſalem repre-
 ſentantis nobili uestro officio, & maiorum exemplo
 nos omnes ad antiquum Ordinem reuocaretis, aut
 ſaltem denunciatione Euangelicà nobiſcum agere-
 tis. Cum autem taceatis, neque etiam huic nouitati
 intercedente Clarissiſſi Cæſar. Maieſtatis Oratores
 quibus cum cauſa noſtra non poteſt non eſſe commu-
 nis. Nos qui hodie in ordine Oratorum, & proximi
 Cæſar. Maieſtatis Oratori priſtinam poſſeſſionem
 Regi noſtro conſeruamus, fretique fide, amicitia, &
 affinitate Maximi & Potentiſſimi Philippi Regis
 Catholici in Carolum fratrem pupillum Regem Chri-
 ſtianuſſ. poſtulamus tantum à nobis, ut hodiernum
 dictum & factum Illuſtriſſ. Comitès à Luna ita inter-
 pretemini ne quod inde præiudiciuſ fieri poſſit an-
 tiquiſſimæ prerogatiuæ, & perpetuæ poſſeſſioni
 Regis Chriſtianiſſimi. Idque in acta ueſtra referri
 iubeatis.*



MANDATVM PHILIPPI REGIS
*catholici, exhibitū ab Illustrissimo domino Comite
 à Luna eius Oratore Generali Congregatione, Die
 XXI. Maij. M. D. LXII.*

Hilippus Dei gratia Rex
 Hispaniarum, utriusque
 Sicilia, Hierusalem, &c.
 Archidux Austriae, Dux
 Burgund. Braban. & Me
 diol. & c. Comes Hab
 sburgi, Flandriae, & Ty
 rolis, & c. Recognosci
 mus & notum facimus

tenore praesentium uniuersis. Quod cum superio
 ribus diebus Sanctissimus in Christo Pater ac Do
 minus noster D. Pius IIII. diuina prouidentia
 Sanctae Romanae, ac uniuersalis Ecclesiae Pont. Max.
 Concilium Oecumenicum, & uniuersale Tridenti
 capturn, & per aliquot annos suspensum, ibidem
 proseguendum indixerit ac conuocauerit. Nos uo
 lentes tam sancto, utili, ac necessario operi, quan
 do praesentes, ut cupiebamus, adesse non poteramus,
 per nostros Oratores fanere, & assislere, Illustriss.
 Marchioni Piscariae in mandatis dedimus, ut Ora
 toris nostri munus in ea Sanctissima Synodo gere
 ret, nomineque, ac uice nostris omnia ea ageret

M 3

& procuraret, quæ ad prosecutionem ipsius Concilij
 & felicem eius progressum, utilia, & necessaria fore
 existimaret, nostram operam, studium, & favorem
 Patrib. in eo congregatis, non modò polliceretur: sed
 re ipsa etiam præstaret. Isque munus hac in parte
 (ut de eius probitate, fide, & prudentia confideba-
 mus) adimplerit. Veruntamen cum eidem Sacro
 Concilio interesse, nostrisq; rebus in Insabria, cuius
 administrationi præest, uno & eodem tempore adef-
 se non possit, ita ut cum Tridento absit, causa Dei de
 esse cum à Mediolano discedat, nostris rebus non be-
 nè consultum esse uideatur, eum propterea Mediola-
 ni se continere iussimus, & in eius locum alium Ora-
 torem, qui eodem in Sacro Concilio Tridentino nostro
 nomine compareat, nostrasque partes agat, sufficere,
 & nominare decreuimus. Considerantes ergo singu-
 larem fidem, religionem, & strenuum animum, ac in
 rebus gerendis experientiam & dexteritatem Illust.
 fidelis nobis dilecti Don Claudij Fernandez de Qui-
 gnones Comitis Lunę Consiliarij, & apud Cæs. Maie-
 statem Oratoris nostri, eum ad sacrum Concilium Tri-
 dentinum Oratorem, Nuncium, & Procuratorem
 nostrum (citra aliorum Procuratorum & Manda-
 tatorum nostrorum reuocationem) fecimus, consti-
 tuimus & deputauimus, atq; harum serie facimus, cō-
 stituimus & deputamus. Dantes ei insolidum plenam
 facultatem, & potestatem, unà cum amplo & libero
 mandato, ut in dicta ciuitate Tridentina, & loco in
 eadem celebrationi sacri Concilij deputato, coram
 Re-

Reuerendiss. in Christo Patribus S. R. E. Cardinalibus ac Beatiss. Pontificis Legatis, nominatis, & designatis, aliisque Patribus ibidem congregatis nostro nomine comparere, prædictæque celebrationi Concilij interuenire, eique adesse & interesse, locumque & uices nostras in omnibus Sessionibus, consultationibus, deliberationibus, & actibus, obtinere, atque alia omnia, & singula agere, facere, dicere, gerere, & tractare, procurare, & promouere possit, & ualeat, quæ ex usu Reip. Christianæ & dignitate nostræ fore uidebuntur, quæq; nos ipsi facere, dicere, gerere, tractare possemus, si coram præsentibus essemus, & iam si talia essent, quæ mandatum exigent magis speciale, quam presentibus est expressum. Habituri proinde gratum, & firmum, quicquid per dictum Oratorem, Procuratorem, & Mandatarium nostrum præmisso modo actum, gestum & procuratum fuerit, dolo & fraude remotis. Harum testimonio litterarum manu nostra subscriptarum, & sigilli nostri impressione munitarum. Datæ in oppido nostro Madriti, Die XX. Octobris, M. D. LXII. Regnorum autem nostrorum, uidelicet ceterioris Siciliæ, Anno nono: Hispaniarum uero & aliorum, septimo.

PHILIPPVS.

CONSALVVS PEREZIVS.

PETRI FONTIDONII SEGOVREN-
sis doctoris Theologi Oratio, habita ad Patres in
Sacro Concilio Tridentino, nomine Illustriss. uiri
D. Claudij Fernandez Quignonijs, Comitis Lunen-
sis Regis Catholici, Oratoris. Die XXI. Maij,
M. D. LXIII.



Irabitur fortasse quispiam
uestrum Illustrissimi Lega
ti, Sanctissimiq. Patres,
Clarissimi Oratores, quid
sit, quod cum in ipsis huius
sacri Cōcilij primordijs, Phi
lippus Rex Hispaniarū Ca
tholicus, & Inuicissimus,
Illustrissimum Marchionē
Piscariū, lectissimū, & or

natissimū uirū ad uos iā Legatū miserit, qui alijs gra-
uissimis sue Maiestatis negotijs occupatus diutius hic
adesse nō potuit: nunc tādē ipso Cōcilij flexu, extremo
que decursu eius etiā nomine, Claudius, hic, Quignoni
us Comes Lunensis, nīr maiorum gloria, & maximarū
ipse uirtutum splēdore clarissimus, euocatus ex Germa
nica legatione, qua apud Cæsarem fungebatur, denuo
legatus Tridētum aduenerit: Sed cū huius cōsiliij cau-
sam rationēque cognouerit, nihil ab eo fieri consultius,
nihil ijs temporibus aptius excogitari, nihil uobis
nunc

nunc Sanctissimi Patres gratius, nihil incundius accidere potuisse indicabit. Nam cum post decimum octauum iam annum quo sacrum istud Concilium inceptum, temporum iniurijs intermissum, bellorum procellis iactatum, & inimicorum nostrorum insidijs sæpe dissipatum fuisse uidemus, Portum quem iam, ueluti ex alto conficitis, Grauisimi P. diuini spiritus aura fauente, breui, complicatis uelis, sitis occupaturi, in quo & uos ex tam longa iactatione nauis quæ recreati conquiescere, & afflicta Ecclesia Christiana ope, & auxilio uestro, erepta, ex hoc miserrimo naufragio respirare, & placidiorem deinde felicioremque sibi possit cursum polliceri: Cumque decreta uestra Sanctissima, quæ suspensis omnium bonorum animis spectantur, in omnes Christianorum prouincias diffundi iam, atque dilatarı debeat, quæ magnopere Regum presidium, auctoritatemque requirant, in tantis presertim huius seculi infelicissimis perturbationibus, quibus sic aestuat orbis Christianus ut neque Conciliorum auctoritates spectentur, neque leges audiantur, sed uis, furor, audacia, gladiique dominantur: cum denique insit iam tempus illud, in quo Reges & Principes Christianos, quos hactenus hic per Legatos rerum, quæ à nobis gerebantur, testes, & spectatores habuistis: Nunc patronos, & defensores sitis habituri. Nunc inquam, nunc uoluit Catholica Maiestas uobis per hunc ornatisimum uirum renunciare, separatim iam esse ad agendas illas partes, quas Martianus Imperator, qui Concilio interfuit

fuit Calcedonensi, Imperatoribus & regibus Christianis dixit esse suslinendas ut ueritatem per sacrum Concilium inuentam sic illi tuerentur, ut exorientibus illius causa tumultibus obuiam irent, & exortos seuera animaduersione coercerent. Voluit significare, se libenter, omne suum Imperium, quod sibi in primis ad Ecclesiæ salutem, ad conseruandam Religionem, ad tuendas uestras sanctissimas leges diuinitus sentit esse tributum, ad protegendum hoc sacrosanctum Consilium, & illius decreta esse collaturum. Voluit demum significare, se cupere uehementer hanc sanctam synodum, quam Carolus Quintus Imperator Clarissimus eius pater primò nascentem fouit, aluit, prouexit, & ut adolesceret summo studio elaborauit, cuius causa bella difficilima & periculossissima suscepit: & quam nunc etiam religiosissimus, & inuictissimus Ferdinandus Imperator eius patruus, summa pietate, & studio resarcienda religionis inflammatus, consilio, & opera sustentat, ipse etiam simul eam ad felicem exitum frugemque perducere. Nam ab illo die, quo Christianam Religionem simulque cum amplissimo Regno à paternis humeris in suos deuolutam inclinantemque prospexit, omnia sua consilia, studia, cogitationes ad eam instaurandam & reficiendam conferendas putauit. Et cum duo sint officiorum genera, quæ à Principibus Christianis, ipse potissimum temporibus Ecclesiæ Christi suo iure possit exigere, Alterum ut cogendo celebrandoque Concilio, (quod unicū sæper fuit afflictis, & calamitos

lamitosis illis rebus remedium adessent, atq; fauerent;
Alterum, ut Prouincias sibi subditas in antiqua Reli-
gione, & obedientia Sedis Apostolica conseruarent :
sic in utroq; prædando se gessit, ut si gloriosam illā Ca-
tholici Regis cōpellationem à maioribus hereditario
iure non accepisset, illam nunc iure optimo fuisset om-
nium iudicio amplissimam consecutus, acceptam uerò
posteris longè sit illustriorem traditurus. Etenim
cum Pium IIII. sanctissimam, & pijsimum Pontifi-
cem Maximum & persona, quam sustinet, & pietas
incredibilis, & miserabilis Ecclesiæ ruina, & Chri-
sti gloria ad cogendum, & terminandum iam hoc tan-
tum Concilium impulisset : nullam ille officium, quod
à uerè Catholico Principe separari posset, præter-
misit. Pastores Hispanos (ipsum inquam Hispaniæ
florem) quos hic præsentés intuemini, è suis illicò se-
dibus excitauit, & Tridentum misit, quorum studi-
um in tuenda Religione, in instauranda ueteri discipli-
na, grauitatem, sapientiam in dicenda sententia, in tu-
enda constantiam, in optanda Ecclesiæ salute, pietatem,
in querenda diligentiam, fidem, & industriam nobis ta-
centibus, uel hec ipsa amplissima uestra subsellia te-
stantur. Doctores præterea omni litterarum & uirtutis
genere præstantes, quorum singularem eruditionem,
quorum studium in inuestiganda ueritate, in refel-
lendis erroribus, uim, & acrimoniam, suggestum
etiam illud theologicum abundè nobis Sanctissimi
Patres indicauit. Curauit præterea diligenter, ne
quid detrimenti Concilium ab aduersarijs acciperet,
ne quid

ne quid Ecclesia hostes molirentur, & ne illorum insidijs, aut hostilibus armis hic uester cursus felicissimus impediretur, sollicitè prouidit: suas omnes vires atque potentiam ad protegendum hunc locum pollicitus est, ut sine ullo metu, sed summa securitate Ecclesie saluti consuleretis. Quanta uerò sollicitudine, Prouincias, Regna, Nationes suo Imperio subiectas in officio continuerit, & conseruauerit, ne ab Ecclesia unitate, & Romani Pontificis obedientia abduccerentur, uel aliud abundè magno est argumento, quòd in illis potissimum sinceram Religionem, & Apostolicæ Sedis obseruantiam florere uideamus. Testis est in primis Hispania, in qua cum tot haberet Philippus domesticæ exempla clarissimorum Regum, qui acerrimi Religionis assertores extiterunt, è quibus degenerare turpissimum, quorum uirtutem imitari gloriosum duceret: Cum in mentem reuocaret ueterem illam Religionem, & antiquum insinuandum, quod Decretis Toletani Concilij ab Hispaniæ Regibus exigebatur, ne aliquem non Catholicum in ea prouincia uersari paterentur: Cum aui Philippi, cum atui Ferdinandi recordaretur, de cuius singulari in Religionem studio, nulla unquam ætas, nulla posteritas conticecet. Cum Caroli V. Imp. maximi parentis sui uiua recensque memoria immortalis dignissima ante illius oculos obuersaretur, memor antiquæ religionis, memor Hispanicæ gloriæ, memor patriæ auitæque uirtutis: ueritus ne Hispania in has tantas hæreticorum insidias incideret, ne communi

hoc

hoc totius orbis naufragio religiosissima prouincia mergeretur, ueritus denique, ne aliqua sua culpa, aut negligentia Hispania debonestata & maiorum suorum gloria obscurata uideretur, tam sollicitam curam, tam uigilans studium adhibui, ut eius beneficio inter sancias, & furentes uicinas prouincias Hispaniam incolumen, & sanam habeamus, tanto ceteris Regibus antiquis maiorem gloriam adeptus, quanto est gloriosius, nauem in magna aliqua tempestate, quàm in portu regere, & conseruare, quanto est illustrius & magnificentius Hispaniam ex tam pernicioso, tam funesto, & tam uicino incendio & quasi ex ipsis saepe haereticorum unguibus & faucibus eripuisse. Etenim cum nosset illud haesum uasrum, & callidum ingenium, quæ insidias amant, quæ latere cupiunt, quæ occultis meandris & cuniculis irrepunt in hominum mentes, omnia tam sollicitè circumspexit, ut non modo utcunque tectos & occultos haereticos, sed ipsam haesim in ipsis animorum uenis medullisque latentem detexerit, morbum ipsum tacitè grassantem, tam diligenter inquisierit, tam sapienter aperuerit, tam opportunè sanauerit: ut si ulli mortalium, illi potissimum, secundum Deum tanquam assertori religionis, acceptam Hispaniæ salutem referre debeamus. Quoties obsecro ille haesim per utrasque Pyrenæorum montium fauces ex uicinis Prouincijs in Hispaniam irruere conantem propulsauit? Quoties illam se tacitè insinuantem, & obscurè serpentem, è tenebris in lucem, è latebris in hominum

minum conspectum extraxit, & sublati nefaria con-
 iurationis ducibus extinxit? Quoties illam ad ex-
 tremos Indos nauigare cupientem repressit? Nulla
 unquam hæresis Sanctissimi Patres, tanto exarsit flu-
 dio se propagandi, sicuti hæc, quæ miserè nunc affli-
 git Ecclesiam, quæ non contenta us Europæ Regioni-
 bus, quas omnes ferè crudeliter uulnerauit, neque
 in terra flammæ, neque in mari naufragia, non ho-
 minum gladios, neque diuinam iram perhorrescens,
 emenso uastissimo pelago in Occidentalem Indiam com-
 migrare cupiebat, ut illic in ipsis Indorum animis
 primo nascentis, & pullulantis Religionis ipsas radi-
 ces inficeret: Et in illam latissimam Regionem, in quam
 Rex Catholicus Ferdinandus Hispanorum signa, Chri-
 sti nomen illis gentibus inauditum, & purissimam
 castissimamque Religionem Christianam primus in-
 uexit, ipsa furias & Erinnes asportaret ad illius pa-
 cem tranquillitatemque turbendam. Et nisi illius ue-
 farie cupiditati interceptis sæpe libris & sceleratis
 Sathane ministris comprehensis, obuiam isset Philip-
 pus, nisi ab illo cursu, quo in Iudiæ perniciem prope-
 rabat, ab illa improba spe conatuque depulsa fuisset,
 hæud dubiè iam in Indiam cum ingenti illius orbis
 periculo, & acerbissimo Ecclesiæ dolore penetrasset.
 Cum magnum præterea Hispaniæ periculum ab hære-
 ticorum libris imminere conspiceret, omnes mariti-
 mas oras, quæ mediterraneo mari & Oceano abluun-
 tur, diligentia custodia munivit, ut nullus aditus hu-
 iusmodi libris, aut sceleratis ministris patere po-
 tuisset

tuisset. Quod si contingeret aliquando (ut est insidiosa hæresis) ut latebram aliquam (qua esse insinuaret) inuenisset: omnibus in locis & in omnibus oppidis industrios, & oculatos homines collocauit, qui omnia odorarentur, & subolfacerent, omnia curiosis oculis rimarentur, ut obsessa ijs firmis presidij, hæresis contra religionem se commouere non posset, quin quamprimum emerisset, compriimeretur. Sic ergo Dei in primis optimi maximi clementia, & huius clarissimi, & uerè Catholici Principis industria, uiget in Hispania religio, fides, & doctrinæ puritas, sic floret antiqua disciplina, sic sancta illa, & minimè curiosa, sed uerè Christiana prudensque simplicitas in Hispanorum animis conseruatur, Vt mihi quidem, quoties afflicta Mater Ecclesia, reliquas Prouincias, erroribus æstuantes, à quibus se pulsam lamentatur, egro & consternato animo lustrat, cum deinde luctu mæroreque confecta, oculos lacrymis manantes, in Hispaniam conuertit, quàm sibi iactata portum dulcissimum, & sacram anchoram, quàm afflicta solatium, quam misera perfugium, quàm denique exuli & calamitosæ unicam aram ad quam confugiat, intuetur, suas omnes misérias illius suauissimo conspectu consolari uideatur. Utinam, utinam Sanctissimi P. hanc Catholici Regis seueritatem, in coercendis ijs hominibus nouarum rerum cupidis, Principes omnes, & Respublicæ Christianæ fuisset imitæ. Vos utique hac celebrandi Concilij sollicitudine, &
Eccle-

tudine contraxisset , nisi illius salutis opportunè fuisset
diligenterque consultū , eodem fuisset iam cum reliquis
Prouinciis funere sublata . Testis est Mediolanum ,
Neapolis , Sicilia , ceteraque Insulae , Regna , Prouin-
cie , Nationes , quotquot eius latissimo continentur
imperio , quibus antiqua religio summo Catholica
Maiestatis studio , consilio , & industria conseruatur .
Testis est demum , nunc etiam uicina Gallia , in qua-
cum uideret hareses in apertum furorem prorupisse ,
arma contra Regem Christianissimum & contra
religionem arripuisse : nonnullos Angliae & aliqua-
rum prouinciarum Germaniae Principes ad illa etiam
infelicia & sacrilega arma sollicitasse , omnia iam
turbasse , omnia commouisse , incendiis omnia ,
& cedibus funestasse , miserorum Gallorum san-
guine ipsa templa cruentasse , flumina infecisse , odi-
um suum , crudelitatem , & rabiem saturasse , ea de-
nique immanitatis exempla in amicos , in fratres , in
parentes , in patriam & in Ecclesiam adidisse , quae
solicem dolore frangere , quae ab ipsis rupibus & sa-
xis commiserationem & lachrimas extorquere po-
tuisent , ne ructi in Gallia religioni , ne Christianissi-
mo & amicissimo Regi , ne clarissimo Regno deesse
in tanto discrimine uideretur , contra tantam uim
secleris , audaciae , & proditiois eorum hominum ,
qui praetextu religionis Regi suo & infanti , et pupil-
lo nefarium bellum intulerunt , suas omnes uires , potetiam ,
opes , se denique ipsum cum magno exercitu ad pro-
pulsandam illam insignem iniuriam , obtulit Christia-
nissimo ,

N

nisimo ,

nisimò & sibi charissimo Regi: ille uerò, qui iam exercitum numerosum contra ciues contumaces & perfidos proditores, comparauerat, & ad id bellum clarissimis Gallia ducibus utebatur, exiguis Hispanorum & Germanorum auxiliaribus copijs contentus, Deo auspice, ita feliciter cum auersarijs pugnauit, ut parua clarissima uictoria, quam accerrimis illis religionis propugnatoribus præstantissimisque Ducibus Catholici adepti sunt, fracti hostium conatus, & afflictis Gallorum rebus, signum quoddam salutis sublatum fuisse uideretur. Etenim si penes aduersarios extitisset illa uictoria, nullus erat, qui non de religione, & de Catholicis omnibus actum in Gallia esse iudicaret. Memini nos Sanctissimi P. exhilaratos illo latissimo nuncio & in maximam spem erectos, eo die decretis supplicationibus, ad agendas Deo Opt. Maximas gratias pro tam singulari beneficio in Diui Vigilij templum latis animis conuenisse. Neque enim ullus dies latior Gallia, aut felicior illuxit illo, quo, illas deterrimas furias omnia populantes in acie concidisse conspexit: Nullumque tunc ex uos extitisse, qui diuinam misericordiam agnoscens non exclamarit, O diuina bonitas, o summa clementia, & misericordia summi Dei, qui licet hæc mala in Ecclesia Christi ob nostra scelera exoriri patiaris, non tamen illa diutius ad nostram perniciem & tuam contumeliam dominari permittis: Neque enim sine diuino consilio accidisse, tunc omnes arbitrabatur Sanctissimi P. ut illi tã perditæ religionis hostes & re-

gni

gni proditores ex occultis illis, & perniciosis insidijs, in apertum latrocinium conijcerentur, ut debitas aliquando tantis sceleribus penas sustinerent, & ut illa ferox, audax, cruenta, & superba haresis, quæ erecta cervice, euaginato gladio, ardentibus oculis, furorem & crudelitatem spirans: tot populorum strages, Urbium eversiones, templorum ruinas, cades miserabiles adebat, interitum denique Gallia, & extremam perniciem minabatur, fracta tunc, atque debilitata iaceret, & ingemisceret, & Ecclesia illa Gallicana, quæ quondam inter summas Christianæ religionis delicias, ob eius pietatem incredibilem habebatur, & tunc toto corpore saucia, & animo consternata iacebat, oculos illos, quos lachrymis præ dolore madidos præ pudore in terram defixos habebat, ad aspiciendam lucem attolleret. Hæc sunt Sanctiss. Patres Catholici regis in Christianam religionem officia, quæ non solum in suorum Regnorum finibus, sed in alijs etiam provincijs atque Nationibus versantur. Quæ quidem ego omnia, ut omnibus nota, & explorata, silentio libenter præterissem, nisi, non tam ego huius tanti Principis laudes, quam vestrum, & afflicta Ecclesie solatium, spectassem, quod in tantis ærumnis & calamitatibus huius Clarissimi Regis, & rerum ab illo gestarum commemoratione capere debuisset. Neque uerò illud prætermittendum existimo, quod ad summam eius laudem, & totius Christianam orbis utilitatem arbitror pertinere, quod cum grauitur, & iniquo animo ferret religionem non

terra modò, sed mari etiã ab hostibus infestari, quòd infinitis sit. predonibus. refertum, à quibus non solum ora maritima omnes, miserè crudeliterque vexentur: sed quòd est omnium longè miserrimum, Christiani innumeraeabiles capivi abducantur, qui (quod sine lacrimis, & dolore commemorari non potest) partim blanditijs allekti, partim misera, & longa servitute fracti, partim metu, uique tormentorum coacti, ad deferendam (proh dolor) Christianam religionem impellantur. Cum nullè præterea maritimæ ciuitates, nulli portus, nuxæ oræ, nulli abduci, & sepositi sinus tu ti satis, atque securi sint. Cùm nulla Navis, nulla Tri remis oram, per hosce annos è portu soluat, quæ non interitum, aut servitutem perimescat, ut aut hyeme cum fluctibus, aut vere cum pyratis sit predonibusque pugnandum: classem parat numerosam, qua clausa nobis maria patefaciat, qua pyratis expurget, qua securam reddat navigationem, qua denique Christianam religionem terra marique tueatur. Et tamen in hoc tam uasão curarum Oceano, cùm spem omnem Ecclesiæ sitam in uobis nunc, & collocatam, è uestris Sanctissimis Decretis potissimum pendere uideat, nunquam ab hoc Sacro Concilio remouet oculos, sed, ut Regem uigilantem, & religiosum decet, omnia circumspicit, consilia atque contus hostium diligenter obseruat, ne ullis technis, aut prauis hæreticorum consilijs dissipetur, quo sublato, simul etiam spem omnem salutis Ecclesiæ sublatam, & ereptam intuetur. Militum si sit necesse, firmissima hic præsidia collocaret

& si ad tuendum hunc locum sacrosanctum, & Concilij libertatem fuisset opus, iam hic ipse armatus adesset, & nunc absens corpore, praesens animo inter haec subsellia, & uestra latera, mente saltem, & cogitatione uersatur, & se iam ad tuendas uestras sanctissimas leges, paratum esse denunciat. Atque hoc est primum huius legationis caput, & eius rei gratia, hic uir Illustrissimus Legatus aduenit, quem cum intuemini, Philippum uos religiosissimum & potentissimum Regem intueri, atque hic praesentem adesse existimate. Quis ergo iam erit, qui non istius legationis iustissimam hanc & optimam esse causam arbitretur? Quid enim uobis optatius Sanctissimi Patres euenire potuisset, quam tam piū, tam religiosum, tam Catholicum, & tam potentem Regem pro dignitate uestra, & Ecclesiae salute contra sacrilegam haereticorum audaciam, pietate, & ferro, magnitudine animi, atque potentia armatum uidere? Quis non uideat Deo Opt. Max. gratias immortales agendas esse, quod eius diuina bonitate in tanta Catholici Regis potentia, tam incorrupta fides, pietas, religio, tam ardens instaurandae religionis studium, his praesertim calamitosi temporibus conseruatur? Sed uenio iam ad alterum huius legationis caput explicandum, in quo quid nunc Catholica Maiestas à uobis Patres Sanctissimi postulet, quid optet, quid expectet, breuiter aperiemus: quanquam neminem esse arbitror, qui cum ea, quae pro tuenda religione ab illo gesta sunt, in memoriam

renocauerit, non eius nunc sanctissimum uotum deprebandat. Duo etenim sunt, qua à uobis præstari Ecclesia Christi hoc tempore uehemēter exoptat: Alterum, ut ad reficiendas miseras illius ruinas, ad colligendas & confirmandas has exiguas reliquias dissipatae religionis omni studio (sicuti uos facere intelligit) incumbatis. Alterum uerò, ut non prius de discessu ex hoc loco cogitetis, quàm rem omnium seculorum grauisissimam, difficillimam, & maximè necessariam sepe cæptam, & infeliciter intermissam perficiatis. Neque enim ulla magis letalis, & mortifera plaga infligi potest Ecclesiae, quàm sit hac unica & extrema iam sepe destitutur: non tam atrox, exitiale uulnus, hostium crudelitate petita, quàm discessu uestro desertata atque destituta suscipiet. Iam uerò in gerendis rebus illam quam hactenus retinuistis consuetudinem magnopere probauit, conseruari cupit, ut doctrina simul atque morum uulnera curentur. Et licet non defuerint, qui uos prorsus à doctrina ad sanandos mores traducere conarentur, minimè tamen illam prætermittendam prudenter iudicatis. Cum sit praesertim maioris ponderis, atque momenti, cum illa semper fuerit consuetudo ueterum Conciliorum, cum maius periculum ex conuulsa Euangelica ueritate, quàm ex deprauatis quorundam moribus Ecclesiae comparetur. Sed illud in primis summi uotis exoptat Ecclesia Maiestatem uobis (ut par est) Sanctissimi Patres esse charissimam, & illorum piam fortasse magis quàm circumspectam sententiam diligenter à uobis

bia

his examinandam & exponendam arbitratur, qui multa nunc Christianæ religionis hostibus à uobis putant esse permittenda, ut Indulgentia uisita ad Ecclesiæ sinum reuertantur. Qui uos id præstandum, & ad hanc quam petunt misericordiam, uel ea ratione conantur impellere, quòd Parentes sitis, qui filiorum pereuntium saluti indulgentia paterna prospicere: Pastores, qui abactas oves, summo studio, & charitate conquisitas, ad Ecclesiæ caulas reuocare: Pientissimi medici, qui non acerbam aliquam (neque enim illam tempora patiuntur) sed blandam, & exulceratis animis aptam medelam adhibere debeatis. Fuisse iam dicunt quondam secula quædam, quæ uirgas ferreas & secures pati potuissent: Nunc uerò in tanta temporum & animorum acerbitate, nonnulla esse hominum si non improbitati, imbecillitati saltem, à uobis condonanda. Ita ut in curandis his morbis, temporum potius quam rerum rationem habuisse, pietatem, quam seueritatem, summam clementiam, quam summum ius secuti fuisse uideamini, atque hanc uicinam esse uiam conciliandæ pacis arbitrantur. Pia sanè, & à sincero Cristianoque pectore profecta, neque à uobis sanctissimè Patres repudianda sententia, si hac ratione concordia, & unitatis conciliandæ certa spes eluceret: Sed quæ obsecro spes pacis cum illis esse potest, qui infinitis alijs erroribus ita pertinaciter adhaerunt, ut facilius à uita, quam ab illis depellantur? Quæ pacis certa conditio cum illis, in quibus incredibilis crudelitas, & nulla iam fides repe-

ratur? Cum iis qui non ipsi se ad Ecclesiam uenire:
 sed Ecclesiam ad se adducere, & suis cupiditatibus
 subūcere conantur? Cum iis, qui illis rebus, quas uehe-
 menter expetunt, uel hoc uno nomine, quod à
 Concilio concedantur, se minimè usuros esse profiten-
 tur, si non concedantur nihil curent? Quæ ista erit hu-
 manitas, pietas, aut clementia? Non est uobis cer-
 tamen Sanctissimi Patres, cum ijs hominibus, quos
 nullum beneficium, ulla pietas, quos ulla iam possit fle-
 flere misericordia. Utinam sic illi uestram authori-
 tatem agnoscerent, utinam sic essent in sacrum istud
 Concilium animati, ut si quid à uobis nunc in illorum
 gratiam decerneretur, optimè secum & clementer
 actum esse putarēt. Sed quis sibi persuadere potest,
 eos uestram clementiam requirere, à quibus authori-
 tas uestra negligatur? Crudelis esset hæc sanè miseri-
 cordia, quæ in nullum eorum emolumentum, & in
 maximum fortasse Ecclesiæ dedecus redūderet. Quæ
 ea semper usa est gravitate atque constantia, ut mul-
 ta suis hostibus, quæ honestè concedi potuissent, ad
 infringendam illorum pertinaciam sæpissime denega-
 uerit, non est necesse exempla referre, uos ipsi recor-
 damini. Vestri igitur erit nunc Sanctissimi Patres sic
 illorum saluti Ecclesiæque maiestati consulere, ut om-
 nia ex huius potius dignitate, quàm ex illorum libidi-
 ne geri uideantur. Illud denique ad extremum nō mo-
 dō Rex Catholicus, sed uniuersus Christianus orbis à
 uobis ardentibus, & suspensis animis optat, & expectat,
 ut infructuosis questionibus (quæ nullum Ecclesiæ

com-

commodum , aduersarijs uerò maximum scandalum parere possunt) omisfis , omnium Christianorum ordinum ulnera sanare studeatis , ut omnia illa Christianæ Reipublicę uitia , quæ Deo stomachum mouerunt , & ad sumendum hoc de nobis supplicium acerbissimum prouocarunt , ab Ecclesia Christi repellatis , ut ipsos malorum fontes , unde hæc , quæ modò patimur , promanauerunt , conijciatis oculos , & ea quæ diuinos oculos offenderunt , quæ hostium animos à nobis alienarunt , & quæ tacitas etiam uulnerant scilicet cogitationes , è medio tollantur , ut ipsæ denique malorum radices extirpentur , quæ licet sine aliquorum dolore euelli non possunt , patienter ab illis & æquo animo ferendum est , si Ecclesiam saluam esse cupiunt : sæpè etenim membra uruntur , & rescantur , ut unius hominis salus & uita conseruetur , eò iam miseriarum uentum est , ut (quo Medici de sperata egri salute facere consueuerunt) extrema iam remedia Sanctissimi Patres , experiri debeatis : hoc è uobis ipsa petit Ecclesia , hoc temporum conditio requirit , hoc omnes clamant , hoc Principes , Reges , Reipublicę , populi , prouincia , Nationes , hoc filij , & hostes , Catholici , & hæretici postulant , hoc ipsi iam lapides saxaque loquuntur , hoc tot incendia , cædes , ruina , hoc tot martyrum , qui passim pro Christo trucidantur , effusus sanguis , & luciferos uoces , hoc denique hic tantus , quem uel hic uos audire arbitror , uentium Ecclesiarum fragor efflagitat : Quæ quidem mala omnia , cum præ se ferant

FINIS

flus Ecclesia, Angeli, Apostoli, totus orbis Christianus, presens seculum, & ipsa etiam posteritas, ad quam hæc pestis non compressa promanabit, in re de vobis queri possit aliquando. Erunt etenim futuris temporibus multi, cum ex historijs huius miserrimi seculi calamitates, & Ecclesiæ ruinas collegerint, cum occurrendi ijs malis gratia, hoc tantum Concilium, tanta Patrum frequentia, tam opportuno loco atque tempore, tanto Regum & Principum Christianorum præsidio coactam celebratamque cognoverint. Si (quod Deus auertat) nihil nos adiumenti Ecclesiæ rebus attulisse, sed (re infecta) discesse uiderint, in quem obsecro existimatis, huius mali culpam illos esse deriuaturos? Vobis planè quibus tanta affuerit sanandæ Ecclesiæ facultas, uoluntatem defuisse, mirabuntur illi quidem & stupefcent. Efficite ergo Sanctissimi Patres, ut & ijs iudicibus, & populi nunc Christiani uotis, & tantæ totius orbis expectationi satisfactum à uobis fuisse uideatur. Hoc est, quod Catholica Maiestas uehementer exoptat, in quo si omne suum Imperium, dignitas salus, & uita essent periclitanda, libenter hæc omnia ad Ecclesiæ salutem incolumitatemque conferret. Huius rei gratia, hanc instituit legationem, & hunc Illustrissimum uirum, cuius singularis prudentia, moderatio animi, fides, religio, probitas, in magnis & arduis rebus sibi cognita satis, & perspecta est, cuius maiores bello, & pace clarissimi, & de Hispaniæ Regibus, de Republica Christiana, & de religione benemeriti semper extiterunt,

extiterunt, qui has omnes hæresibus infectas Prouincias peragravit, qui hæreticorum consilia, intimos sensus conatusque perspexit, qui est sue Maiestati charissimus, ob magnas excellentesque uirtutes, qui denique dignissimus uisus est, qui tanti Principis personam tantam sustineret. Hunc inquam ad uos sua in hanc sanctam Synodum uoluntatis & obseruantie, in religionem studij, in Ecclesie salutem, animi testem obfidem mittit, qui suum istum uobis animum patefaciat, qui polliceatur se curaturum, ne leges à uobis ad instaurandam religionem conditæ, uiolentur, ne decreta ab hostibus conuellantur: sed ut hæresis, uestris sententijs iugulata, à se penitus in omnibus suis regnis atque Prouincijs extinguatur, ut pax uestra sapientia parta, sua potentia conseruetur, ut deniq; summa in primis misericordia Clementissimi Dei, uestris deinde Sanctissimis Decretis & suis armis, Ecclesiam (quod futurum sperat) pristina dignitati & splendori restitutam, letam, florentem atque beatam in Christi Optimi maximi gloriam & laudem uideamus. Dixi.

RESPON-

RESPONSVM SANCTAE SYNODI

in admisione Illustris D. Comitissae à Luna Orato-
ris Sereniss. Philippi Regis Catholici, da-
tum in generali Congregatione, Die
XVI. Maij. M. D. L XIII.



AGNO in dolore Illu-
stris Orator, quē in cōmu-
nibus miserijs capimus,
non mediocrem nobis con-
solationem attulit tua ista
eximie Serenissimi ac po-
tentissimi Philippi Regis
Catholici in Christianam
Religionem, atq; in hanc
sanctam Synodum pie-


tatis ac studij commemoratio: Non eam quidem ob
causam, quod ignotus nobis antea fuerit tam pñ, tam
que de Christiana Repub. benemeriti Principis ani-
mus: sed quod ea, quae sigillatim superioribus tempo-
ribus animaduerteramus copiosissime nunc explica-
ta, atq; ante oculos posita uno aspectu omnia conspe-
ximus. Atq; illud in primis gratū nobis, atq; iucun-
dum accidit, & maximam nostris animis alacritate-
tem accidit, quod sua Rex studia omnia, suis vires
(quae quantū sint, non ignoramus) ad ea quae sanxerim-
us, tuenda, atq; defendenda se collaturum tanto ani-

mi

mi ardore pollicetur. Quod idem Pientissimum, atque Inuictissimum Casarem, aliosque Christiani nominis Reges, ac Principes facturos cum exploratum nobis sit, quibusdam quasi stimulis incitatur, ut accuratè operam demus, uti actiones nostræ, tot ac tantorum Principum studiis cumulatè respondeant. Atque id nos quidem, & sponte nostra, & Sanctissimi Domini nostri cohortatione iam diù facimus: Nihil enim aliud ex quo die huc accessimus, meditatur, neque in alia cura, atque cogitatione uersamur, quam ut & in morum, atque Ecclesiastica disciplina emendatione, & in doctrina Catholica explicatione, nostras partes diligenter exequamur: sicque omnibus in rebus tueamur cum pietatis moderatione iustitiam, ut publicæ utilitati maximè consulatur, atque ad optatum tandem exitum hanc Sanctam Synodum perducamus. Id quod à Deo immortali petere quotidie summis precibus non desistimus: & cum à bonis omnibus, tum à Pontifice ipso Maximo summoperè considerari intelligimus. Quamobrem cum prior Orationis tua pars, quæ Catholicæ Maiestatis egregia facta, propensamque in Dei Ecclesiam uoluntatem, atque ingètia merita complectebatur, nos mirum in modum delectari: posterior etiam, quæ de labenti, ac prope cadenti Christiana Republica fulcienda, atque in pristinum (quoad eius fieri possit) dignitatem renouanda, præclara multa continebat: ea, ut mirificè cum nostris sensibus atque consilijs conueniebat, ita grata nobis admodum fuit. Nunc (quod huius temporis est) quantas

ma-

maximas possumus Regi ipsi gratias & agimus, & habemus, tum pro singulari eius, ac perpetuo in Catholicam fidem studio, à qua gloriosum illum titulum sibi à Maioribus suis relictum, præclare tuetur: tum pro recentis ac tam pie in Sanctam Synodum voluntatis professione: eum uerò aliam quòd te potissimū, Illustris Orator, ex magno clariss. atq; ornatiss. uirorum numero delegerit, quem post Illustrē Marchionē Piscarię, ad nos huc mittere. Cuius præsentia, non mediocre communi huic causæ & adiumentum, & ornamentum afferret. Neque enim ignoramus quanta prudentia, moderatione animi probitate, religione, & maximarum rerum tractatione excellas. Quare sancta hæc Synodus letissimis te oculis atque libentissimis animis, & intuetur, & excipit. Ac mandatum tuum, prout iuris est, libenter admittit.



LITERÆ ILLVSTRISSIMI COS-
mi Floren. & Senarum Ducis, exhibitæ à Reueren-
diss. Domino Episcopo Cortonen. eius Oratore, in
Generali Congregatione, Die XXIIII. Iulij,
M. D. LXIII.



Illustrissimi, Reuerendissimi, & Amplis-
simi Patres Domini obseruandissimi, Hie-
ronymum hunc Gladium Episcopum Cur-
tonen. nō minus nobilitate nataliū, littera-
rum peritia, morum grauitate, rerumq; gerendarum
solertia, quàm ordine Pontificio, ac Religione præ-
clarum

clarum ad Amplitudines Vestras, ac Sacrosanctam
 istam uniuersalem Synodum, alterum iam Oratorem
 legauit, prosequendi officij causa ipsis affuturam. atq;
 ijs, quæ ad diuinæ Maiestatis gloriam, recte fidei cul-
 tum, atque Sacræ Romanæ Catholicæ atque Aposto-
 licæ Ecclesiæ reuerentiam, nostræ item perpetua uo-
 luntatis, & in amplissimum ordinem istum obsequij
 promptitudinem pertinent, explicandis, partes no-
 stras adituras. Sicut autem quæ sui muneris fuerint,
 probè ipsum atque ex animi mei sententia implctu-
 rum spero: uicissim quoque studiosè peto, easque im-
 pensius rogo, ut comiter illum ac benignè excipiant,
 & (quæ illarum est humanitas) audiant patienter:
 ipsique in omnibus coram explicandis & tractandis
 indubitatam fidem non secus ac mihi metipsi habere
 uelint: ac sibi persuadeant, nihil mihi antiquius, ni-
 hil optabilius fore, quodque studiosius ac uehemen-
 tius curaturus sim, quam ut dignitatis & existima-
 tionis earum ubique gentium ratio & honorifica in
 primis mentio habeatur: utpotè quæ maximè Chri-
 stiani orbis afflicta Reipublica misereantur, con-
 gruamque tandem corporis huius uulneribus ac scis-
 suris medelam adhibere conentur. Quas Omnipotens
 Deus, qui eas ad id munus, & ministerium obeun-
 dum, curandumque assumpsit, seruet incolumes. Flo-
 rentiæ, Nonis Iulij, M. D. LXIII.


Earundem D D. VV. deditiss.

COS. MED. FLOREN. ET SEN. DVX.

A TERGO

A T E R G O.

Illustrissimis & Reuerendisssimis dominis Obseruandis. Sanctę Romanę Ecclesię Cardinalibus, Pręsidentibus, & patribus in Sacro Tridentino Concilio congregatis.



MANDATVM ILLUSTRISSIMI D.

Cosmi Florentię & Senarum Ducis, exhibitum

à Reuerendiss. Domino Episcopo Cor-

tonensi eius Oratore, Die

XXIIII. Iunii,

M. D. LXIII.



Osmus Medices Dei gratia, Florentię, Senarumque Dux Illust. &c. Vniuersis has patentes licentias inspecturis, salutem, & sincere dilectionis affectum. Sanę iam inde ab administratione quam

gerimus, diuino sanore suscepta, officij nostri esse cognoscimus, more, institutoque maiorum, Sanctę Catholicę atque Apostolicę Ecclesię (cuius fidem, pietatemque profitemur) ueligijs atque obsequijs studio se ac reuerenter insistere, atque eũ seruentius, quò

O

grā-

graviorum negotiorum, curarumque sollicitudo & pondus incumbit, ut in præsentis conuulsa Religionis, morumque lapsorum discrimine imminere comperimus. Quapropter ut nostri perpetuò similes, eiusdemque uoluntatis ipsi quoque pro uirili nostra pio huic muneri adesse uideremur: Reuerendum uirum nobis dilectissimum, Hieronymum Gadium, Præfulem Cortonen. fide, probitate, atque eruditione. præclarum, ipsiq. rerum experimentis probatum, ad sacrosanctam Tridentinam Synodum, Deo authore, at Sanctiss. Domino nostro summo Pontifice pientiss. congregatum, destinauimus cum mandatis, eundemque item Nuncium, Procuratoremque harum patentium literarum serie deputamus: ut nostro scilicet nomine, nostraque possit autoritate, quoties oportuerit, Illustriss. Reuerendisimisque Sedis Apostolicæ Legatis, ampliss. morumque Patrum Sacrosancto Concilio, ipsorumque cuilibet adesse, atque in Sessionibus, Congregationibus, & extra, & omnibus tam celebri negotio, quomodolibet opportunis & expedientibus, assistere inservire, prosequi, & obsequi. Cùm Casareꝝ quoque Maiestatis, & Serenissim. Regum, ac sublimium Principum Legatis, Nuncijs, negotiorumue gestoribus, & eorum quilibet, quoties expedierit, & ipsi Hieronymo Procuratori placuerit, ea, quæ Sanctissimæ Trinitatis, ac Domini nostri Iesu Christi gloriam, cultumque; ac sanctæ matris Catholicæ atque Apostolicæ Ecclesiæ fidem, unitatem, autoritatem, puritatemque respiciunt, profiteri, promouere, suadere, agnoscere, & accep-

acceptare: ceteraque ad hæc pertinentia agere, tra-
ctare, & explicare, etiam si nominatim nuncupanda;
& specialiori nota censenda essent, plena uidelicet;
& libera ipsi potestate per nos attributa. Cuius acta,
gesta, tractata, & explicata, quacunque fuerint, bo-
na fide, rata nos & grata perpetuo iure, atque opti-
mo recipimus & proſitemur. Datum Florentiæ, An-
no M. D. LXIII. Inditione sexta, Nonis Iulij.

COS. MED. FLOREN. ET SEN. DVX.

V ID IT LÆLIVS.

213

